

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

52 pes

Namba 892

Wik i stat long Fonde 8 Ogas, 1991.

40 toea



• Daroa Ben Moide



• Sauna Babago



• Richard Wagambie




• Johannes Kola



• James Naipao



• Tuksy Karu



• Danny Moi



• Joe Gispe




• Stanley Haru

## Intasiti ragbi lig gren fainal: Mosbi Vs. Hagen - ripot insait



• Bikipela ragbi lig gren fainal bilong Intasiti resis bai stap namel long Hagen Eagles na Mosbi Vipers. Long poto, ol pilaia bilong Hagen Eagles i redi tasol long bungimol birua bilong ol husat i banisim ol long ausait.



• Kes Paglipari



• Philip Boge

### INSAIT

- Nesenel Kot lusim spakbrus sas bilong man Makham ...pes 2
- Hevi bilong Yunitek i go bek long skul...pes 3
- Skul bilong wok wantaim ol disebel...pes 4

16 pes Engligen Sios 100 Yia saplimen

## Sevis Corp i no klia tumas

Gavman bai statim trening long 1992 wantaim K12.5 milien

PLANTI yut grup bilong ol ples insait long kantri i no klia yet long Nesenel Sevis Corp. Na wanem kain wok em dispela oganaisesen o grup i laik mekim.

Na wanpela bilong ol em Morobe Kantri yut asosiesen. I gat moa long 18 distrik bilong Morobe i memba long dispela asosiesen na em i gat moa long 1,500 wan wan memba.

Morobe Kantri yut asosiesen i bin sutim strong-pela toktok tu i go long ol opisa bilong Intaria minista, Karl Stack long yusim nem bilong ol Makham long kirapim wanpela oganaisesen bilong ol yet.

Presiden bilong Morobe Kantri yut asosiesen, Paia Rifi i tok ol i bin save tasol long dispela mas taim stori i kamap long niuspepa. Ol yut

bilong Makham i no save olsem ol bai mas na soim sapot bilong ol long dispela nupela Nesenel Sevis Corp.

Rifi i tok long Mosbi olsem sapos Stack wantaim tupela komanda bilong em, Ian Glanville na Gus Schwiendurth i laik kisim tru sapot bilong ol yut long Makham, orait ol i mas go long Mutzing gavman stesin na tok klia long as tingting bilong dis-

pela nupela oganaisesen long ol lapun bilong ples na ol yut.

"Long nau yet, ol yut bilong Kaiaipit distrik long ol ples olsem Watarais, Leron, namba wan Makham na Wantoat i no klia long dispela Nesenel Sevis Corp.

"Mipela i no save long wanem samting tru i bin mekim na nem bilong ol

i go moa long pes 17

YU NO INAP WINIM  
**HILUX**



**NAMBAWAN  
TRU LONG  
PAPUA NIUGINI**

**TOYOTA**

**Ela Motors**

PORT MORESBY 22 9400 LAE 43 3655 RABAUL 92 1988 MADANG 82 2188 GOROKA 72 1844 MT HAGEN 52 1888  
WEWAK 86 2255 KAVIENG 94 2132 KIMBE 93 5155 TABUBIL 58 9060 VANIMO 87 1254 PORGERA 508203

MEMBA BILONG BURNS PHILP (PNG) LIMITED

### Nesenel kot rausim sas bilong man Makham long planim spakbrus

#### YAKAM KELO i raitm

NESENEL Kot long Lae i bin rausim sas bilong Gath Yasi long planim spakbrus long gaden bilong em long ples Gapsonker long Makham eria bilong Morobe provins.

Nesenel Kot jas, Jastis Doherty i tok sas em Distrik Kot i bin putim antap long Gath i no gat kaikai bikos kot i tok ol i save tasol. Na i no gat wanpela samting i stap

long han bilong soim olsem dispela ripot i tru o no gat.

Distrik Kot i bin sasim Gath namba wan taim tru bikos ol i bilip na "save" olsem em i planim spakbrus long gaden bilong em. Tasol Nesenel Kot i painim bihain long Gath i apil olsem Distrik Kot i no bin gat wanpela samting long han bilong soim olsem dispela ol toktok i lo o nogat.

Jastis Doherty i tru olsem palamen i bin tok orait long lo bilong tambuim spakbrus na

ol kain strongpela marasin samting olsem na Spika bilong nesenel palamen i bin putim mak bilong em long 29 Ogas, 1990, tasol dispela i no kamap lo yet.

Em i tok dispela bai kamap lo taim ol i putim long Nesenel Gaset aninit long tok orait bilong gavana jenerel na minista i lukautim dispela kain ol wok.

Jastis Doherty i skruim toktok aninit long Gaset G60 bilong 13 Septemba, 1990, Eking Spika i bin givim mak

long dispela Ekt. Dispela i no mekim notis ya i kamap lo bikos gavana jenerel i mas putim mak bilong em bihainim toktok bilong minista.

"Long dispe a as, mi painim olsem i no go t rong long dispela na tu i no gat strongpela samting bilong soim tru mejistret olsem dispela man i bin asua na sasim em.

"Olsem na mi luksave long dispela apil na rausim sas bilong dispela man, Gath Yasi," Jastis Doherty i tok.

### Hap bilong K300,000 i no go stret long helpim Simbu taim graun i bin bruk

OL pipel i wari nau long dispela K300,000 nesenel gavman i givim long helpim ol manmeri i bagarap long taim graun i bruk long Simbu provins long dispela yia.

Long taim Gavman i tokaut long dispela mani i kam inap nau, ol i yusim K180,000 pinis long wokim na stretim faivpela rot long Chuave ilektoret. Em i ilektoret bilong minista bilong Komunikesen, Brown Sinamoi. Hap bilong dispela mani tu em ol i yusim long stretim tupela rot long ilektoret bilong olpela minista bilong Envairomen na Konsevesen, Jim Yer Waim.

Dispela graun i bruk long Sande 24 Februeri na karamapim foapela ples long Gere na Gembogl distrik. Haus bilong 512 manmeri i bin bagarap long dispela taim. Simbu provinsal gavman i tingting long muvum ol pipel i go sindaun long Karamui.

Tasol Dipatmen bilong Simbu na provinsal gavman i no putim sampela mani long wokim dispela setelmen. Ripot i tok mani ya i kam em Fainens dipatmen i salim aninit long nem bilong seketeri, Joe Bal.

Tasol Bal i no save long dispela mani inap em i sekim long baset buk. Em i tok, "Taim mi lukim dispela, mi askim seketeri bilong Fainens. Ol i rait i kam bek long mi na tok dispela mani em ol i salim

long stretim sindaun bilong ol man i bagarap bihainim askim bilong minista bilong Komunikesen, Brown Sinamoi."

Bal i ringim Sinamoi na Sinamoi i tokim em long wanem ol rot bai ol i yusim dispela mani long en long ilektoret bilong em na tupela narapela rot long Kerowagi.

Memba bilong Sinasina i tokaut long palamen long 18 Julai olsem dispela K300,000 ol i makim long dispela projek em ol i no yusim gut.

Tasol Bal i tok em i save olsem ol i yusim gut dispela K180,000. Em i tok narapela K120,000 nau i stap long tras akaun bilong yusim long Karamui projek.

Em i tok bikpela samting em i mas klia olsem dipatmen bilong Simbu na provinsal gavman i no askim nesenel gavman long kisim mani bilong Karamui setelmen.

Primia David Mai i tokaut tu olsem provinsal gavman i no askim long wanpela mani long setelmen. Em i tok dispela em i nesenel projek na provinsal gavman i no inap toktok long wanem hap ol i yusim dispela mani long en. Tasol em i tok olsem olgeta dispela mani i go long wanem hap em ol i makim long en.

### Sapot mani bilong ol skul em K1,600,000

OL memba bilong palamen i mas toktok wantaim ol skul long eria bilong ol na painim rot bilong kisim mani em nesenel gavman bai givim.

Gavman i oraitim pinis K1,600,000 long 1991 bilong givim i go long ol skul. Dispela mani i bilong:

- helpim long skul fi;
- baim ol buk, pensil, rula, yunifom na ol narapela samting bilong skul; na
- stretim ol klasrum na opis bilong ol skul.

Dispela mani bai i go long ol komyuniti skul, vokesenel senta, provinsal haiskul na ol skul bilong SDA. Minista bilong Edukesen, Utula Samana i givim pinis plen bilong dispela mani long mun Me kibung bilong palamen. Samana i tok wan wan memba bai kisim K500,000.

Samana i askim pinis Seketeri bilong Edukesen long toktok wantaim minista bilong Fainens na Plening na askim em long givim hariap dispela mani.

Hamas mani ol skul i kisim i bihainim hamas ol manki ol skul i gat long en. Mani bai wan wan studen i kisim em K3.12. Samana i askim ol memba tu long opim pasbuk akaun bilong dispela mani wantaim PNG Benking Kopresen.

Wan wan memba i mas ripot long we em i yusim dispela mani i go long Edukesen dipatmen na Ombudsman Komisin. Dispela em i lo bilong Fainens.

rekot bilong dispela mani; Alois Koki (Pomio) i kisim mani long sek namba 02187. Em i putim olgeta mani long PNGBC, Boroko. Em i no givim ripot yet.

**Manus:** Arnold Marsipal (Manus provinsal) i yusim sek namba 021284 na putim long beng. Em i no gat rekot bilong beng; James Pokasui (Manus Open) i kisim sek namba 021284.



**Skul bilong abrusim birua:** Ol Red Cross wokman i skulim ol yangpela long abrusim birua long rot. Red Cross wantaim plis dipatmen i karimaut nau wanpela woksop bilong skulim ol pipel long abrusim birua long rot.

### Klostu olgeta Niugini Ailan MP i no givim ilektorel mani ripot bilong ol

LONG dispela wik, *Wantok* i go het long tokaut long we ol Memba bilong Palamen bilong Ailans rijen i yusim Elektorel Dvelopmen Fan (EDF) o planti man i save kolim "slush fund."

Stori i kamap long las wik na i kirapim bel bilong ol sampela memba long redim ol ripot bilong mani ol i yusim. Wanpela opisa bilong Edministretiv Sevises i tok

planti memba tru i ringim opis bilong ol na askim long givim ol moa taim bai ol i ken pinisim ripot bilong ol. Dipatmen i save i lukautim na givim ol EDF mani bilong olgeta 109 memba na dipatmen yet i save raun na sekim wanem ol projek ol memba i yusim dispela mani long en.

**Is Nu Briten (1989):** Rabbie Namaliu (Kokopo) i yusim K50,000 long wokim 143 pro-

jek. Sek namba bilong dispela mani em 021230. Em i no givim ripot bilong dispela mani yet; Eremam ToBaining (Is Nu Briten provinsal) i yusim olgeta mani long 81 projek. Em i givim pinis ripot bilong sampela long ol projek; John Kaputin (Rabaul) i no kisim sek bilong em na gavman i kisim bek; Eserom Burege (Gazelle) i kisim sek bilong em tasol em i no gat



**MOSBI:** Ol plisman i holim na sasim pinis wanpela man long Sabusa Sowil ausait tasol long siti long kilim man na stilim pe bilong ol gavman woka tupela wik i go pinis. Ol plisman i bin holim dispela man long taim ol i mekim wanpela operesen long las wik Fonde.

Plis ripot i tok ol raskol i bin yusim wanpela Nissan Cetric ka long stapim pe masta fran long Edministretiv Koles long Mosbi na ranawe wantaim mani. Ol plisman nau i wok long painim ol narapela poro bilong dispela man.

**LAE:** Tupela raskol em ol plisman i holim na kalabusim i stap long sas bilong kilim man long Wau i bin ranawe long Tent Siti plis rumgat. Na ol plisman i wok long painim yet dispela tupela man.

Bihainim dispela samting, ol sinia plis opisa i wok long sekap tu long wanem rot em dispela tupela man i bin ranawe long rumgat. Long nau yet, ol plisman i no klia long wanem taim na rot em dispela tupela man i bin ranawe long en.

Plis ripot i tok long wankain taim yet, tripela man tu i bin ranawe long narapela plis rumgat. I gat sampela toktok i sut long ol plisman i kamapim wantok pasin na helpim tupela biknem raskol ya long ranawe. Na ol i wok long painim tu dispela tupela man.

**ENGA:** Plis ripot i tok wanpela man bilong Lakumas viles long Enga provins i bin dai bihain long wantok bilong em i sutim em long sotgan. Ol plisman i no save long wanem as tru na dispela man i bin kilim wantok bilong em. Tasol ol i wok long painimaut yet long dispela.

**GOROKA:** Wanpela man i bin yusim sotgan na kilim narapela man. Long nau yet, ol plisman i mekim wok painimaut wantaim tingting olsem dispela i kamap bihainim bilip bilong bekim indai bilong narapela.

Man husat i dai em Dawo Osifa bilong Watabung distrik long Isten Hailans provins. Plis ripot i tok Osifa i bin stap wantaim ol pren bilong em long Koferna viles na i laik wokabaut i go bek long ples taim em i bungim dispela birua.

Ol plisman i wok long painim yet ol lain husat i kilim Dawo.

**MADANG:** Ol plisman i holim na sasim pinis tripela man husat i bin pretim wanpela waitman wantaim meri bilong em long Madang Yot Klab na stilim K500, wanpela televisen, wanpela kamera na wanpela hanwas.

Plis ripot i tok ol dispela lain man i bin karim sotgan wantaim ol naip na pretim Mark Stooker na meri bilong em. Bihain ol dispela lain man i putim dispela samting long bot bilong tupela na ranawe.

Tasol long wankain taim yet, ol plisman i holim wanpela operesen long wanpela kompaun i stap baksait long Sivil Eviesen dipatmen na holim olgeta tripela man. Na ol i bin kisim tu olgeta samting em ol lain ya i stilim long en. Olgeta tripela man i bilong Biwat long Is Sepik provins.

**LAE:** Ol plisman i holim na sasim pinis wanpela man em ol i ting i bin stap long taim sampela lain i kilim Chris Follet long las wik Tunde, 1 Ogas, 1991. Chris i gat 19 krismas na i wanpela memba bilong ragbi yunien tim bilong Saut Pasifik Gems long makim Papua Niugini.

Ol plisman i wok long painim yet ol arapela poro bilong dispela man. Ol plisman i bin holim dispela man long Bumbu setelmen long Fraide moning long wanpela operesen. Na ol plisman i gat bikpela bilip long holim olgeta lain husat i bin stap long taim em dispela samting i bin kamap.

**KAVIENG:** Ol plisman i holim na sasim pinis wanpela meri long kilim pikinini bilong em. Plis ripot i tok dispela meri i gat 29 krismas na i no marit yet. Plis ripot i tok dispela meri i bin kilim pikinini bilong em long mun Epril bilong dispela yia.

Pastaim long dispela i kamap, ol pipel bilong ples i bin lukim meri ya i gat bel. Tasol tupela wik bihain, meri ya i no gat bel na ol i save olsem em i kilim pikinini. Ol i bilip olsem em i bin kilim pikinini na planim arere long haus bilong em yet.

# Bod bai kamap long skelim pe bilong ol plantesis woka

MINISTA bilong Leba na Emploimen, Tony Ha i askim nau ol kampani i wok long olgeta kes krop bisnis long makim wanpela Bod long lukluk long nupela pe bilong ol plantesis wokman na meri.

# Ol viles kot mejistret na opisa i laikim bikpela senis long kamap

VILES Kot Seketeriat long Waigani i redim nau wanpela ripot i sut long ol viles kot i go long minista bilong Jastis, Bernard Narokobi.

Dispela tingting i kamap bihain long wanpela kibung long Madang long 29 Julai inap long 2 Ogas long las wik.

Viles kot opisa long

bilong Leba na Emploimen husat i save tokaut long wanem kain ol pe em ol wokman na meri long kantri long gavman na kampani wantaim bai kisim long wan wan yia.

Dispela Bod bai traim long kamapim ol kain senis long pe bilong ol plantesis wokman na meri we ol kampani i inap long baim insait long narapela 3-pela yia i kam.

Madang, Philip Duban i tok kibung i painimaut planti samting tru long viles kot i mas senis long pasin bilong harim kot, na salim ol man long kalabus.

Em i tok kibung i orait long senisim sampela pawa bilong viles kot. Ol sampela samting bai i stap insait long ripot i go long minista em long ol manmeri i mas:

- baim K200 long pe bilong kot;
- kalabus long sikspela mun;
- baim kompensesen long K1,000;
- ol lokal gavman kaunsel na provinsal gav-

man i mas mekim ol lo bilong ol yet bihainim kastam long wan wan provins; na

i go moa long pes 6

# Nesenel kot bai tokaut sapos Jastis Amet bai stap siaman bilong Traibunel o no gat

## SAM VULUM i raitim

NESENEL Kot bai painim aut sapos siaman bilong Lidasip Traibunel Jastis Arnold Amet i go het long harim kot bilong olupela namba tu praim minista Ted Diro olsem siaman o no gat.

Loya bilong Diro, Loani Henao i askim Jastis Amet long pinis olsem siaman taim Traibunel i sindaun long Trinde las wik. Dispela long wanem em i tok Jastis Amet i save gut tru long wanpela olupela jas bilong Papua Niugini, Thomas Barnett husat i stap nau long ples bilong em long Australia.

Jastis Barnett em Komisina bilong wanpela wok painimaut long wok bilong fores long 1989. Dispela ripot tasol i tokaut long planti ol sas bilong Diro nau i kamap long Traibunel. Na Loani i bilip olsem nogut Jastis Amet i wansait.

Askim bilong Loani i bihainim ol ripot olsem meri bilong Jastis Barnett, Leela Barnett i bin tokim Diro olsem Jastis Amet i tokim Jastis Barnett long wanem ol samting nau i wok long kamap long Lidasip Traibunel.

Tasol Traibunel i sindaun gen long Tunde na tokaut olsem Jastis Amet bai stap yet olsem sia-

man. Jastis Amet i tok long Mande olsem em i tru olsem tupela pren i taim Barnett i stap yet long PNG, tasol em i no bin toktok wantaim Barnett taim em i stap olsem siaman bilong Traibunel.

Bihain long tokaut bilong Jastis Amet, Henao i tok em bai askim Nesenel Kot long painimaut sapos dispela tingting bilong Traibunel i stret long lo o no gat. Jastis Amet i tokim em long tingting gut na tokim Traibunel long Trinde.

Long Trinde (asde), Traibunel i sindaun gen na Henao i tokaut olsem em i redim wanpela pepa pinis na bai givim long Nesnel Kot long skelim dispela tingting bilong Traibunel.

Jastis Amet i tok lo i orait long dispela long kamap. Olsem na Henao i ken go het na sapos ol i win, orait em (Jastis Amet) bai pinis olsem siaman na bai narapela jas i kisim ples bilong em. Tasol em i tok em i laikim bai dispela kot i mas pinis hariap na i no ken kisim longpela taim tumas olsem.

Diro i tokaut long kot olsem ol i laikim bai olgeta samting i mas stret long lo. Henao i tok ol i no pret long kamap long Traibunel. Em i tok ol i no inap long risain. Ol bai bekim ol askim bilong Traibunel, tasol ol i laikim dispela samting i mas stret pastaim.

# Yunitek yet bai stretim hevi namel long ol studen na vais sansela

NESENEL Kot i givim gen kot namel long ol studen bilong Yunivesiti bilong Teknoloji (Yunitek) long Lae na Vais Sansela bilong skul, Profesa Sam Pearce i go bek long skul yet bilong stretim.

Nesenel Kot jas, Jastis Doherty i tok i gat lo bilong skul yet i banisim ol studen, wok bilong skul na wanem samting i kamap insait long banis bilong skul. Olsem na i mobeta long ol i mas traim stretim dispela samting long

skul yet pastaim.

Em i skruim toktok olsem i tru Vais Sansela i gat pawa bilong mekim samting na bringim lo i kam ples klia sapos ol studen i no bihainim stret rot. Long wanem, dispela ol lo i stap bilong helpim skul long wok na go het gut. Sapos em i no mekim olsem, skul bai pundaun.

Jastis Doherty i bin tokaut tu olsem dispela kot nau i karamapim tasol 13 studen.

Bikos ol dispela lain i no amamas long wanem sas em Profesa Pearce i sutim long ol. Narapela 340 studen i orait bikos ol i stretim pinis olgeta samting long skul yet.

Dispela ol 13 studen i makim SRC Vais presiden bilong Yunitek, Stanley Gini long kisim maus bilong ol long kot. Ol dispela 13 studen i bin bringim dispela samting i go long kot bihain long Profesa Pearce i tokaut

olsem ol bai i no inap stap long banis bilong skul na kaikai tu long hap.

Profesa Sam Pearce i tok em i bin mekim dispela bihain long em i givim tok orait long taim tambu long kamap insait tu long skul banis. Na dispela i kam aninit long nem na pawa bilong em olsem Vais Sansela.

Vais Sansela i tokaut strong tu olsem em i mekim dispela bihainim lo i banisim skul na ol studen.

# Kot bilong Diro autim kot bilong Barnett long ples klia


WANPELA kot i kamap nau namel long olupela jas bilong Papua Niugini, Thomas Barnett na Papua Niugini meri bilong em, Leela Barnett long Perth long Australia.

Tupela marit ya i laikim kot long skwlim husat tru bai kisim pikinini taim ol i bruk. Tupela i no gat pikinini bilong ol yet. Dispela pikinini ol i pait long en nau i bilong susa bilong Misis Barnett. Tupela nau i no stap wantaim nau. Ol i stap longwe long tupela yet na i save go long kot.

Misis Barnett i bin tokaut long dispela taim em i toktok wantaim olupela namba tu praim minista Ted Diro. Diro i kamap nau long kot long 76 sas em Ombudsmen Komisnin i putim em long en.

Em i tokim Diro olsem man bilong em Thomas Barnett i laikim Diro i mas kalabus. Taim Barnett i wok yet olsem jas long Papua Niugini, em i bin stap olsem siaman bilong wanpela wok painimaut i go long wok bilong fores insait long kantri. Barnett tasol i bringim ples klia sampela ol sas bilong Diro. Diro i bin kamapim ol dispela rong taim em i stap minista bilong Fores long 1987.

Misis Barnett i tokim Diro tu olsem siaman bilong Lidasip Traibunel i wok long kot bilong Diro, Jastis Arnold Amet i bin givim sampela ripot long kot bilong Diro long Barnett. Na tu Amet wantaim Barnett em ol gutpela pren tru.



Operesen: Ol man bilong Is Sepik i katim diwal long Mek sip operesen.

**Envelopes**  
All sizes

STILL 25% OFF PRICES

**ALU SIGNS** PTY LTD  
PO BOX 7081, BOROKO PH: 25 4800  
STORE: NEAR BOROKO POLICE STATION

**FRI BAIBEL KOS**  
YU KEN KISIM SKUL LONG SALIM PAS

Salim nem na edres long: WORLD BIBLE SCHOOL, Dept. VD22, P.O. Box 9346, Austin, TX 78766 USA

**TOR TOO**

WANDELA MAN! GIAMANIM TORO LONG BAIM ROS KA BILONG EM... TORO GO LONG BENK NA RAUSIM OLGETA MONI BILONG EM NA GO BAIM KA LONG MAN YA...

NAU KARIM ROS KA I GO LONG OPIS NA SO-OFF STRET.. EM RINGIM OL PORO BILONG EM LONG SAUTIM BIA...

...HALOU, PRANIS!..EM MI YA, TOKSY MAN! NOKEN WARI LONG PAINIM WILS.. MI BAIM NIUPELA WILS PINIS!..NU SAVE.. YU BAI DA BIA, I PROVAID DA WILS, OKEE...

... OKE, ITS A DIL! KAM KISIM MI LONG 4-KILOK STRET!

HE! HE! HE! BAI MI TOKIM PORO LONG SAUTIM BIA LONG YOTS KLAB.. NO PROBS!

PATA PATA PATA PATA

KLANKA KLANKA KLANKA KLANKA

SIMUK INO ISI LONG KAMAUT LONG EKSOS PAIP BILONG KA...

EM KAMAP NA SINGAUTIM PORO LONG HARIAP...

HOI, PRANIS! HARIAP, YA! NOGUT OL PASIM LIKASOP!!

STAP ISI! EM 4-KILOK TASOL YA!

NAU PORO SIKSTI I GO INSAIT LONG KA NA WETIM TORO LONG STATIM KA... TASOL KA INO STAT..

OLSEM WANEM? YU TOK EM NIUPELA KAR BILONG HU YA! STATIM!

ATING EM IGNISION IBAGA-KAP!

TORO TRAIM LONG STATIM KA LONG 4-KILOK I GO 6-KILOK.. OL LIKA SOP I PAS NA PORO BILONG EM I KROS NOGUT TRU...

YU \*?!! NEKS TAIM YU AIDKEN KAM NA PIKIM MI AP!! \*?!!

TASOL PORO...

EM LUSIM TORO NA RONAWA...

# WANTOK

NIUSPEPA BILONG OL PAPA NIUGINI STRET

## Harim tu ol liklik manmeri

I LUK olsem hevi bilong Bogenvil i no go daun liklik. Hevi i wok long kamap bikpela yet. Gavman bilong Papua Niugini i gat wanem kain tingting nau long dispela hevi na samting bilong mekim.

I no longtaim i go pinis, tupela soldia i bin dai long han bilong ol paitman bilong BRA. Tru tumas, mipela i no inap larim dispela hevi i go het yet na bagarapim gutnem na sindaun bilong kantri.

Gavman bilong tude i mas tingting strong tru long pinisim dispela hevi pastaim long pinis bilong dispela mun. Bikos bihain long mun Ogas, olgeta tingting bai stap long redim ples na samting bilong 1991 Saut Pasifik Gems. Na dispela hevi i no ken stap i go inap long dispela taim bikos ol arapela kantri long Pasifik bai kam. Na taim ol i go bek, ol bai karim wantaim ol kain kain gutpela na stori nogut i go bek.

Yumi bin traim pinis kefiu tasol dispela i no wok namba wan taim. Olsem na watpo nesanel gavman i laik skruim kefiu long Lae na Hagen. Planti toktok i bin kamap pastaim pinis olsem dispela i no bin wok na maski long tromoi mani nating gen.

Nau em i taim bilong nesanel gavman long traim harim ol liklik tingting bilong ol wimens grup, ol sios na ol arapela kain kain grup nabaut. Bikos wanpela liklik lain tru inap painim wanpela rot em ol bikpela save-man bilong kantri i no inap lukim. Bikos het bilong ol i pulap long ol bikpela samting tasol, na planti bilong ol dispela samting i save kusai tasol.

# Ol woka skul moa long wok wantaim ol disebel

ALPHONSE PU I raitim

OL woka bilong Madang Selp Help Senta na Westen Hailans Asosiesen bilong ol Disebel bai inap wok bung wantaim na givim gutpela helpim long ol disebel man, meri na pikinini, ol famili bilong ol dispela lain na ol

komyuniti em ol i stap long en.

Dispela i bin kamap insait long wanpela program namel long ol lain bilong Sosol Developmen seksen bilong Edministretiv Koles bilong Papua Niugini long Mosbi. Tupela tisa bilong koles long Mosbi i ranim nau tupela kain kos long Hagen aninit long

ekstensen program bilong ol.

Het tok bilong namba wan kos em "Working With People". Long Tok Pisin, dispela i min olsem "Wok Wantaim ol Pipel" na bai pinis long tumora, Fraide 9 Ogas, 1991. Man husat i go pas long dispela kos em Soanin Kilangit.

Het tok bilong namba tu kos

em "Counselling Skills" o long Tok Pisin i min olsem "Kain save na rot bilong toktok na helpim ol disebel". Man husat i go pas long dispela kos em Simon Takaboy. Dispela kos bai stap inap long tupela wjk na bai stat long neks wik, 12 Ogas i go inap long 23 Ogas, 1991.

Namel long ol 10-pela lain husat i stap insait long dispela kos em tupela woka bilong Madang Selp Help Senta na narapela 8-pela i bilong Westen Hailans Asosiesen bilong ol Disebel. Bihain long dispela kos, ol bai i gat inap save na klia tingting bilong wok wantaim ol pipel na helpim ol disebel na ol lain husat i save lukautim ol.

Long dispela taim nau, planti man na meri husat i save lukautim ol disebel man, meri na pikinini i mas kisim gutpela skul na helpim long pasin bilong lukautim ol disebel. Bikpela skul i mas stap long taim bilong lukautim na luksave long wanem kain samting em ol disebel i laikim.

Long sampela taim, papa na mama bilong ol dispela disebel man, meri na pikinini i no save laikim na lukautim ol dispela lain man na meri. Ol i tromoi ol nating na komyuniti tu i mekim wankain olsem long ol. Olsem na dispela kain ol kos bai inap helpim ol wokman na meri long luksave na helpim gut olgeta mamba bilong komyuniti long lukautim na helpim ol disebel man, meri na pikinini long olgeta kona bilong Papua Niugini.



• Ol wokman na meri bilong Westen Hailans Asosiesen bilong ol Disebel i sindaun wantaim tisa bilong Edministretiv Koles, Soanin Kilangit (namel). Ol i bin skul long "Wok Wantaim ol Pipel".

## Ol UPNG fainal yia studen "No gat K13 long Fraide, no gat skul"

BEN TAUMAI i raitim

MOA long 20 studen long Yunivesti bilong Papua Niugini long Mosbi i no kisim poket alauens bilong ol inap long tupela mun nau.

Sampela bilong ol i wokim fainal yia kos na ol arapela i wokim

Honas Digri.

Gavman i bin stapim dispela liklik mani em ol studen i save kisim bilong helpim ol long skul. Dispela i bin kamap taim ol studen i protes long nesanel palamen i oraitim tingting bilong apim pe bilong ol mamba, sinia pablik sevan na ol

primia long mun Epril long dispela yia.

Skul i bin pas i stap inap long 7-pela wik olgeta. Na long wankain taim, nesanel gavman i stapim dispela K13 alauens em ol yunivesiti studen i save kisim long olgeta potnait.

Wanpela studen, Andrew Itai i tok ol i bin go long opis bilong

Haia Edukesen long Waigani na askim long ol alauens bilong ol. Opis bilong Haia Edukesen i bin orait long givim ol dispela mani tasol i no mekim yet.

Long dispela, planti studen i save wokabout i go long skul long wokim ol skul wok na stadi bilong ol bikos i no gat mani bilong

baim PMV bas.

Andrew i tok long nau yet, planti fainal yia studen i tingting tu long ranawe i go long ples bikos ol i no gat mani bilong i go na kam long skul.

Na las de em ol i givim em long Fraide, 9 Ogas. Sapos ol i no lukim wanpela pes bilong ol alauens, ol bai lusim skul.

## Palamen oraitim tupela laki resis

INSAIT long las kibung bilong en long mun Julai, 1991, 23 mamba bilong nesanel palamen i bin yesa long vot bilong kirapim tupela nupela ples bilong pilai laki long Papua Niugini.

Dispela i bin kamap bihain long mamba, Tom Amaui i muvim mosen olsem palamen i mas oraitim tupela nupela kain pilai laki long kantri. Ol mamba i bin vot long dispela taim Ekting Spika, Christopher Sambre i bin lukautim sia.

Yesa long nupela laki resis

Namel long ol dispela 23 mamba husat i bin oraitim tingting em deputi praim minista na minista bilong Fieris Akoka Dol, minista bilong Woka, Anthony Temo. Het minista Beosa Motakriya, Komyuniser minista Brown Simeon, Laka minista

i yesa em Albert Kipalan, Allen Ebu, Eremam ToBaining, Galen Lang, Jacob Lemeki, James Kupul, Jim Yer Waim, John Wauwia, Melchior Pep, Michael Singan, Steven Mambon, Tendau Lau, Timothy Bonga, Tom Amaui, Tony Ila, Wagi Merimba na William Wi.

Long dispela vot, ol mamba husat i bin tok no gat i sot tasol long tripela o 4-pela namba bilong win. Na ol lain i tok no gat i kisim tasol 20 vot.

No gat long nupela laki resis

Namel long ol em Jastis minista Bernard Narokobi, minista bilong Yut Mathew Bandumb na Edukesen minista Daria Samana.

Ol sabapela mamba husat tu i no lukautim tingting em Alu Masi, Beosa Motakriya, Komyuniser minista Brown Simeon, Laka minista

# WANTOK

NIUSPEPA BILONG OL PAPA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00


### BIABIA GO LONG PAINAPOL BILDING NA OL SEKIURITI PASIM EM LONG DUA...




### TASOL BIABIA I LES LONG SAINIM BUK NA GIAMANIM SEKIURITI YA...



### TARANGU SEKIURITI INO BILIP LIKLIK LONG EM...



### TASOL BIABIA INO HARIM GUT NA EM BEKIM...





**Salamaua haiskul bai kisim ol studen long 1993**

**YAKAM KELO i raitim**

SALAMAUA haiskul long Morobe provins bai kisim namba wan lain studen bilong wokim gret 7 long 1993. Na i luk olsem olgeta wok bilong sanapim ol klasrum na haus bilong skul bai pinis long namel bilong 1992. Provinsal asisten seketeri bilong Edukesen, Mark Humphries i tok wok bilong skul i no pinis hariap long wanem i bin gat liklik hevi namel long ol lain bilong Lens dipatmen na Woks wantaim Edukesen dipat-

men. Olsem na ol wok i no go het na pinis long dispela yia. Hevi i bin kamap taim Lens dipatmen i no inap givim tok orait pepa bilong Woks dipatmen long go het na sanapim ol samting bilong skul long hap graun em ol i bin makim long en. Tasol, Humphries i tok Edukesen dipatmen i toktok pinis wantaim Lens dipatmen na olgeta samting i stret nau. Olsem na ol lain bilong Woks dipatmen i sanapim nau ol haus na klasrum samting. Olgeta wok na samting bilong Salamaua haiskul i

kam aninit long han bilong nesenel gavman. Salamaua haiskul projek i kam aninit tu long 5-Yia Plen bilong Morobe provinsal gavman long ol skul long provins. Na provinsal gavman i gat 6-pela plen bilong en long mekim insait long dispela 5-pela yia. Ol dispela plen em: • Kisim moa pikinini long skul. Dispela i min olsem i mas gat moa skul bilong pulim moa pikinini long taim bihain; • Kirapim gutpela helpim, sapat na wok bung wantaim bilong ol komyuniti long

strongim wok bilong ol skul long provins; • Stretim wok na sindaun bilong ol tisa long ol skul; • Stretim na redim ol samting bilong skul bilong ol tisa na sumatin long kisim na yusim long skul; • Kamapim gutpela rot bilong skulim ol pikinini olsem bai ol i ken lainim gut samting na skul gut; na • Kamapim gutpela wok long sait bilong lukautim na ranim skul olsem bai skul i ken go het gut long ol wok bilong en.

□ SAMSON i no man bilong dring na i go bukim wanpela rum long Civic Guest haus long Mosbi. Taim em i go kisim ki, meri long swisbot i no lukim bikos em i bisi nogut tru. Olsem na boi i go tromoi beg long rum na go sindaun lukim televisen i stap. Long wankain taim yet, tupela bikman bilong Arowe, Felix na Romanus, i kamap na go kisim rum. Ol i givim tupela wankain rum olsem Samson i stap long en. Tupela bikman ya i go putim ol samting na laik waswas. Romanus i pasim taul pinis sanap i stap taim Samson i opim dua. Em lukim tupela na tok, "Hei, tupela bikman, dispela em rum bilong mi ya. Lukim ol kago bilong mi i stap." Tupela bikman Arowe is stat long guria i stap na Romanus i bekim, "Piliso pikinini, yu kam na sekim olgeta beg na switkes bilong yu. No gat wanpela samating i bin lus ya." Taim bikman ya i tok olsem, taul bilong em tu i lus na bikipela maket bilong Arowe i stap ples klia.

□ TUPELA wanwok i go raun long Boroko. Narapela i save wok long woksap na narapela i save wok long opis. Man bilong woksap i doti stret long ol wel bilong ka. Tupela i kamap long stua bilong balm marasin na wanpela meri Kerema i kam abrusim tupela. Meri Kerema i bin putim planti marasin long skin bilong em na skin bilong em i smel kranki stret. Olsem na boi woksap i smelim na tokim meri ya, "Yupela, meri o kemis?" Meri Kerema i harim na tanim lukim man ya. Em tu kirap na bekim, "Yupela, man o woksap?" Poro bilong pullim su soken i harim olsem na pispis long trausis. Felix Antok MOSBI

WANPELA taim wanpela meri Siassi i krosim tru yangpela pikinini man bilong em. Olgeta taim pikinini man ya i save raun na i no save kam hariap long haus. Em bai raun i go biknait tru na i kam mekim nais long haus.

Wanpela gutpela taim stret na mama bilong em i wetim em i stap. Taim boi no gut ya i kamap nau, mama i mekim save long krosim em.

Mama i askim em, "olsem wanem tru na yu no save kam hariap long haus?". Em wok long krosim pikinini bilong em i go na man bilong em i slip long rum i go na les pinis long kros bilong meri bilong em.

Papa behat na singaut i go "mama, bilong wanem na yu karim em?". Mama bekim, "yu tasol i lainim em long raun long nait".

Pikinini sanap i go na tokim tupela, "yutupela yet i lainim mi na bihain givim dok na mi kaikai olsem na mi raun mi raun olsem dok". Namus MOSBI



**Ol bikman i bung: Jastis Minista, Bernard Narakobi, na Difens Minista Ben Sambumel i bungim primia bilong Kwinslen, Wayne Goss long Mosbi long dispela wik.**

**Sandaun provinsal gavman i pasim nau ol bisnis bilong en**

SANDAUN provinsal gavman i wok long pasim nau olgeta bisnis bilong en bikos ol i no kamapim winmani.

Primia, Egbert Yalu i tokaut long dispela long Tunde taim ol i kamap long Pablik Akauns Komiti (PAC). Ol memba bilong palamen yet i stap insait long dispela komiti.

Wok bilong ol em long sekim olgeta gavman dipatmen, provinsal gavman na ol bisnis bilong gavman long painim aut sapos ol i yusim

gut mani o no gat. Komiti bai putim wanem samting i kamap long kibung i go insait long ripot na bringim long palamen.

Yalu i tok dispela i bihainim tingting bilong Provinsal Eksekutiv Kausal (PEC) long las yia. PEC i pasim tok tu long em i no inap long staim ol nupela bisnis bilong em yet tasol bai em i baim sea long ol bikipela kampani tasol. Em i tok ol i baim 25 pesen sea long Vanimo Fores Prodak Pty Limited.

Provinsal gavman i gat sea tu long Ramu Suga Pty Limited.

Seketeri bilong Dipatmen bilong Sandaun, Chris Vihuri i tok ol i askim provinsal gavman long mekim dispela bihain long ol i lukim olsem ol bisnis bilong en (provinsal gavman) i no kamapim winmani.

Seketeri bilong Komes divisen i tok ol bai salim ol samting bilong kampani nau

i pas pinis. Wanpela long ol dispela bikipela kampani em Wes Sepik Developmen Kopresen (WESDECO).

PAC i painimaut olsem. WESDECO i pas pinis tasol provinsal gavman i baim klostu Kl milien i go long Blackwood Hodge Hire Pty Limited bilong Australia. Dispela em bilong baim ol mesin bilong katim timba bilong kampani em provinsal gavman i kisim long WESDECO long yusim.

**Ol pipel bilong Wutong i no laikim boda haiwe**

OL pipel bilong Wutong long Sandaun provins i no laikim bai Indonesia i wokim rot i kam insait long boda mak bilong Papua Niugini.

Ol i tok nesenel na provinsal gavman i no askim pastaim long pipel bilong boda na sainim tok orait wantaim Indonesia long dispela bikipela haiwe. Ol i bin sainim tok orait long Jayapura long dispela yia. Dispela bikipela haiwe bai bungim Indonesia na Papua Niugini.

Ol pipel i no laikim dispela tingting bikos ol i save olsem bai i gat planti hevi tu i kamap long laip na sindaun bilong ol long boda. Sampela bilong ol dispela hevi em long pasin pamuk, ol sik nogut na moa bikhet pasin.

Wanpela mausman bilong ol pipel bilong Wutong i tok Indonesia bai i no inap wari long bus, solwara, ol diwai na kain kain enimal em Papua Niugini i gat long en. Ol bai mekim nabaut na pinisim ol dispela samting. Na dispela bai bagarapim gutpela sindaun long boda bikos laip bilong ol pipel long hap i stap long han bilong ol dispela samting.

Ol pipel i salim pinis wanpela protes pas i go long provinsal gavman long dispela samting.

**Papua Niugini Nesenel Ileksen, Me-Jun, 1992**

Nem bilong ol olupela na nupela kendidet bai kamap bilong resis long ol sia long olgeta ilektoret. Dispela em i bikipela samting olsem na olgeta man na meri bilong Papua Niugini i mas save gut tru long olgeta samting bilong mekim long taim bilong ileksen.

Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

**Tingim gut, ol gutpela lida i kamap long stretpela vot**

**TASOL HUSAT I KEN VOT?**

Ol Papua Niugini man na meri husat i givim nem tasol long 1992 ilektorel rol bai tromoi vot. Na dispela i min olsem olgeta sitisen husat em krismas bilong ol i winim 18 yia na i bin stap insait long wanpela ilektoret moa

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal Ilektorel Opis, Distrik Menesa o Opisa-In-Sas long hap bilong yu.

**Tingim ... lo i tok olsem olgeta Papua Niugini man na meri i mas givim nem bilong vot.**

**OL NUPELA LAIN BILONG VOT**

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Ilektorel Opis i stap klostu long hap bilong yu na pulimapim wanpela fom bilong vot nau!

**Tingim gut, givim nem nau! Olsem bai yu gen vot long 1992 ileksen.**



Authorised by Reuben Kaiulo, Electoral Commissioner Papua New Guinea

# LUKIM GOD INSAIT LONG AI BILONG YU

*"Sapos ai bilong yu i gutpela, lait bai i pulap long olgeta hap bilong yu." (Mt.6:22)*

Ai em i windo bilong bodi bilong yumi. Ol kain kain samting i save kam insait long en, na kain kain mining i save i goaut long en.

Ai em i nambawan rot bilong bungim yumi wantaim olgeta samting i stap ausait long yumi. Ai i save lukim ol sta i stap longwe tru, na yumi no inap kamap long ol. Ai i save lukim ol bikipela samting tru, olsem wanpela bikipela maunten. Na em i save lukim ol liklik samting tu: olsem sap bilong nil samap.

Long skul, 80 pesen bilong olgeta save i bin kamap long ai bilong yumi tasol.

Ai i save amamas long ol naispela samting. Ai em i save skulim yumi long rit na long lukim ol kain piksa.

Ai em i wanpela gutpela kam- era o masin bilong snepim poto

tru. Em i otametik olgeta, na i winim Video kamera na i kisim wantu olgeta kala poto, maski em i taim bilong tudak o tulait.

Ai inap lukim planti kain samting, tasol em i no inap lukim em yet. Ai em i save lukluk i go long ol samting i stap ausait long en. Tasol yumi inap lukluk i go insait long ai tu. Na dispela i ken tok save long tingting bilong papa bilong dispela ai.

Sampela tambaran man inap lukluk strong tumas insait stret long yu, na sik bai i kisim yu. Sapos yumi lukluk strong insait stret long ai bilong narapela man, yumi inap pretim na bosim em. Yes, lukluk bilong ai i gat pawa.

Sampela taim wanpela sik bilong ai i ken mekim doti windo bilong em. Olsem tasol na kain kain pasin nogut i ken paulim ai

bilong spirit, na sol bilong yumi. Ai em i olsem windo bilong spirit o sol tu.

Manmeri i jeles, em i olsem man/meri i mekim doti ai bilong em. Em i no save lukim klia olgeta arapela manmeri. Na tu, man/meri i amamas na i save lus long em wanpela tasol, em i save lukim em wanpela tasol; em i no save lukim ol arapela pipel. Mipasin em i wanpela sik i paulim ai bilong spirit o sol bilong em.

Sapos yumi ritim olgeta buk bilong Baibel, yumi inap painim planti mining bilong "ai." Dispela tok "ai" i kamap samting olsem 554 taim long Baibel. Em hia sampela dispela tok na mining bilong "ai": "Bekim ai long ai .... Lukautim gut olsem ai bilong yu yet.... Man i brukim ai, em i trik.... Ol naispela kala samting i

amamasim ai.... Holim long ai bilong yu- lukim gut.... Man i kros na ai i tudak.... Long ai bilong yu em i gutpela man.... Ai bilong bebi i lait.... Yu olsem lait bilong ai bilong mi.... Pasin kra i pasim ai ..... Litimapim ai i go antap... Pasim ai bai yu i no inap lukim.... Ai bilong em i op tru na em i kalap.... Mi pulap long wok, em i kam inap long ai bilong mi.. Ai bilong mi i wetim samting.....

Ai bilong bebi em i dispela gutpela ai, Jisas i gat tok long en. Dispela gutpela ai em i windo i soim naispela sol o spirit. Gutpela ai bilong man/meri i op pinis, em i ai bilong man/meri i save smail, na i belgut long ol arapela. Gutpela ai em i ai bilong man o meri i laikim yu, i gat interes long yu, i sore long yu.



**FRANK MIHALIC i raitim**

Gutpela ai em i welkamim yu, na i mekim yu i stap bel isi na sindaun isi. Gutpela ai i mekim bel bilong yu i malumalu. Gutpela ai i ken pulim yu long opim olgeta tingting hait bilong yu, na yu no sem o pret long dispela.

Tru tumas, tok bilong Jesus i kisim mak stret. Em i bin tok olsem: "

"Sapos ai bilong yu i gutpela, lait bai i pulap long olgeta hap bilong bodi bilong yu."

## Ol Katolik mama i no amamas long Vanimo/Jayapura haiwe projek

**FELIX RAMRAM i raitim**

WANPELA kibung namel long ol Katolik mama bilong Vanimo taun wantaim primia na dipatmen seketeri long 26 Julai i no bin kamap.

Ol mama i laikim dispela kibung long kamap bikos ol i no wanbel long tingting bilong wokim wanpela bikipela haiwe rot bilong bungim bik- taun bilong Wes Irian, Jayapura na Vanimo.

Provinsal Kaunsil ov Wimen tu long Vanimo i sapotim dispela tingting bilong ol Katolik mama olsem dispela bikipela rot projek i no ken kamap. Long wanem dispela bai bringim planti hevi moa long ol famili na liklik bisnis manmeri.

Tasol long sait bilong pilai politik, kaunsil i autim em yet. Em i laik stap na toktok na wok strong long ol projek bilong ol meri long provins.

Moa long 100 man na meri i bin kamap long wanpela bung bilong autim tingting long dispela nupela haiwe long Peter Cole pilai graun. Bung i bin kamap long Sarere, 27 Julai. Bikipela lain tru em ol mama bilong ples Waromo long Wes Kos bilong Vanimo.

Wanpela meri husat i makim maus bilong ol mama long Vanimo taun,

Veronica Angori i tok provinsal na nesanel gavman i bin wokim bikipela asua tru. Long wanem tupela i no bin tra im sekap pastaim long dispela samting insait na ausait long provins.

Eking presiden bilong Siau lokal gavman kaunsil, Simon Raelio i tokim kibung olsem Sandaun i no gat wanpela gutpela bisnis bilong salim long ol pipel bilong Indonesia.

"Piksa bilong dispela i stap ples klia namel long mipela yet long provins. Mipela i no save salim, na baim samting insait yet long provins. Samting mipela i gat nau long en i no inap bilong salim i go long arapela kantri olsem long Indonesia wantaim dispela nupela haiwe.

"Planti pipel bilong mipela long Telefomin, Oksapmin, Grin Riva na ol arapela ples insait long bus bilong Sandaun i no lukim solwara yet. Ol i no tra im yet kain kaikai em ol stua long Vanimo i save salim. Olsem na mipela i no nidim dispela rot," Raelio i tok.

Wanpela sinia pablik sevan i bin tok tu olsem taim Papua Niugini i tok yesa long dispela bikipela haiwe projek, em i yesa tasol long bringim kain kain sik nogut bilong ol Esia kantri i kam insait long kantri bhainim dispela Jayapura/Vanimo rot.



**Baibel bilong ol kalabus • Ol woda bilong Vanimo haus kalabus i bin amamas tru long kisim ol Tok Pisin buk Baibel namba wan taim tru i kam long Evanjelikel Luteran Sios bilong Papua Niugini (ELC-PNG). Long makim ELC-PNG, Malac Yaom i tok, "Dispela presen i no televisen o mani. Nogat. Em i buk bilong ritim na kisim bel isi taim yu stap long kalabus."**

**CALLING ALL BANDS**

**Mipela salim**  
**samting bilong Musik...**

Emplifaia  
Spika  
Miksa  
Dram  
Dibot  
Maut ogen  
Let bilong Gita  
Skin bilong Dram  
Ol Songbuk na Kodbuk  
Mekim Pairap bilong gita  
nating olsem pawa gita wantaim

**Bateri Emplifaia bilong Gita LID na BEIS K160.00 tasol Post Nating.**

**Pick-up bilong gita K33.50 tasol**

**Rook's Radio, P.O. Box 191, Lae, PNG. Telipon: 42 4616**

### Ol viles kot ...

i kam long pes 3

Duban i tok kibung i painimaut tu olsem longpela taim nau, ol viles kot i no bhainim mama lo o konstituten taim ol i mekim wok bilong ol. Em i tok Viles Kot Seketeriat bai raitim gut ol dispela tingting i go olsem wanpela ripot na givim long minista. Na minista bai givim ripot long Nesenel Eksekutiv Kaunsel (NEC) long lukluk long en.

Duban i tok dispela kibung i kamap bhain long Nesenel Kot jas, Jastis Woods i bin rausim planti ol kalabus manmeri em ol viles kot i kalabusim long Baisu.

## Ol mama bilong Hantoa peris i laikim BRA i lusim eria bilong ol na go longwe

KATOLIK Wimens Asosiesen bilong Selau long Bogenvil i laikim ol BRA long lusim eria bilong ol.

Ol memba bilong Sentrel BRA i bin go insait long Selau long mun Julai. Wanpela lain bilong dispela ol BRA i bin pait wantaim ol soldia we tupela soldia i dai. Ol BRA i banisim ol rot namel long Buka na Kieta haiwe na sekim ol manmeri husat i go kam long dispela rot.

Ol meri ya i bilong Hantoa peris. Ol i no laikim BRA long stap long eria bilong ol bikos ol i no laikim pait long kamap gen namel long BRA na ol soldia

long dispela.

Ol i tok, " Mipela i no laikim ples bilong mipela i kamap olsem ples bilong pait. Sapos pait i kamap bai mipela i ranawe tu tasol i no gat-gutpela ples bilong pait. Planti pikinini na ol mama husat i gat bel bai kisim bagarap sapos pait i kamap."

Ol meri i askim nesanel gavman na BRA long kam bung wantaim na stretim dispela hevi. Ol i tok long mun Julai i kam inap nau, ol i wok long kisim ol sevis olsem helt na edukesen na ol i stat nau long salim kakao na kopra bilong kisim mani.

Ol i tok wanem kain

pait i kamap bai bagarapim ol dispela sevis. Ol pait i kamap i mekim na Hantoa komyuniti skul i pas na i gat ripot olsem marasin i sot long helt senta.

Ol siev bilong Teop na Tinputz eria i askim ol soldia long go insait long eria bilong ol sapos i no gat wanpela samting i kamap. Ol i askim tu long gavman i mas hariap long ol sevis i go long eria bilong ol.

Ol i tok long wanpela pas i go long edministreta Sam Tulo long tupela wik i go pinis olsem BRA i wok long bagarapim ol eria bilong ol. Ol i paitim ol

pipel taim ol pipel i no givim ol mani na kaikai.

Long 17 Me, sikspela man i hensapim wanpela meri long Siunva-hoara viles na bagarapim em. Long wankain wik, sikspela man i hensapim gen siaman bilong Teop Pis projek na stilim K6,600. Long wankain wik yet, sampela man i tra im long bagarapim sista i lukautim Kekesu helt senta.

Ol viles sieu bilong eria i tok ol i wari long ol kain trabel nau i wok long kamap. Ol i tok ol bos bilong BRA i no lukautim ol yet na ol i wok long bagarapim ol samting bilong skul na stilim mani.

# Nissan Navara!

From

# K10,990!



NAVARA UTILITIES FROM K10,990, CALL NOW! **NISSAN**

**BOROKO MOTORS**  
**THE GOOD GUYS FOR BEST BUYS**

PORT MORESBY: 25 5255 LAE: 42 1144 RABAU: 92 2777 KIMBE: 93 5566 MADANG: 82 2433 MT. HAGEN: 52 1433 HIGATURU: 29 7175 ARAWA: 95 1566 TABUBIL: 58 9061

HPD 12118

## Lapun man Australia i kamap papa gen



HIA em wanpela lapun man husat i papa gen long wanpela bebi.

Nem bilong dispela lapun em Leslie Colley bilong Australia, husat i gat 92 krismas.

Em i karim bebi bilong em husat i gat 17 de tasol. Nem bilong dispela bebi em Oswald. Leslie i givim dispela nem bihain long wanpela pren bilong em, husat i bin dai long Wol Woa I.

Yangpela Oswald i gat 5-pela brata na susa. Namba 5 pikinini i gat 15 krismas. Na bikpela pikinini i gat 71 krismas nau.

Nem bilong bikpela pikinini em Norman. Norman i bin painimaut long las brata bilong em bihain long em i ritim long niuspepa.

Leslie i tok em i no lapun yet. Na i gat inap strong long lukautim bebi bilong em.

"Em i pulim longpela singles i go daun na soim slek masel bilong em long ol TV kameraman, na i tok, "Husat i tok mi lapun. Mi gat strong yet long lukautim bebi bilong mi."


Meri bilong Leslie, Patty i gat 38 krismas. Patty i tok em i no wari long krismas bilong Leslie, olsem em i wanpela lapun man.

"Em i winim sampela yangpela man ya," Patty i tok.

• Leslie i soim bebi bilong em long namba 9 de bihain long mama i karim.



• Kadbod bilong Pavarotti i sanap ausait long Hyde Pak wantaim yangpela Rhys White husat i gat 4-pelka krismas. Dispela i soim kempen bilong wanpela konset em Pavarotti, wanpela soman bai putim kamap long Australia.



• Red Adair bilong Amerika husat i gat 76 krismas i pait long kilim indai pala long Kuwait. Em i bin kam long PNG long 1983 long kilim indai pala long Kerema.

517 ples wel i paia yet long Kuwait: Ami bilong presiden Saddam Hussein bilong Irak i bin kukim 737 ples wel olgeta bilong Kuwait long Febueri, 1990.

Bikman bilong kilim indai ol dispela paia, Red Dair i tok samting olsem 220 ples wel tasol em ol i kilim indai paia pinis. Na narapela 517 ples wel i paia yet.

Na bikpela pait bilong kilim indai ol dispela paia bai i stap yet long sampela moa mun. Bikman ya i tok ol bai i kilim indai paia long dispela 517 ples long 8-pela mun taim.

Ol dispela paia i kamapim nau bikpela blekpela klaut, na mekim ples i luk tudak long Kuwait.

Bipo long woa, Kuwait i save pamim klostu long 2 millen barel wel long wanpela de i go long ol wel ples em i save lukautim. Dispela ol ples wel i gat 97 bilien barel olgeta. Tasol nau, klostu long 5 millen barel wel em paia i save kukim long wanpela de tasol, na i go antap long skal olsem smok.

## Isrel laikim Bush long yesa orait...

ISREL bai i tokaut long dispela wik sapos em bai i stap insait long bikpela kibung bilong Midel Is o nogat.

Dispela bikpela kibung em Yunaitet Nesen i go pas long holim. Na olgeta kantri long Midel Is bai i stap insait long dispela kibung. Na kamap long sampela kain tok orait bilong bringim gutpela sindaun long Midel Is.

Wanpela mausman bilong Isrel praim minista, Yitzhak Shamir i tok tok orait bilong Isrel bai i kamap long kibung o nogat bai i kamap bihain long kibung long Jerusalem. Praim Minista bilong Isrel i bin kibung wantaim Seketeri bilong Amerika, James Baker.

Ripot i tok Isrel bai i stap insait long dispela kibung sapos James Baket i raitim wanpela ripot. Dispela ripot mas i tok ol Palestinian long Is Jerusalem i no inap stap insait long dispela kibung.

Isrel i no laikim ol Palestinian long Is Jerusalem i bruk na kamapim kantri bilong ol yet. Isrel i makim olsem ol Is Jerusalem em hap bilong kapitel o bik-taun bilong em. Na i no laik larim i go.

James Baket i bin toktok long telepon wantaim Yitzhak Shamir. Na i tokim Shamir olsem Presiden bilong Amerika, George Bush bai i tokaut long tingting bilong em, long holim wanpela kibung long Oktoba, 1991.

Baker na Shamir i bin toktok long telepon long tripela taim pinis. Na Amerika i laikim olsem Isrel i mas kamap long dispela bikpela kibung. bilong bringim gutpela sindaun i long Midel Is.

Difens Minista bilong Isrel i tok Amerika na Isrel i mekim tok orait pinis. Olsem na James Baker i bin flai i go long Jerusalem long raitim ripot olsem Is Jerusalem bai i stap aninit yet long Isrel.

Biko. Amerika i laikim olsem Isrel i mas stap insait long dispela kibung.



# Ol raskol manki bai kisim sut

OL dokta na saintis long Ingran bai i traim yusim wanpela nupela sut long ol yangpela raskol manki.

Ripot i tok 9-pela yangpela manki, krismas bilong ol long 9 na 15 bai i kisim dispela sut. Ol i gat kain kain bikhet pasin long stii, pait, brukim ol samting na ol arapela pasin raskol.



• Ol refuji bilong Romania husat i ranawe i go kamap long Polan. Ol i redi long kalapim boda na i go nau long Jemani. Ol i ranawe long bikpela trabel na pait i kamap long Romania.

Papa mama bilong ol i bin tok yes pinis long ol dokta i ken traim dispela nupela marasin long ol pikinini ya.

Ripot i tok bai ol manki ya i kisim ol dispela sut, na em bai i mekim ol i kisim sampela kain kaikai em bodi bilong ol bai laikim. Dispela kaikai em i gat gutpela gris bilong helpim bodi. Na dispela i ken helpim long mekim senis long pasin bilong ol manki ya.

Sapos ol kaikai ya i kamapim sampela kain senis nogut long skin bilong ol, bai ol i lusim dispela kaikai na traim narapela gen. I gat sampela kain kaikai tasol em saintis i luksave pinis long ol manki ya i mas kisim.

Ol man husat bai i go pas long traim dispela nupela rot em, Dokta Len McEwen husat i painimaut long dispela nupela sut, EPD long yusim bilong senism pasin bilong ol man. Narapela man em plis supritenden Peter Bennett bilong Wes Yoksea plis husat i save wok klostu long painimaut pasin bilong man wantaim kaikai na ol samting.



• Ol soldia bilong Siria i trening. Presiden bilong Siria, Hafez al-Assad bai salim ol soldia bilong em i go sapotim ol alait fos long kamapim gutpela sindaun long Midel Is. Long lukluk bilong Assad, i no gat wanpela kantri olsem Isrel.



• Ol mama na pikinini i ranawe long woa long Sebia, bihain long pait namel long ol paitman bilong Sebis na ami gad bilong Kosia long las wik.

## Ol meri Amerika ken flaim woa balus nau

GAVMAN bilong Amerika i pasim tok orait pinis long ol meri i ken flaim woa balus bilong ami.


Gavman i rausim tu lo i tambuim ol meri ami long sampela wok bilong graun na solwara. Dispela senis i givim moa fridom nau long ol meri Amerika husat i stap insait long ami.

Dispela senis i kamap bihain long gutpela wok bilong ol meri soldia long Panama na Pesian Galp woa. Insait long dispela tupela bikpela woa, ol meri soldia i soim olsem ol i ken mekim sampela wok em ol bikman i pret o ting ol i no inap long mekim, bikos ol i meri.

"Ol birua i sut long ol long sot gan, ol i flai i go insait long eria bilong birua, ol i dai, ol i no pret long dai," Seneta Edward Kennedy i tok olsem bihain long gavman i oraitim dispela lo.

"Em i no gutpela tumas long ol meri insait long fos long mipela i larim ol dispela rabis tambu i karamapim ol long no ken mekim ol arapela wok ol i ken mekim," em i tok.

Seneta William Roth i tok dispela lo bilong tambuim ol ami meri long no ken flaim ol pait balus em bilong bipo long Wol Woa II taim ol i save yusim ol wan na tu enjin balus.



• Presiden bilong Amerika, George Bush (lephan) i lap long wanpela toktok bilong Rasia presiden, Mikhail Gorbachev. Man bilong tanim toktok i sanap namel long tupela. Dispela em long las wik, taim tupela i bung long pasim tok orait bilong katim daun namba bilong ol pait samting Amerika na Rasia i save mekim.



• Sif eksekutiv opisa bilong Caltex long Australia, John Landels (lephan) i sanap wantaim tupela wokman na i redi long bikpela taim bilong soim ol at gen. Ol i harim olsem wanpela bikpela piksa i winim mak bilong 1 bilien Australian dola bai i kamap long Australia.

### Amamas bai tanim

**Dia Edita,**  
Mi wanpela manki Saten Hailans na mi laik sapatim wanpela pas i kamap long Wantok pas i tok ol yangpela meri i noken bekim tok long ol man.  
Ol meri krismas bilong ol long 14 na i go antap i no ken traim long bekim tok nogut long ol man husat i singaut long ol. Bikos planti taim ol meri i save tok pes nogut o pasindia man o lapun man long ol man i singaut long ol.  
Tasol mi laik tokim ol meri stret olsem, maski yu 14 krismas, sapos yu abrus liklik na mekim nating na i gat bel, yu bai lapun moa long wanpela man husat i 20 gat krismas.  
Olsem na tingim nogut yu sem taim man yu bin bagarapim bipo i kam long ai bilong yu taim yu kisim taim i stap.  
Sapos yu yangpela meri na i stap nating long taun, moabeta yu go bek long ples tu bikos yu ken kamapim moa hevi long taun olsem ol man.

**Terry Tame  
SATEN HAILANS**

# Bos i rausim mi nating

**Dia Edita,**  
Mi wanpela manki long Is Sepik provins, tasol nau mi stap long Wes Nu Briten provins.  
Mi laik autim wari bilong mi long Kapiuga plantesis long Kimbe. Mi bin go wok long wanpela potnait tasol na bos i pinisim mi long wok.  
Mi no amamas long pasin bos i mekim long mi. Bikos, mi no mekim wanpela samting nogut long plantesis.  
Mi bin kirap nogut long potnait,

taim bos i tokim mi long kisim pinis pe na lusim wok. Mi laik tanim na askim long wanem as em i rausim mi. Tasol i no laik harim toktok bilong mi.  
Olsem na mi laik tokim ol arapela wokman long Kapiuga plantesis long yupela olgeta tu i mas lusim wok na go. Larim ol bos yet i stap na traim bai ol i wok o nogat.

**Elvisimon Kilana  
KIMBE**

### Ol plisman tu mas bihainim lo

**Dia Edita,**  
Mi wanpela manki Tari, na mi stap long Bialla long Wes Nu Briten provins. Mi laik sapatim pas bilong brata Paul Pei. Pas bilong em i bin kamap long Wantok Niuspepa bilong 18 Julai.  
Brata ya i tok ol plisman tu i mas bihainim lo na oda. Na i no ken yusim tasol long banisim ol yet.  
Mi laik tok olsem ol plisman i mas save olsem ol i wokman bilong kantri long strongim lo na oda. Olsem na ol i no ken ting ol i gat dispela pawa long sapatim na haitim ol yet long trabel ol i mekim.  
Sapos wanpela plisman i mekim rong long paitim o bagarapim samting bilong narapela man, em i mas kisim sas.  
Sapos ol plisman i no bihainim lo na oda, ating bai olgeta samting bai i no inap go gut long dispela kantri.

**Johnny Malibe  
BIALLA**

### Ol pipel i les pinis long giaman memba

**Dia Edita,**  
Mi wanpela manki Sepik na mi no amamas long ol politisen i kam na giaman ol pipel bilong ples long 1992 ileksen.  
Planti taim mi save harim ol man i kam na mekim planti giaman promis long taim bilong ileksen. Na taim ol i go insait long Palamen ol i lus tingting olgeta long ol pipel husat i givim vot long ol.  
Dispela kain pasin em i no gutpela pasin tumas long ai bilong mi. Long lukluk na bilip bilong ol pipel bilong Sepik Sir. Pita Lus em i wanpela gutpela lida bilong Palamen. Bikos em i no save mekim promis long taim bilong ileksen na taim em i kamap long Palamen em i toktok na pait long ol pipel bilong em.

**A. Bais.  
WEWAK**

### Ol plisman pulim bia bilong ol man

**Dia Edita,**  
Mi wanpela manki Morobe tasol nau mi stap long Rabaul taun long Is Nu Briten provins.  
Mi laik tok olsem, mi no amamas long pasin ol plisman i save mekim long giaman pulim bia bilong mipela ol gutpela man na bihain ol yet i go dring gen. Dispela pasin i no gutpela tru long mipela ol gutpela man.  
Sapos ol i laik mekim olsem orait go na painim ol bikhet man husat i save dring na raun long pablik ples wantaim ol botol bia i stap long poket bilong ol.  
Mi komplem long dispela bikos plisman i mekim olsem long mipela taim mipela i sindaun gut long eria bilong mipela na dring i stap.

**Atesing Himi  
RABAUL**

### Indonesia no mekim gutpela pasin long ol Wes Irian

**Dia Edita,**  
Mi laik tok olsem long wanpela poto em i bin kamap long Wantok Niuspepa. Mi lukim tupela man Wes Irian i holim mani. Dispela mani i bilong kompesesen mani bilong graun bilong ol.  
Mi laik tok sapos ol Wes Irian i stap yet aninit long lukaut bilong Indonesia, bai ol i no gat wanpela helpim tru long ol.  
Bikos gavman bilong Indonesia i no save tingim graun bilong Wes Irian. Em i no gat bilip long pasin bilong

Melanesia, na ol tumbuna pasin bilong ol pipel.  
Planti taim ol papa bilong graun i save askim long kompensesen mani bilong ol. Tasol ol i no save kisim ol dispela mani. Dispela i no gutpela tru. Bikos Indonesia i mekim olsem ol Wes Irian i samting nating long ol.  
Sapos ol brata na susa long Wes Irian i stap aninit yet long han bilong Indonesia, bai ol i stap olsem tripman antap long graun bilong ol yet.

**Bentul R  
GOROKA**

### Ol politisian save paulim ol yangpela meri

**Dia Edita,**  
Mi laik autim bel hevi bilong mi long pasin mi lukim long ol lida bilong mipela long gavman.  
Ol i save mekim planti giaman stori nambaut long grisim ol meri na maritim ol. Ol bai giaman stori long bisnis bilong ol, wok bilong ol o raun bilong ol long ovasis kantri.  
Long dispela as na ol i save giaman ol yangpela meri, na maritim tupela na tripela meri.  
Ol i ting ol i gat pawa long mekim dispela pasin.

**Tainam Klaka  
KIMBE**

### Tambuim buai na smok long pablik



**Dia Edita,**  
Mi wanpela manki Mendi long Sauten Hailans provins. Mi stap nau long Bialla, Wes Nu Briten provins.  
Mi laik sapatim pas bilong brata Wendy. M. Pas bilong em i bin kamap long Wantok Niuspepa.  
Brata i tok gavman i mas ol stapim ol man long kaikai buai na smok long pablik ples. Bikos buai i kamapim ol sua nogut long maus bilong ol manmeri.

Mi ting smok long pablik ples o bas na ka i no gutpela. Bikos ol manmeri na pikinini husat i no save smok i save kisim taim long dispela. Ol tu i save pulim win na pulim smok i go insait tu long bodi bilong ol.  
Dispela i ken givim sik long ol. Olsem na yu man bilong smok i mas tingim ol arapela i no save smok na go smok longwe.  
Buai tu i save bagarapim ples bilong ol manmeri i raun long en.

**Jacob Sungula  
BIALLA**

### Lae siti i klin nau

**Dia Edita,**  
Mi save lukim ol manmeri i salim buai long rot na bas stap long taun. Na mi no save amamas tru long dispela pasin.  
Nau olsem gavman bilong Morobe i putim nupela lo, mi amamas tru long dispela. Ples i luk nais nau. Bikos nogat deti bilong buai i stap nambaut

long taun.  
Mi save lukim wanpela plisman i save mekim gutpela wok tru long rausim ol buai na smok long taun na arere bilong ol stua nambaut.  
Mi lukim plisman ya i mekim gutpela wok tru.

**Pirak Komba  
LAE**

### No ken wokim boda rot hariap

**Dia Edita,**  
Mi wanpela manki Vanimo long Sandaun provins. Mi laik autim liklik wari bilong mi i go long Wantok Niuspepa na gavman bilong mipela ken lukim.  
Nau yet Papua Niugini gavman i tingting long wokim rot bilong boda. Tasol bikpela hevi namel long ol OPM rebel paitman na Indonesia i stap yet.  
Olsem na mi laik askim gavman long lusim rot bilong Vanimo na

Jayapura i stap i go inap Irian Jaya i kisim independens pastim.  
Na tu planti raskol pasin i stap yet. Sapos dispela rot i kamap, planti hevi bai i kamap. Bikos raskol pasin bilong yumi long Papua Niugini i bikpela moa. Gavman i no stretim dispela hevi yet, na em i laik kamapim nupela gen.  
Mipela ol pipel bilong boda i karim planti hevi nau.

**Gregory Lapan.  
VANIMO.**

### Strongim lo bilong kilim man

**Dia Edita,**  
Mi wanpela manki Sauten Hailans. Mi laik sapatim tingting bilong gavman long kamapim lo bilong kilim man husat i kilim narapela man.  
Bikos i no gutpela long wanpela man i kilim narapela man i dai na em bai stap laip. Wanpela man long graun i no gat pawa long pinisim laip bilong narapela man nating.  
Tasol mi laik tok pasin bilong kilim man i dai, i save kamap bikos i gat as bilong em.  
Sapos lo na oda i strong, ating bai kain hevi olsem i no inap long kamap. Lo na oda i lukautim olgeta manmeri long stap gut. Tasol lo yet i no strong, bai ol manmeri i pret.

**Billy Lipabe  
BIALLA**

### Ol Vunapope haus sik wokman i slek

**Dia Edita,**  
Mi wanpela manki Hailans. Mi no wan bel

long pasin ol wok manmeri bilong Vunapope haus sik i mekim long ol sikman. Olsem na mi laik autim long Wantok Niuspepa na ol kain wokman olsem i ken lukim. na senisim pasin bilong wansait o wantok sistem.  
Mipela manmeri bilong arapela provins i save baim 80t nating long kisim marasin. Tasol taim mipela i tok tok long sik bilong mipela, ol sista na nes bai i raitim nambaut ripot.  
Dispela kain pasin i no gutpela long tingting bilong mipela. God i wokim yumi olgeta

wankain tasol. Tasol olsem wanem na ol i mekim kain pasin olsem long mipela, taim mipela i go long haus sik long kisim marasin.  
Mi yet i lukim long ai bilong mi. Olsem na mi laik tokaut. Wanpela taim mi gat wanpela sik long bodi bilong mi. Na mi bin go long Vunapope haus sik long kisim marasin.  
Taim mi kamap, ol nes na sista i no givim gut marasin long mi. Ol i no harim gut toktok bilong mi na raitim ripot.

**R. U. H  
RABAUL**

# Pilai laki i no gutpela long ol meri

**Dia Edita,**  
Mi laik tokim ol yangpela meri olsem i no gutpela long ol i pilai laki wantaim ol man. Mi lukim dispela pasin i bikpela stret.

Taim ol meri na man i pinislm mani nau, ol bai i sot long mani bilong baim kaikai long haus.

Na bihain bai ol i go na stil long gaden bilong narapela man.

Planti mama i save lus tingting olgeta long pikinini taim ol i pilai laki. Mekim na planti pikinini i save kisim sik oltaim. Bikos mama i no save lukautim ol gut.

Yu wanpela meri husat i save mekim kain pasin i mas lusim nau.

**Johnny Mallbe  
BIALLA**

# Maski sindaun arere long sait lain

**Dia Edita,**  
Mi wanpela manki Goroka tasol nau mi stap long Kainantu. Mi laik autim wari bilong mi, bai ol wantok bilong mi i ken lukim.

Wari bilong mi i go olsem. Planti taim ol opisal bilong Kainantu Winfield Lig i no save ranim gut ol gem.

Mi save lukim olsem planti sapota i save go na sindaun long mak bilong fil.

Yupela ol opisal i mas putim as long dispela, na rausim ol dispela sapota. Bikos ol i no ken sindaun klostu long sait lain.

Bikos nogut ol pilaia takei i kam na ran i go antap long wanpela sapota, na em bai i pekpek long as.

Yupela ol sapota tu i save tingim dispela o nogat. Traim na sindaun arere moa long sait lain.

Mi tokim yupela, sapos mi kisim bal na ran i kam, bai mi ran i go antap stret long yupela. Yupela ol ainman o?

Mi ting asua bilong dispela mas i go long ol opisal bilong lig.

**Nicky Henol  
GOROKA**

# Pilai bingo i bikpela stret long blok

**Dia Edita,**  
Mi wanpela manki Kainantu insait long isten Hailans provins. Mi stap nau long Bialla, Wes nu Briten provins.

Mi laik toktok long pasin bilong pilai bingo insait long wan wan wel pam blok. Taim mi harim mambu i kra, mi ting ol manmeri bai i go long wok. Tasol samting tru em ol i go bung long pilai bingo.

Long dispela kain pasin na planti stil wok i kamap.

Yupela ol manmeri long blok i mas lusim dispela pasin. Singaut gut na tingting long wok bilong yupela.

Mi laik askim ol plisman long Bialla long go insait long ol blok, na sekim dispela samting.

**Steven John  
BIALLA**

# Ol marit meri mas stap isi

**Dia Edita,**  
Mi laik toktok long pasin bilong sampela marit meri i raun wantaim ol arapela man.

Planti taim mi save lukim ol marit meri i paul wantaim ol arapela marit man, o yangpela boi.

Ating i luk olsem yupela ol single meri ya, na sikirap long painim nupela gen.

Traim sindaun gut long haus, na helpim long lukautim pikinini bilong yupela.

**Bai-Bray Dick  
BAREMA**

# Maski giaman olsem studen

**Dia Edita,**  
Mi wanpela manki Hagen tasol nau mi stap long Mosbi siti.

Mi save wok long PMV bas long Mosbi. Na mi laik autim wanpela bel hevi bilong mi long ol pasindia bilong bas.

Planti taim mipela i laik kisim mani long ol bikpela manmeri, ol i save autim aidi kat bilong ol na tok ol i studen. Ol bai i baim tasol 20t na 10t na tekov i go pinis.

Mi laik tok stret olsem sapos yu wanpela man i no studen, tasol yu save mekim kain pasin olsem, yu mas tingting gut.

**Alphonse Aris  
MOSBI**

# Wewak soka no mekim stretpela pasin

**Dia Edita,**  
Planti manmeri long 4-pela distrik bilong Is Sepik provins i bin kamap wantaim ol manmeri bilong arapela provins tu.

Mi no wan bel long pasin Wewak Soka Asosiesen i mekim long banisim dua na kisim mani bilong ol manmeri.

Mi laik tok stret olsem dispela em tonamen bilong Sir Michael Somare. Na olgeta manmeri i mas go lukim nating. Sir Michael i bin givim planti mani pinis long helpim Wewak Soka Asosiesen, tasol asosiesen i no gat mani yet.

Sapos asosiesen i laik mekim dispela long pulim mani bilong lukautim gen Momase Rijonel tonamen, ating ol i mas lusim dispela tonamen. Bikos asosiesen yet i no gat mani long ranim kain tonamen long bihain taun.

**J. Wunadu  
WEWAK**

# PNG ami mas pait wantaim ol BRA paitman

**Dia Edita,**  
Mi wanpela manki Vanimo long Sandaun provins. Mi no amamas long gavman i westim taim long stapim hevi bilong Bogenvil Ailan.

Nau yet mipela ol pipel bilong Papua Niugini i harim olsem planti yangpela soldia i dai nating long Bogenvil. Dispela i no gutpela tok long mipela planti manmeri bilong kantri.

Nau yet gavman i painim wanem rot tru em bai i stapim dispela hevi. Mi laik askim Praim Minista Rabbie Namaliu long bihainim aidia bilong mi, long stapim bikhet pasin bilong Bogenvil Revoluseneri Ami (BRA).

Gavman i ken rausim olgeta gutpela manmeri

long Bogenvil o ples we BRA i stap long en. Na salim ol ami i go insait na pait wantaim BRA. Bikos ol i bagarapim pinis planti manki.

Sapos yupela isi long ol, planti yangpela manki bai i dai yet. Mi lukim planti manki i gat 18 na 20 krismas i dai pinis. Na dispela kain pasin bilong kilim ol yangpela manki nating i no gutpela long ai na yau bilong mi.

Long Julai, 1991 ol i kilim tupela yangpela manki. I no long taim ol bai i kilim wanpela biknem lida bilong gavman, o wanpela komanda bilong PNGDF.

**G. Lapan  
VANIMO**

# Lukaut long bikhet pasin long rot

**Dia Edita,**  
Mi wanpela manki Morobe nau mi stap long Lae siti. Mi laik komplem long pasin em sampela man long Lae i save mekim long spak na raun long ol pablik ples.

Mi lukim dispela pasin i no stret bikos sapos ol i spak, i gutpela long ol i go long haus bilong ol na dring bia na mekim nais long laik bilong ol. No gat man bai stapim ol long mekim dispela.

Ol i save go dring arere long Eriku basketbal graun o long Botanikel Gaden na bihain wokabaut i kam long pablik ples olsem

Taun na Eriku. Ol i save mekim olsem na trangu ol yangpela meri save pret long kam klostu long ol. Sampela taim ol yangpela meri i save ranawe i go longwe long kain man olsem taim ol i kam bungim ol.

Sapos ol meri i ranawe i go na kisim bagarap long ol ka i ron i kam bai olsem wanem?. Ol meri i no kam long lukim yu spakman i raun na so op long ai bilong ol.

**Allan Waimba  
LAE**

# Maski spak long pablik ples ya

**Dia Edita,**  
Mi wanpela manki Morobe nau mi stap long Lae siti. Mi laik komplem long pasin em sampela man long Lae i save mekim long spak na raun long ol pablik ples.

Mi lukim dispela pasin i no stret bikos sapos ol i spak, i gutpela long ol i go long haus bilong ol na dring bia na mekim nais long laik bilong ol. No gat man bai stapim ol long mekim dispela.

Em tasol na husat i laik bekim em laik tasol.

**Allan Waimba  
LAE**

# Buai bagarapim Kiunga maket



• Buai i bagarapim maket tumas

**Dia Edita,**  
Mi wanpela manki Awini, tasol nau mi stap long Kiunga long Westen provins. Mi laik autim liklik wari bilong mi long *Wantok Niuspepa* bai olgeta manmeri husat i stap long Kiunga taun i ken lukim.

Wari bilong mi i go olsem. Yumi manmeri husat i stap long Kiunga i bagarapim stret Kiunga maket long spet bilong buai. Pasin bilong spetim buai nambaut i no gutpela tumas.

Planti taim ol manmeri i no save go long dram na spetim buai. Ol bai sanap storj tasol, na spet i go daun long graun. Planti manmeri

na pikinini i save kisim sik long kain pasin.

Mi laik tok olsem yumi ol arapela manmeri i mas lukautim Kiunga maket tu. Yumi no ken givim hat wok long ol asples tasol.

Ol sekyuriti i mas kamapim sampela lo bilong maket.

Tasol yumi ol manmeri i no ken lukluk tasol long ol sekyuriti bilong lukautim maket. Yumi olgeta i mas givim han na lukautim. Na i stapim pasin bilong spetim buai nambaut insait long maket.

**Manfred Balyage  
KIUNGA**

# Maski bagarapim Wau Bulolo

**Dia Edita,**  
Mi no wan bel long liklik hap toktok bilong Gabriel Pise long kolum bilong em, "Kikbek wantaim Gabriel Pise". Dispela em long *Wantok Niuspepa* bilong 18 Julai, 1991.

Em i tok sampela tim bilong Mosbi Soka Asosiesen i save kik nambaut olsem Wau Bulolo stail.

Mi laik tok dispela stail bilong Wau Bulolo em i pinis. Tude sapos yu go long Wau Bulolo, ol yangpela i save pilaim gutpela gem stret.

Wanpela gutpela sans em long Morobe Kantri tonamen.

**Maposian Nalus  
RABAU**

# Ol Morobe yet i aipas

**Dia Edita,**  
Mi laik toktok olsem raskol pasin i kamap bikpela yet long Morobe provins. Long dispela as na Prima Jerry Nalau i laik rausim olgeta setelmen long Lae siti.


Bikpela tok hevi i kam long mipela ol Hailans pipel. Dispela em long go pas long mekim ol raskol pasin insait long provins.

Mi laik bekim olsem ol asples pipel bilong Morobe i aipas tru. Pikinini bilong ol yet tu i save mekim raskol pasin. Na i no mipela ol Hailans oipel tasol.

Yupela giaman sutim tok long mipela tasol, na salim ol buldosa masin i kam long setelmen na rausim haus bilong mipela. Dispela kain pasin i no gutpela tru.

**Alois Buka  
LAE**

# OL STRONGPELA KAR NAMEL LONG OL YET



Ol i wokim strongpela na nupela Daihatsu Delta. Dispela i bihainim ol hap hap bilong em olsem ensin, taia na ol arapela wankain olsem stail bilong em yet. Ol dispela i bihainim tu laik bilong yu stret. Sampela kar i gat wanpela rum na sampela i gat tupela o dabol rum. Ol arapela na moa strongpela stail Delta kar i stap redi nau. Kolim Ela Motors nau. Daihatsu. Ol strongpela tasol.



ELA MOTORS  
I SAPOTIM YUN JUNG DO

PORT MORESBY 229400 • LAE 433655 • RABAUL 921988 • MADANG 822188  
GOROKA 721844 • MT HAGEN 521888 • WEWAK 862255 • POPONDETTA 297266  
KAVIENG 942132 • KIMBE 935155 • TABUBIL 589060 • VANIMO 871254 • PORGERA 508203

**ELA MOTORS**



**CAMBRIDGE**  
A MAJOR SPONSOR

# BISNIS long PAPUA NIUGINI

**PRAIS!**  
**PRAIS!**  
**PRAIS!**

## KOPI

Pe bilong kopi long wan wan kilogram long dispela wik i stat long 29 Julai. Dispela i karamapim prais bilong kopi long dua bilong faktori na i no long sait bilong rot.

- Kainantu - KI.10**  
**Goroka - Pe namel long KI.10 na KI.15**  
**Minz na Banz - Pe namel long KI.00 na KI.05**  
**Hagen - Pe namel long KI.00 na KI.15**  
**Lae Pe namel long K0.95 na KI.05 long Arab na K0.30 long Robasta**  
**Mumeng - KI.00 long Arabika**  
**Wau/Bulolo - K0.95 long Arabika**  
**Aseki - KI.05 long Arabika**  
**Wasu - K0.85 long Arabika**  
**Madang K0.97 long Arabika na K0.40 long Robasta**  
**Is Sepik - K0.45 long Robasta**

*Kopi Industri Bod (CIB) i no inap long kisim ripot long prais bilong kopi long Kundiawa, Wapenamanda na Mendi. I no gat ripot tu bilong Robasta kopi long Mumeng, Wau/Bulolo, Aseki, Wasu na Madang. Na i no gat tu ripot bilong tupela kain kopi wantaim long Erap.*

## KAKAO

PRAIS bilong drai kakao long wan wan tan long Rabaul long las wik Tunde inap long Mande long dispela wik.

	Mande	Tunde	Trinde	Fonde	Fraide	Mande
	30.7.91	31.7.91		1.8.91	2.8.91	5.8.91
Pe ol baiya sasim papa bilong fementri	K650	K643		K655	K663	K693
Sapot prais	K474	K474		K503	K503	K503
Prais ol papa bilong fementri i kisim	K1,124	K1,117		K1,158	K1,166	K1,196

*Sapot prais bilong kakao long dispela mun em K503.35. Dispela ol prais em bilong Is Nu Briten, tasol Kakao Maketing Bod (CMB) i tokaut olsem prais i wankain tasol long olgeta hap bilong kantri.*

## Hevi bilong papa graun i pasim wok bilong CRA

KROS namel long ol asples i holim wok bilong CRA maining long Wafieria long Morobe provins.

Wanpela papa bilong graun long Wafieria, Hengambu i no laik kisim 50 pesenpe long maining. Hengambu i laik kisim dispela hevi i go bek long kot long stretim gen.

Provinsal memba bilong Mumeng na minista bilong Praimeri Sevis, Gilimbing Yapleh i tok tok orait i bin kamap pinis long wok bilong maining long go het.

Tasol long kibung ol papa graun wantaim Morobe provinsal gavman i holim long Lae long las wik Sarere, i no bin kamapim tok orait long CRA. Mista Yapleh i tok provinsal gavman i bin orait pinis long wok bilong maining long go het. Tasol nau bai ol i salim gen ol gavman opisa long lukluk gen insait long dispela hevi na kamapim gutpela tok wanbel.

Mista Yapleh i tok tupela asples em, Yanta na Hengambu i bin stap ples kliia pinis long kot olsem papa bilong graun. Tasol nau i gat toktok i kam yet long ol wanpinis bilong ol em, Parakris, Bupu na Piu.

Dispela hevi i mas kamap gut bikos olgeta ples ya i tok ol i papa bilong graun tu. Bai ol gavman opisa i skelim gen na lukim husat i orait insait long dispela wok maining long Wafieria.

Mista Yapleh i tok em i no laik long kain hevi olsem i kamap namel long ol wanpinis yet long bagarapim gutpela wok bilong CRA.

## Papua Niugini bai lukautim kibung bilong kokonas long Esia na Pasifik

### SAM VULUM i raitim

WANPELA bikpela kibung long toktok long wok bilong kokonas long Esia na Pasifik bai kamap long Rabaul. Dispela kibung bai stat long 28 Oktoba i go

inap long 1 Novemba.

Ol mausman bilong 13 kantri i save wok wantaim kopra bisnis long dispela tupela rijon bai kamap long kibung. Ol bai kamap aninit long nem Esia na Pasifik Kokonas Komyuniti (APCC). Papua Niugini em i

memba long APCC na nau em i taim bilong en long lukautim kibung.

Wanpela komiti i redim nau ol samting bilong kibung. Ol man i stap long komiti i makim ol praivet kampani, Is Nu Briten provinsal gavman, nesenel Egrikalsa na

Laipstok dipatmen na Kopra Maketing Bod (CMB).

Komiti i wok long painim nau ples bilong kibung, ol wokman bilong lukautim kibung, ol hotel na ol ka bilong ol manmeri i kamap long yusim.

No gat nius bilong kakao bod siaman

KAKAO Maketing Bod (CMB) nau i no save sapos siaman bilong en, Joel Naisi i dai pinis o i stap laip yet long Bogenvil.

Sampela ripot i bin kamap long las mun olsem sampela memba bilong Bogenvil Revoluseneri Ami (BRA) i holim Naisi na kalabusim em bihain long ol i ting em i wanpela sapota bilong nesenel gavman. Ripot i tok ol BRA i bilip olsem Naisi i save lukstil long ol na bihain i save tokim gavman long wok bilong ol. Nau i no kliia sapos em i dai pinis o i stap laip yet.

Namba tu siaman, Dean Nogoru nau i lukautim wok bilong CMB olsem ekting siaman. CMB i no tokaut long wanem taim bai ol i makim nupela siaman.

## WTK Realty i katim timba i go nau long Sera

### ARI HABA i raitim

BIKPELA timba kampani bilong Malesia, WTK Realty husat i stap wok long Vanimo i kalap i go insait olgeta nau na i wok long katim timba long hap bilong Sera long Sandaun provins.

Ol ripot i kam long ples i tok kampani i salim pinis ol bikpela ka na masin bilong brukim graun, wokim rot na stretim ples i go insait pinis long hap. Na sampela wokman i go stap wantaim ol samting bilong kampani.

I gat toktok i stap tu olsem kampani i laik wokim wanpela ples balus long Sera. Na longpela bilong dispela ples balus inap long 1 kilomita na ol i laik pinisim long mun Septemba. Na bihain bai ol i wokim wanpela bris bilong ol timba sip long kam pas.

Aninit long plen bilong kampani, ol bai wokim tu wanpela liklik taun na gavman stesin

bilong ol wokman na meri olsem ol kiap, ol plisman, ol skul tisa, ol helt woka na ol arapela gavman opisa.

I tru olsem ol pipel bilong Sera i amamas long dispela ol samting. Tasol, vais siaman bilong Sera Nilis Divelopmen komiti, Kanai i

tok i gat hevi bilong ol dispela samting i stap.

Kanai i sutim toktok long ol kain bagarap em bai i kamap long wara, gutpela ples bilong wokim gaden na bikbus bilong painim abus. Na tu bikpela hevi bai kamap long ples taim kampani i

bringim kain kain manmeri i go wok long Sera.

Olsem na Kanai i askim ol pipel bilong Sera long skelim gut dispela samting pastaim na larim WTK Realty kampani i go insait na katim diwai long hap bilong ol.



Kakaruk bisnis: Ol liklik bisnisman long Westen Hallans provins i kam salim kakaruk bilong ol long Hagen maket.

## Plentas asosiesen sapatim kaunsil long rausim ol trening takis

RUREL Industri Kaunsil (RIK) i askim nesenel gavman long rausim dispela trening takis em i putim long ol kampani long 1 Janueri long dispela yia.

Husat ol kampani i save baim moa long KI00,000 long ol woka long wan wan yia bai baim 2 pesen takis long gavman. Ol kampani bai stat baim dispela takis long neks yia.

RIK i askim pinis tasol gavman i tok sapos kaunsil i laikim dispela, em i mas askim stret Nagora Bogan, bos bilong kisim ol takis. Gavman i tok taim ol kampani i mekim dispela, ol i mas tokaut long wanem as na ol i laikim gavman long rausim dispela takis.

PNG Plentas Asosiesen long Rabaul i sapatim RIK.

Asosiesen i tokaut long wanem ol as tru na ol kampani i no ken baim ol takis:

- planti ol trening menesa na asisten menesa i kisim skul long ol Egrikalsa Koleso Plantasin Menesmen Trening Kos pastaim long ol i wok. Ol dispela lain i kisim liklik trening tasol insait long namba wan tripela yia bilong wok;
- bikos nau i no gat trening bilong ol

supavaisa, gavman i mas luksave olsem olgeta junia supavaisa i kisim trening taim ol i wok;

- gavman i mas luksave long ol plantasin menesa trening program em Plentas Asosiesen i save ranim; na

- gavman i mas luksave tu olsem planti ol kampani i save kisim ol wokman husat i no save long rit na rait o i gat liklik save tasol.

Bikos long dispela i no gat narapela rot moa tasol long larim ol i wok long samting olsem 3-pela mun na husat i wok gut long dispela taim, bai ol i makim em olsem supavaisa.

Asosiesen i tok dispela ol kain kain takis nau i wok long givim planti hevi long ol kampani. Wanpela faktori tasol bilong wokim kokonas i go olsem wel long kantri,

Coconut Products Limited long Rabaul, klostu i laik pas nau.

Dispela long wanem faktori i baim ol kain kain takis na em i no mekim inap wokim profit bilong baim kopra long ol groa. Asosiesen i sutim tok long gavman olsem em i kamapim planti takis tumas long helpim em yet na givim hevi long ol manmeri long rural sekta.

## Prais bilong kopra i pundaun gen long K5

PRAIS bilong kopra i go daun gen long mun K5 long mun Jun long dispela yia.

Dispela i min olsem prias nau bai stap olsem K165 long wan wan tan long smok

kopra. Tasol Kopra Maketing Bod (CMB) i tok orait pinis long putim narapela K10 antap olsem sapot mani. Dispela sapot mani bai srukim prais i go antap long K175

long wan wan tan smok kopra.

CMB i tokaut olsem em inap lukautim prais i stap olsem inap long pinis bilong yia. Tasol Bod i tok lukaut olsem dispela mak\*ba\* go

daun gen long K20 bihain long sikspela mun. Bikos prais bilong kopra bai pundaun long 15 pesen long wol maket. Na Bod bai i no inap long givim moa K10 sapot\*man\*.....

# Ol meri i no amamas long Papua Niugini i kisim nupela laki resis

NESENEL kaunsil ov wimen i no wanbel long palamen i tok orait long kirapim tupela haus binggo o ples bilong pilai laki long kantri.

Kaunsil i tok dispela bai kamapim tasol moa hevi em Papua Niugini i gat long en. Na dispela ol hevi i no liklik, ol i bikipela moa.

Presiden bilong kaunsil, Maria Kopkop i tok wanem ol laki ples em kantri nau i gat long en olsem ol liklik binggo na hosres ples long kantri

i bringim planti hevi pinis.

"Hevi bilong stap olsem rabisman na meri, no gat gutpela kaikai na kros na pait insait long famili i kamap bikipela pinis. Na mipela i no laikim dispela long gro na i go bikipela moa yet.

"Traim go raun long ples we ol man na meri i save pilai hos. Bai yu lukim ol pikinini i kaikai twistis, dringim sofdring na wetim papa wan-taim mama i tromoi

mani bilong baim gutpela kaikai long resis long hos."

Kopkop i sutim tu tok tok long bikipela hevi bilong pait em i save kamap insait long ol famili. Em i tok ol marit i save kros na pait bikos man o meri i tromoi mani long pilai laki na i no gat moa mani bilong baim kaikai.

Tasol i no dispela tasol. Nesenel kaunsil presiden bilong ol meri i tok planti pablik sevan i save yusim taim

bilong gavman na pipel long go stap long ol dispela kain hap. Na dispela i no gutpela bikos dispela em i taim bilong ol long sevim na helpim pablik.

Kopkop i tok tu olsem narapela hevi bilong dring bia na spak nabaut i save kamap.

"Long olgeta hap bilong Papua Niugini, man i save go spak i kam na paitim meri long haus. Na man i no save tingim olsem em i yusim mani bilong

baim kaikai bilong haus long go na spak.

"Bihainim dispela ol toktok, ripot i soim tu olsem pasin pamuk i wok long kamap bikipela nau long kantri," em i tok.

Mis Kopkop i sutim tok long gavman olsem em i no mekim wanpela bikipela samting yet bilong traim daunim na pinisim dispela hevi. Tasol wanem samting em i laik mekim nau em long bringim gen narapela kain resis

bilong stilim mani i kam insait long kantri.

"Dispela i bringim gen bikipela askim sapos ol lida bilong yumi long tude i tingim tru ol pipel bilong ol o no gat."

Palamen i bin oraitim tingting bilong bringim ol dispela resis i kam insait long kantri bihain long memba, Tom Amaiu i muvim mosen. Long taim bilong vot, 23 memba i bin yesa long dispela tingting na 20 i tok no gat. Namel long ol lain i tok yesa

em 6-pela gavman minista. Na tripela gavman minista tasol i bin stap namel long ol lain husat i tok no gat.

Kopkop i tok Amaiu i bin muvim mosen wan-taim tingting olsem "gavman bai lusim bikipela mani tru, bisnis bilong turis bai pun-daun na ol kain kain arapela bisnis na wok bai pinis sapos em i no sanapim ol haus laki long hia".

## PLIS



## RIPOT

**HAGEN:** Plis ripot i tok tupela birua bilong bagarapim meri i bin kamap long taun las wik. Ripot i tok wanpela man i bin go antap long haus em wanpela meri i stap bilong em yet na bagarapim em. Man ya i bin yusim naip long pretim dispela meri.

Ol plisman i wok long sekap nau long dispela na askim yet tripela man husat i save wok long wanpela stua klostu long Hagen plis stesin. Ol plisman i no autim wanpela sas yet.

**ENGA:** Tupela birua bilong bagarapim meri i bin kamap long Laiagam insait long Enga provins. Na ol plisman i no holim o sasim wanpela man yet.

**MADANG:** Ol pipel bilong Tautu viles long Ramu eria i bin holim 5-pela man husat i bin laik bagarapim man na stilim ol samting long haiwe long Fraide moning. Ol pipel bilong ples i bin mekim olsem bihain long ol i harim olsem sampela man i bin pretim wanpela kopi baya na stilim K1,000 bilong em.

Ol plisman i givim bikipela tok amamas tru i go long ol pipel long mekim olsem. Ol i tok dispela kain pasin tasol bai inap daunim hevi bilong lo na oda long kantri.

**LAE:** Gavman i bin tingting nau long srukim taim bilong kefiu insait long Morobe provins i go moa. Dispela i bihainim pasin em lo na oda long provins i no kamap yet long en.

Praim minista i bin tokaut tu long srukim taim bilong kefiu long Lae i go moa. Em i bin mekim toktok wantaim primia Nalau na wanbel tingting i bin kamap.

Kefiu bai stap yet long wankain taim em long 9 kilok apinun i go long 5 kilok moning taim.

Rekot bilong kefiu i soim olsem kefiu i no karim gut kaikai long Lae. Gavman i tingting long putim moa mani i go antap long wok bilong kefiu gen long em i wok inap long 25 Ogas long dispela mun.

Singaut nau i go long olgeta manmeri insait long Lae siti long helpim plis long wok bilong ol. Singaut tu i go long plis long mekim gutpela wok long dispela taim inap long mun Ogas i pinis.


**MOSBI:** Wanpela bas i bin bamim tripela liklik meri long Mande apinun long Waigani bas stop. Tupela meri i bin pinis skul na i laik i go long haus bilong taim bas ya i ron i kam stret long tupela.

Narapela liklik meri i bin laik go long taiping skul bilong em long Boroko taim bas ya i bamim em.

Ripot i tok tupela meri ya i stap long emejensi yunit long Mosbi haus sik na narapela ya i go insait long operesen rum.

Long dispela taim tu dispela bas i ron i go antap tu long 20 arapela manmeri husat i stap long hap long dispela taim. Saint John Ambulens i bin helpim long kisim ol 20 manmeri ya i go long haus sik.

HALO  
DALING!  
EM MI YA....  
PITA!



*Mi gat dispela nupela PTC IKONOMI FONE long haus. Mi inap ring tasol long ol lain i stap klostu na kisim telipon bilong ol lain husat i ring long olgeta hap bilong kantri na wol.*

*Mi i no inap yusim dispela telipon long wokim ol STD na IDD kol. Gutpela tru, ol wantok i no inap yusim telipon long ring i go longwe na larim mi long baim bikipela mani.*

*I no hat long putim ol Ikonomi Fone, i no gat bikipela mani bilong baim olgeta mun, i no gat takis bilong telipon na PTC i no inap sasim namba wan K4 em mi ring long olgeta mun. Nau mi ken gat telipon bilong mi yet long haus.*

*Taim ol wantok i yusim telipon, mi sasim ol.*

*Em nau, Daling. Bai mi ringim yu ken. Lukim Yu!*



POST & TELECOM

Keeping you in touch





# MUSIK na TELEVISIEN

## Eks Narox ben i autim namba tu kaset wantaim 4-pela memba nau

TOLAI musik i gat bikpela nem long kwaia na lotu singsing, stringben na nau, ol i wokim nem tu long lektrik musik.

Nau bai mi stori long wanpela lektrik ben ol i kolim tasol olsem XNB Ben. Dispela lektrik musik ben i bilong Rabaul yet. Na tupela memba bilong Shutdown na Barike ben, Kabu Rita na Fabian Tadoi i bin statim.

Dispela hap toktok "XNB" i gat ming bilong en yet. Pas-

taim long Kabu na Fabian i bin statim dispela ben. XNB, tupela i save pilai raun wantaim Narox Ben. Tasol long 1988.

Na tupela i lusim Narox Ben na Fabian i go pilai wantaim Barike Ben na Kabu Rita i go stap wok wantaim Pacific Gold studio long Rabaul.

Sampela taim long mun Ogas na Septemba long 1989, Kabu na Fabian i bung gen na redim sampela singsing bilong katim wan-

pela kaset. Na tupela i kolim dispela kaset olsem XNB Ben o yumi ken putim tasol olsem "Eks Narox Ben". Na dispela i bin namba wan kaset bilong tupela kas ya.

Wanpela singsing em mi ken tingim yet we i bin sutim bel bilong planti yangpela man na meri long dispela taim em IARIKAI NA BUAI. Dispela singsing i bihainim kain stori na nek bilong ol tumbuna singsing bilong Tolai yet. Tasol pairap bilong em i pulap long ol lektrik musik na stail.

Orait long mun Janueri bilong dispela ya, Fabian na Kabu i bung gen bilong katim namba tu kaset. Tasol nau tupela narapela poro i kam insait bilong givim han. Tupela nupela memba em Patti Doi na Francis Matale.

XNB Ben i yusim dispela hap tok "BATBAT IAU" long karamap bilong kaset. Dispela hap toktok i stap long tok ples Kuanuc na i min olsem malliraim o wokim puripur long mi. Na em i ker sut long man o mer wantaim.

Tasol insait long singsing namba 5 long Sait A, em i stor long wanpela mar-

bilong ples Tavul wokim puripuri long wantok meri bilong em yet. Na dispela em i wanpela samting i save kamap long olgeta de laip bilong ol pipel bilong Tolai. Na em i nc nupela samting.

Patti Doi i save wok wantaim Pacific Gold studio long Rabaul yet. Na stori bilong Francis i narakain liklik. Mama bilong Francis i bilong Kavlang na papa i bilong Nissan allan long Not Solomons provins.

Em i bin stap long ples bilong mama taim ol bol bilong Shutdown Ben i go pilai long hap na kisim em i kam bek long Rabaul. Orait em i kam stap pilai rayn wantaim Shutdown Ben. Na i bin skrapim gita na singsing tu wantaim Narox Ben. Na insait long dispela namba tu kaset bilong XNB Ben, Francis i singim tupela singsing long Sait A. Namba wan singsing em GOLEO long tok ples Nu Allan na ETA VETA long tok ples Wes Irian.

Singsing GOLEO i bihainim kain pairap na stail bilong allan reggae musik yet. Na nek bilong Francis i kral gut tru long dispela singsing. Long ETA VETA, em i sings-

ing stret tasol olsem olgeta arapela musik kaset.

Patti i bin singim wanpela singsing insait long dispela namba tu kaset bilong XNB Ben long tok ples bilong papa bilong em long Madang provins. Dispela singsing em namba tri long Sait A, RAISI BE.

Dispela singsing i bihainim stret kain stail em ol lain bilong Noten rijon i save laikim long kalap kalap long en. Ating mi ken mekim wankain toktok long ol lain bilong Hailans bikos ol tu bai laikim tru dispela musik. Em i gutpela musik bilong danis na bai helpim tru Pacific Gold long salim dispela namba tu kaset bilong ol dispela lain eks Narox Ben memba.

Dispela ol 4-pela man husat i bung nau na wokim namba tu kaset bilong XNB Ben i gat stail bilong ol yet na i save gut tru long kain musik em ol i mas kamapim long tude. Olsem mausman bilong Pacific Gold studio long Rabaul, Nelson Amos i tok, "Wan wan bilong ol dispela 4-pela man i raitim na singim singsing bilong em yet. Wan wan man i bringim singsing

bilong em i kam insait bilong katim na putim long kaset."

Nelson i tok moa olsem namba tu kaset bilong XNB Ben i winim gen dispela em ol i bin katim pastaim.

"Long wanem, ol singsing na kain pairap bilong musik i narakain liklik. Dispela em kral na musik bilong 4-pela saveman bilong musik i bung wantaim na i no tupela tasol olsem bipo," Nelson i tok.

Tupela singsing tasol insait long kaset i stap long Tok Pisin. Wanpela em SALIM PAS long Sait A na narapela em RUN AWAY long Sait B.


Singsing SALIM PAS i stori long wanpela haiskul meri husat i salim pas long wanpela bol na i laik maritim em. Tasol papamama bilong meri i no laik na dispela i brukim tru lewa bilong dispela bol. Em i gutpela musik bilong danis na inap kamapim bikpela nem long ol blak

maket na klab nabaut. Na tu long ol disko ples.

Toktok bilong namba tu singsing, RUN AWAY bai paulim yu liklik bikos em i stap long tok Inglis. Tasol tingting i go bek long kain Tok Pisin bilong ol pipel bilong Solomon Allan na Vanuatu na kain musik na toktok bilong Black Brothers Ben bilong Wes Irian o nau ol i autim wanpela kaset aninit long nem XB2. Tok Pisin bilong ol dispela lain i no wankain olsem bilong yumi long Papua Niugini. Nogat. Ol i save miksim Inglis wantaim Tok Pisin.

Olsem na long musik bilong ol, XNB Ben i traim autim dispela kain stail na lukim wanem samting bal kamap long en. Na ol 4-pela kas ya i mekim olsem long singsing RUN AWAY.

Olgeta arapela 5-pela singsing long kaset nau i stap long tok ples Kuanua yet.



### XNB BAND "BATBAT IAU"

- |                     |                     |
|---------------------|---------------------|
| <b>SIDE A</b>       | <b>SIDE B</b>       |
| 1. SALIM PAS        | 1. MAORA F TUAGU    |
| 2. NINJUK TANGTANGI | 2. VAVINA HUMAN 200 |
| 3. RAISI BE         | 3. RUN AWAY         |
| 4. GOLEO            | 4. NATUGU           |
| 5. BATBAT IAU       |                     |
| 6. ETA VETA         |                     |

## EMTV

<b>THURSDAY 8TH AUGUST, 1991</b>	<b>FRIDAY 9TH AUGUST, 1991</b>	<b>SATURDAY 10TH AUGUST, 1991</b>	<b>SUNDAY 11TH AUGUST, 1991</b>	<b>MONDAY 12TH AUGUST, 1991</b>	<b>TUESDAY 13TH AUGUST, 1991</b>	<b>WEDNESDAY 14TH AUGUST, 1991</b>
6.00 TEST PATTERN AND MUSIC	6.00 TEST PATTERN AND MUSIC (G)	8.00 TEST PATTERN AND MUSIC	12.57 STATION OPEN	1.00 BUSINESS SUNDAY	6.00 NATIONAL EMTV NEWS	5.29 EMTV NEWS BREAK
6.27 STATION OPEN	6.30 ITN WORLD NEWS	12.57 STATION OPEN	1.00 WIDE WORLD OF SPORTS	2.00 SUNDAY	6.30 A CURRENT AFFAIR (G)	5.30 HOME AND AWAY (G)
6.30 ITN WORLD NEWS	7.00 TODAY SHOW	1.00 WIDE WORLD OF SPORTS	5.00 LAVERNE & SHIRLEY	4.00 SPORTS SUNDAY	7.00 SALE OF THE CENTURY (G)	6.00 NATIONAL EMTV NEWS
7.00 TODAY SHOW (G)	9.00 STATION CLOSE	5.00 LAVERNE & SHIRLEY	5.27 EMTV TOKSAVE	6.00 NATIONAL EMTV NEWS	7.25 EMTV NEWS UPDATE	6.30 A CURRENT AFFAIR
9.00 STATION CLOSE	1.42 STATION RE-OPEN	5.27 EMTV TOKSAVE	5.29 NATIONAL EMTV NEWS BREAK	6.23 THE ROAD TO THE 1991 SOUTH PACIFIC GAMES	7.30 NEIGHBOURS (G)	7.00 SALE OF THE CENTURY (G)
1.42 STATION RE-OPEN	1.45 MIDDAY WITH RAY MARTIN (PGR)	5.29 NATIONAL EMTV NEWS BREAK	6.00 NATIONAL EMTV NEWS	6.30 SPORTS ACTION	7.52 EMTV TOKSAVE	7.25 EMTV NEWS UPDATE
1.45 MIDDAY WITH RAY MARTIN (PGR)	3.00 SESAME STREET	6.00 NATIONAL EMTV NEWS	6.30 HEY HEY IT'S SATURDAY	7.55 NATIONAL EMTV NEWS UPDATE	8.00 THE YOUNG DOCTORS	7.30 NEIGHBOURS (G)
3.00 SESAME STREET	4.00 THE REAL GHOST BUSTER (G)	6.30 HEY HEY IT'S SATURDAY	8.22 EMTV TOKSAVE	8.00 THE YOUNG DOCTORS	8.54 EMTV NEWS UPDATE	7.52 EMTV TOK SAVE
4.00 KIDS KONA	4.30 TEENAGE MUTANT NINJA TURTLES (G)	8.22 EMTV TOKSAVE	8.25 EMTV NEWS UPDATE	8.54 EMTV NEWS UPDATE	8.59 EMTV NEWS MAGAZINE	7.55 PNG WINFIELD LEAGUE 1991
4.30 TEENAGE MUTANT NINJA TURTLES (G)	5.00 THE FLINSTONES	8.25 EMTV NEWS UPDATE	8.30 HAWAII 5-0 (PGR)	9.00 FLYING DOCTORS	9.00 SPORTS ACTION	8.00 THE YOUNG DOCTORS (G)
5.00 THE FLINSTONES	5.27 EMTV TOKSAVE	8.30 HAWAII 5-0 (PGR)	9.29 EMTV NEWS MAGAZINE	9.00 FLYING DOCTORS	11.27 MEDIATION WITH PASTOR WALO ARNI	8.59 EMTV NEWS UPDATE
5.27 EMTV TOKSAVE	5.29 NATIONAL EMTV NEWS BREAK	9.29 EMTV NEWS MAGAZINE	9.30 THE WACKIEST SHIP IN THE ARMY	10.00 SPORTS ACTION	11.27 MEDIATION WITH PASTOR WALO ARNI	8.59 EMTV NEWS UPDATE
5.29 NATIONAL EMTV NEWS BREAK	5.30 HOME AND AWAY (G)	9.30 THE WACKIEST SHIP IN THE ARMY	11.27 MEDITATION	11.27 MEDIATION WITH PASTOR WALO ARNI	"Suspicion of innocence"	9.04 EMTV NEWS MAGAZINE
5.30 HOME AND AWAY (G)	6.00 NATIONAL EMTV NEWS	11.27 MEDITATION	11.30 STATION CLOSE	11.30 STATION CLOSE	10.05 BEYOND 2000	9.05 THE EQUALIZER (PGR)
6.00 NATIONAL EMTV NEWS	6.30 A CURRENT AFFAIR (G)	11.30 STATION CLOSE	<b>MONDAY 12TH AUGUST, 1991</b>	<b>TUESDAY 13TH AUGUST, 1991</b>	11.02 MEDITATION WITH PASTOR WALO ARNI	9.05 THE EQUALIZER (PGR)
6.30 A CURRENT AFFAIR	6.30 A CURRENT AFFAIR	<b>MONDAY 12TH AUGUST, 1991</b>	6.00 TEST PATTERN AND MUSIC	6.00 TEST PATTERN AND MUSIC	11.05 STATION CLOSE	"Suspicion of innocence"
7.00 SALE OF THE CENTURY (G)	7.00 SALE OF THE CENTURY (G)	6.00 TEST PATTERN AND MUSIC	6.27 STATION OPEN	6.27 STATION OPEN	11.05 STATION CLOSE	10.05 BEYOND 2000
7.25 EMTV NEWS UPDATE (G)	7.25 EMTV NEWS UPDATE (G)	6.27 STATION OPEN	6.30 ITN WORLD NEWS (G)	6.30 ITN WORLD NEWS (G)	<b>WEDNESDAY 14TH AUGUST, 1991</b>	11.02 MEDITATION WITH PASTOR WALO ARNI
7.30 NEIGHBOURS (G)	7.30 NEIGHBOURS (G)	6.30 ITN WORLD NEWS	7.00 TODAY SHOW (G)	7.00 TODAY SHOW (G)	6.00 TEST PATTERN AND MUSIC	11.05 STATION CLOSE
7.52 EMTV TOKSAVE	7.52 EMTV TOKSAVE	7.00 TODAY SHOW	9.00 STATION CLOSE	9.00 STATION CLOSE	6.27 STATION OPEN	11.05 STATION CLOSE
7.55 EMTV NEWS UPDATE	8.00 HEY DAD	9.00 STATION CLOSE	1.42 STATION RE-OPEN	1.42 STATION RE-OPEN	6.30 ITN WORLD NEWS	6.30 ITN WORLD NEWS
8.00 HEY DAD	8.26 EMTV TOK SAVE	1.42 STATION RE-OPEN	1.45 MIDDAY WITH RAY MARTIN (PGR)	1.45 MIDDAY WITH RAY MARTIN (PGR)	7.00 TODAY SHOW	7.00 TODAY SHOW
8.54 EMTV NEWS UPDATE	8.29 EMTV NEWS UPDATE	1.45 MIDDAY WITH RAY MARTIN (PGR)	3.00 SESAME STREET (G)	3.00 SESAME STREET (G)	9.00 STATION CLOSE	9.00 STATION CLOSE
8.59 EMTV NEWS MAGAZINE	8.30 SPORTS ACTION	3.00 SESAME STREET (G)	4.00 KIDS KONA (G)	4.00 THE REAL GHOST BUSTERS (G)	1.42 STATION RE-OPEN	1.42 STATION RE-OPEN
9.00 21 JUMP STREET	8.30 SPORTS ACTION	4.00 KIDS KONA (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	1.45 MIDDAY WITH RAY MARTIN (G)	1.45 MIDDAY WITH RAY MARTIN (G)
"Schools out" (PGR)	8.30 SPORTS ACTION	4.30 TEENAGE MUTANT NINJA TURTLES (G)	5.00 GILLIGAN'S ISLAND	5.00 GILIGAN'S ISLAND	3.00 SESAME STREET (G)	3.00 SESAME STREET (G)
10.00 SPORTS ACTION	10.24 NATIONAL EMTV NEWS UPDATE	5.00 GILLIGAN'S ISLAND	5.27 EMTV TOKSAVE	5.27 EMTV TOKSAVE	4.00 THE REAL GHOSTBUSTER (G)	4.00 THE REAL GHOSTBUSTER (G)
10.57 MEDITATION WITH PASTOR WALO ARNI	10.29 EMTV NEWS MAGAZINE	5.27 EMTV TOKSAVE	5.29 EMTV NEWS BREAK	5.29 EMTV NEWS BREAK	4.30 TEENAGE MUTANT NINJA TURTLES:	4.30 TEENAGE MUTANT NINJA TURTLES:
11.00 STATION CLOSE	10.30 GUNSMOKE (PGR)	5.29 EMTV NEWS BREAK	5.30 HOME AND AWAY (G)	5.30 HOME AND AWAY (G)		
		5.30 HOME AND AWAY (G)				





# Longpela nek i giamanim ol pis

BIPO bipo tru long taim bilong tumbuna, i gat wanpela longpela nek pisin i save stap long raun wara. Nem bilong dispela raun wara em Wo, na i save stap long Kaintiba eria long hap bilong Kerema long Galp provins.

Olgeta taim dispela longpela nek pisin i save traim hat long painim kaikai. Tasol em i no save painim wanpela. Em i save go sindaun antap long dispela wara, Wo na lukluk i stap long holim wanpela pis bilong kaikai. Tasol em i no save holim wanpela liklik.

Wanpela apinun em i no kaikai wanpela samting, na i bagarap stret long hangre. Em i go long haus bilong em na i tingting long wanem samting bilong mekim.

Em tingting i go na kamap long wanpela tingting. Dispela em long giamanim ol pis long raun wara Wo.

Long moning taim tru em i go long dispela wara na wetim ol pis long kam. Em sindaun i go na i no longtaim sampela pis i swim i kam. Man bel bilong em i amamas stret.

Hariap tru em i kirap na singautim ol olsem, "Ol wantok, mi gat wanpela toksave long tokim yupela".

Ol lain pis ya i kamap na em i tokim ol olsem. "Long asde nait, mi harim olsem ol manmeri bilong ples Yambona i pasim tok long pasim wara Wo, na kisim olgeta pis".

Taim ol pis i harim dispela stori bilong longpela nek pisin ya, ol i pret nogut tru. Longpela nek pisin i tokim ol long go bek, na salim dispela toksave i go long ol arapela pis.

Long narapela de olgeta pis



long wara Wo i kam bek na bungim gen longpela nek pisin ya. Ol i holim bikpela kibung tru, na i laik kamap long sampela gutpela rot bilong sevim laip bilong ol.

Olsem na ol i askim longpela nek pisin ya sapos em i gat sampela rot long helpim ol. Pisin ya i tokim ol, "Mi gat wanpela rot em mi ken tokim

yupela. Na sapos yupela i orait long en, bai mi helpim yupela".

Em i tokim ol olsem em i gat save long wanpela raun wara. Na em bai i kisim ol i go long dispela raun wara. Em i tokim ol tu olsem em bai i karim ol wan wan long maus bilong em i go tromoi long dispela raun wara.

Olgeta pis i orait long dispela tingting. Longpela nek pisin i tokim ol olsem em bai i karim wanpela pis i go soim dispela raun wara pastaim. Na dispela pis bai i kam bek na tokim ol arapela pis olsem em i gutpela ples o no gat.

Em i mekim olsem pinis na olgeta pis i pusim ol yet long i go pas. Longpela nek ya i kisim wan wan pis long maus bilong em i go long namel bilong rot, na mekimsave long kaikaim ol i stap.

Em i mekim olsem i go i go na i no gat moa pis long raun wara ya. Taim em i kam, ol kuka tasol i stap. Olsem na em i askim sapos ol kuka tu i laik i go long dispela nupela raun wara.

Tasol ol kuka i save pinis long giaman bilong dispela longpela nek pisin. Olsem na ol i salim bos bilong ol kuka yet long go wantaim longpela nek ya.

Bos bilong ol kuka i gat bikpela longpela tit stret. Na i redi tasol long mekimsave long pisin ya, sapos i laik kaikaim em.

Long namel bilong rot, longpela nek pisin ya i laik kaikaim dispela bos bilong ol kuka. Tasol kuka i sambai pinis, na i putim longpela bikpela tit bilong em long nek bilong pisin ya.

Longpela nek i dai na kuka i go bek long wara Wo. Na ol kuka tasol i stap long dispela raun wara.

Olsem na tude long wara Wo, yu i no inap lukim wanpela longpela nek pisin. Na tu yu bai i no inap long painim planti pis long hap. Bikos olgeta i salim kaikai pinis long dispela longpela nek.

Kikusu. W  
WEWAK



└ P&C kibung bilong skul i kamap long Balop na olgeta manmeri i go bung. Ripot bilong tresera i kamap nau na olgeta lain i wok long paitim toktok i stap. Pren bilong Kanage i sindaun long baksait na i wok long apim han i go antap long siaman i makim em. Tasol oltaim siaman i abrusim em. Mekim i go no gat na pren bilong Kanage i kirap bikmaus, "Siaman, siaman. Mi gat wanpela tok." Tasol siaman i no harim em na boi kirap bikmaus gen, "Siaman pris, stending oda!" Em i abrus long tok "Poin ov oda" bikos Kanage i sindaun klostu na sutim baksait bilong em long pinga.

Esco Solliau,  
Lae, M.P.

└ BIHAIN tasol long bia i stop long Wewak, Kanage i salim tok save i go long Wanpis na Demdem olsem kandre bilong ol 24 i dai pinis na i stap long namba tu bokis ais long Boram. Kanage kisim Wanpis long ka na tupela i go long lukim bodi long bokis ais. Tupela krai wantaim na go kamap long haus sik, na bungim Demdem tu i hatim krai i stap long dua bilong bokis ais. Ol tripela kirap karim bodi bilong 24 i go long Yawasoro bilong planim. Ol i rausim karamap bilong bokis matmat bilong lukim bodi, tasol bodi bilong 24 i kol na tuhat nogut tru i stap. Ol tripela ya i les long planim na kirap kaikaim tasol bodi long maus. Tok save i go kamap long ol plisman na ol i kam tasol tulet, olgeta mit bilong 24 i pinis na kor o kep bilong em tasol i stap. Ol plisman bel hat nogut tru na kirap bikmaus, "Yupla! Ol moran i daunim man o kemel i dringim wara. Traim na isi liklik long 24."

Lucas Marasin,  
Wewak, E.S.P.

## Ol yut i no klia tumas long nupela Nesenel Sevis Corp

i kam long pes 1

Makham yut i kamap long nius. Olsem na long tingting bilong mipela, i luk olsem dispela ol stori i kam long maus bilong wanpela man long Mosbi yet," Rifi i tok.

Long ol narapela samting i kamap long Nesenel Sevis Corp, nesenel gavman i tok orait pinis long traim kirapim ol wok bilong en. Dispela sevis bai kosim nesenel gavman samting olsem K12.5 milien.

Praim Minista Rabbie Namaliu i bin tokaut long dispela samting long aste, Trinde 7 Ogas, 1991. Long dispela namba wan yia, 2,850 yut bai stap long trening long ol rurel eria bilong olgeta 19 provins long kantri. Long dispela namba wan yia, kain kain man na meri i ken joinim. Tasol krismas bilong ol i mas stap namel long 16 na 19 yia. Sapos olgeta samting i go orait, em bai go het yet long 1993 na taim bihain tu.

Namaliu i bin tokaut strong gen olsem dispela skim i no kamap bihainim tingting bilong ol soldia o plisman. Dispela skim i bilong trenim tasol ol man na meri nating olsem planti arapela kantri long wol i bin mekim.

Intaria ministra Karl Stack i tok olsem 14 bilong ol 19 provins long kantri i givim pinis sapot bilong ol. Ol 5-pela provins husat i no tokaut yet long dispela skim em Manus, Nu

Ailan, Is Nu Briten, Galp na Oro.

Namaliu i tok tu olsem ol yut long dispela sevis i no inap kisim ol gan na arapela samting bilong pait. Ol bai mekim tasol ol wok bilong lukautim na stretim ol samting bilong gavman olsem ol skul, wokim rot na givim han long taim bilong ileksen, kaunim pipel na ol helt edukesen progrem long ol rurel eria.

Taim dispela skim i kamap bikpela olgeta, samting olsem 30,000 yangpela man na meri bai tren long olgeta yia. Intaria ministri bai redim wanpela baset bilong givim long nesenel gavman long skelim bilong redi long 1992.

Wanem samting i kamap nau i luk narakain tru long namba wan skim em ol i bin tingting pastaim long en. Bikpela senis i kamap bihain long ol toktok na wok bung i kamap wantaim ol provinsal gavman, nesenel dipatmen, ol tred yunien na ol komyuniti.

"Dispela skim inap kamap olsem wanpela bikpela rot bilong daunim na stapim bikpela hevi bilong lo na oda nau i kamap long en," Namaliu i tok.

Em i tok dispela progrem bai givim tu sans long planti tausen yangpela man na meri long givim tru han long helpim Papua Niugini i gro. Kabinet i gat bikpela bilip long dispela projek na bai lukluk ausait long kisim sapot bilong mani samting.

## Tok promis na engesmen em wanem samting?



*Dia Laiplain, Inap yupela tokaut long mi wanem a bilong tupela tok ya, "promis" na "engesmen". Bikos mi save harim planti yangpela manmeri i toktok long dispela tupela samting.*

*Mi gat wanpela boi pren. Na mitupela i bin promis pinis olsem mitupela bai i marit. Tasol mi save lukim planti yangpela meri i save tok promis wantaim boi pren bilong ol, na bihain bl ol i go raun wantaim ol ara-*

*pela man.*

*Wankain pasin i save kamap tu long ol meri husat i save enges wantaim boi pren bilong ol.*

*Dispela tupela samting i min wanem?*

**WARY**

*Dia Pren, Aidia bilong tok "promis" na "engesmen" i narapela kain long wan wan eria bilong mipela insait long Papua Niugini.*

*Bipo ol mama na papa bai i askim ol pikinini long wanem taim ol i laik marit.*

Na taim pikinini i redi long marit, em i mas makim gutpela meri o man long maritim. Bihain em i ken toksave long ol mama na papa bilong em. Na ol mama na papa bai i sindaun wantaim mama na papa bilong narapela man o meri, na askim long pikinini bilong ol. Na painimaut sapos mama na papa bilong narapela pikinini i orait o nogat.

Tasol tude planti yangpela manmeri i lusim pasin bilong tumbuna pinis. Ol i marit long laik bilong ol yet. Sapos man wantaim pren meri i save gut long ol yet, tupela bai i promis long marit.

Tasol namba wan samting tupela bai i tokaut long ol mama na papa wantaim ol wan tok bilong tupela olsem tupela i plen long marit. Tupela bai i mekim kristen promis long ai bilong pasto bilong sios, na ol pipel olsem tupela i laik marit.

Na tu i mas promis olsem tupela bai i givim laip bilong tupela long God papa.

Namba tu samting tupela bai i promis long kongrigesen olsem tupela bai i stap olsem wanpela marit i go inap tupela i dai. Sapos ol manmeri i mekim promis olsem, as i stap olsem tupela i no laik long ol arapela manmeri i bagarapim marit bilong tupela.

Tasol sapos tupela i yangpela yet, tupela bai i gat planti tingting long raun wantaim ol arapela yangpela manmeri. Dispela pasin bai i bagarapim olgeta tok promis o engesmen.

Olsem na em i moa gutpela long ol yangpela manmeri i noken mekim promis inap ol i save gut long laik bilong ol yet.

Na i gat bikpela bilip olsem tupela bai i stap wantaim i go inap tupela i dai.

**MI LAIPLAIN**

**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

MIRI AIORI long Ext 203  
JOHNATHAN BOMEPE long Ext 215  
KOSINTO FOSAGU long Ext 216



**TOK SAVE LONG OLGETA MEMBA  
1991 JENEREL ILEKSEN BILONG  
ASOSIESEN**

Hia em tok save bilong olgeta memba bilong Asosiesen long ol de na wanem sia bilong resis long taim bilong Nesenel Jenerel Ilekseen long olgeta hap bilong kantri.

De bilong ilekseen em olsem:

8 Ogas	Ol Nominesen i Op
20 Ogas	Ol Nominesen i Pas
29 Ogas-11 Septemba	Ol memba bai kisim ol balot pepa
12 Septemba	Vot i Stat
30 Septemba	Vot i Pinis
10 Oktoba	Autim nem bilong Wina

Ol sia bilong stap long resis em:

Nesenel Presiden	- Wanpela tasol (NCD tasol)
Sinia Vais Presiden	- Wanpela tasol (NCD tasol)
Vais Presiden	- Wanpela tasol (NCD tasol)
Tresera	- Wanpela tasol (NCD tasol)
Asisten Tresera	- Wanpela tasol
Asisten Seketeri	- Wanpela tasol
Ol mausman bilong Sauten Rijon	- Bai makim tupela
Ol mausman bilong Noten Rijon	- Bai makim tupela
Ol mausman bilong Hailans rijon	- Bai makim tupela
Ol mausman bilong Niugini Ailan Rijon	- Bai makim tupela
Nesenel mauseri bilong Wimens Brens	- Bai makim tupela - (Ol Meri tasol) (NCD tasol)

I no klia gut, askim:-

JENEREL SEKETERI

KOREKSENEL SEVIS EMPLOYIS ASOSIESEN

Telipon: 25 4108

o  
REX SABIN  
RITENING OPISA  
DISTRİK ILEKTOREL OPIS  
Telipon: 21 7258

CLEMENCE KANAU  
JENEREL SEKETERI



**COMMISSION FOR HIGHER EDUCATION  
SECRETARIAT  
P.O. BOX 5117  
BOROKO**

Commission for Higher Education Secretariat invites applications for the following positions.

POSITION:	DESIGNATION:	LEVEL:
CHE 004	Executive Director	L 5
CHE 050	Director - Institutional Finance	L 2
CHE 002	Executive Secretary	KBO 6
CHE 005	Secretary	KBO 6
CHE 031	Secretary	KBO 6
CHE 041	Secretary	KBO 6
CHE 051	Secretary	KBO 6

Details of the duties and qualification requirements for these positions may be obtained from Mr. Josiah Mokeveka, 7th Floor, PSA Haus, Waigani or telephone: 27 2093.

Please address written applications with Curriculum Vitae and names of three (3) referees to:

OIC - ADMINISTRATION  
COMMISSION FOR HIGHER EDUCATION  
P.O. BOX 5117 BOROKO

Applications close on the 21st August, 1991.

**CERTIFICATE COURSE IN  
COUNSELLING SKILLS**

TO BE RUN BY-

**ADMINISTRATIVE COLLEGE OF PNG  
AT THE**

**WESTERN HIGHLANDS ASSOCIATION**

**FOR THE DISABLED (WARAKUM)  
MT. HAGEN**

**DATE:- AUGUST 12-23RD 1991.**

**ENQUIRIES PLEASE CONTACT**

**ALPHONSE PU (PRINCIPAL)  
PH: 52 2735**

# Word Publishing

I go het wantaim PNG

Ol Engliken, Katolik,  
Lutheran na Yunaitet  
sios i amamas long  
bung wantaim long  
wokim ol nius



## WANTOK

NIUSPEPA BILONG PAPUA NIUGINI STRET

PNG's Tok Pisin newspaper

# THE TIMES

of Papua New Guinea

PNG's award winning newspaper



PNG

## BUSINESS

Vol 210

Audited Distribution 9170

reporting on the business community



## SPORT

Weekend

INCORPORATING PNG LEAGUE AND SYDNEY LEAGUE

for complete sport coverage

Ol 2 milien memba bilong Engliken, Katolik,  
Lutheran na Yunaitet sios i amamas long stap  
olsem papa bilong dispela wok long  
kamapim ol nius



# SOFBAL

# KOMISINA SIL I PAUL

## YAKAM KELO i raitim

SIL bilong plis komisina long Bomana op sisen sofbal resis i paul namel long ol tim na pilai long Mosbi.

Presiden bilong Bomana Sofbal Asosiesen, Andrew Moe i tok em i no save husat tim ol meri tru i holim dispela sil bilong plis komisina. Tasol dispela sil i bilong kompetisen, na i mas kam bek long ol meri i pilai long en.

Andrew Moe i tok em i save i gat sampela tok kros i stap. Tasol dispela i no ken bagarapim gut-pela gem nau i wok long go het.

Narapela sil em ol meri i save pilai long en em, Andrew Moe Sil. Na dispela i bilong tupela las tim husat bai i pilai long fainal.

Sil bilong komisina em tim husat i stap olsem rana ap bai i kisim. Tasol nau yet i gat hevi long dispela sil. Na i no stap moa long han bilong asosiesen.

Long ol gem bilong las wiken, McGregor 1 i givim bikipela mekimsave stret long ol yangpela meri bilong McGregor 3. McGregor 1 em ol mama tasol. Na ol i no larim ol pikinini i daunim ol.

Ol i autim stret tiket bilong McGregor 3, 27-6.

Insait long dispela gem, pitsa bilong McGregor 1 i bin givim tasol 4-pela wokabaut long McGregor 3. Olgeta banis bilong em i tait na strong tru long ol yangpela meri bilong McGregor 3 i brukim i go insait.

Pitsa bilong McGregor 3, i no bin pilai gut long dispela taim. Na givim 25 wokabaut long McGregor 1. Olsem na long dispela as, McGregor 1 i kisim 25 skoa isi tasol long daunim tingting na strong bilong McGregor 3.

McGregor 1 bai i go malolo na wetim tasol gren fainal. McGregor 3 bai i go na bungim McGregor 2 long dispela wiken.

McGregor 2 i bin autim tiket bilong Bomana 4 wantaim 7-2 skoa long las wiken long maina semi fainal. Tasol long fainal raun, McGregor 2 i autim strong bilong em na nekim Bomana 4 long fultaim.

Wina bilong McGregor 2 na McGregor 3 bai go bungim McGregor 1 long gren fainal.

Dispela gem bai strong na McGregor 3 i lainim pinis rong bilong em na em bai givim hat taim long McGregor 2 long dispela wiken. Em bai tingting long go bek gen na bekim dinau bilong em long McGregor 1 long fainal.



• Fuji i mekimsave wantaim United long las sisen bilong Mosbi resis.

• Stail bilong Goroka sofbal resis long las sisen.



• Ol meri bilong Green Island Gazelle tim long Mosbi husat i go insait long gren fainal bilong las sisen egen-sim primia tim, Mazda Carps.



# BENSON and HEDGES

# KIMBE REDI LONG BIKPELA RESIS

LAE Bisket Kap tonamen long Kimbe i wok long kisim sapot yet. Dispela tonamen bai i kamap long 11 na 13 de bilong mun Oktoba 1991.

Seketeri bilong Wes Nu Briten Soka Asosiesen (WNBSA) Mathias Ire i tok i gat bilip olsem bai moa tim i kamap long dispela tonamen long mun Oktoba. Em i tok long nau yet i gat 8-pela tim i baim olgeta fi bilong ol pinis. Na i wetim tasol de bilong tonamen.

Ol tim ya em Kimbe, NBPOD (Mosa), Beli, Glosta, Kandrian Koste, Gimi Rauto, Passiss Manua na Bialla. Ol arapela tim husat i givim pinis tok orait bilong ol long kamap long tonamen em Is Nakanai, Sentrel Nakanai, Uitu na Bali.

Mathias i tok ol i makim pinis 31 Ogas olsem las de bilong ol tim husat i no baim yet ol fi bilong ol long baim hariap.

Long las yia na yia bipo, ol i save

mekim ol komiti grup long lukautim dispela tonamen. Tasol long dispela yia bai, Kimbe Soka Asosiesen bai i go pas, na em bai i lukautim ol samting bilong tonamen ya.


Long dispela yia tu, em i namba wan taim bilong Kimbe Soka Asosiesen (KSA) i baim afiliesen i go long Papua Niugini Futbol Asosiesen bai (PNGFA). Olsem na dispela bai i givim sampela strong i go long KSA long bihain taim.

Mathias i tok ol bai mekim Lae Bisket Kap resis i go olsem provinsal tonamen bilong olgeta yia. Insait long dispela tonamen bai ol i makim skwat bilong Kimbe long makim provins long Ailan tonamen. Ailan tonamen em Rabaul, Kavieng, Manus na Kimbe i save kik insait long en.

Insait long Lae Bisket tonamen long bipo, ol i save holim long olgeta mun Septemba long Independens De.



• Em stail bilong Mosbi soka long Bisini graun. Tupela kas ya i mekim save stret long winim dispela bal bikos Mosbi fainal fiva tu i kamap klostu pinis.



## Wewak i kisim yesa pinis

**BEN TAUMAI**  
i raitim

W E W A K S o k a Asosiesen (WSA) bai i lukautim Momase Rijonel soka tonamen. Dispela tonamen bai i kamap long Wewak long Oktoba, 1991 bihain long Saut Paifik Gems.

Saut Pasifik Gems bai i pinis long 21 Septemba, 1991.

Long wanpela kibung i kamap long Madang long las mun, olgeta opisal na eksyuketiv bilong 4-pela soka asosiesen long Momase rijon i makim Wewak long lukautim dispela tonamen.

Long las yia, Madang i bin lukautim dispela tonamen. Na Madang yet i winim Lae 1-0 long gren fainal.

Tonamen ya bai i kamap long namba 11, 12 na 13 de bilong bilong mun Oktoba. Na 8-pela tim olgeta bai i kik long dispela tonamen.

Nem bilong ol em Lae, Morobe Kantri, Madang, Madang Kantri, Wewak, Wewak Kantri, Vanimo na Vanimo Kantri.

Lae bai i salim 4-pela referi bilong dispela tonamen, Madang bai i salim 4-pela referi. Wewak wantaim tupela na Vanimo wantaim tupela.

Olgeta referi bilong Madang em, Paul...

Sinia instrakta bilong ol referi long Momase rijon, Paul Pondo bai i ranim dispela liklik woksop.

Alphonse Mangim em siaman bilong Gems Kaunsil Komiti bilong Madang Soka Asosiesen. Em i tokim *Wantok Niuspepa* olsem insait long dispela kibung, ol i tingting tu long kamapim kain tonamen bilong ol meri, na junia.

Ol bai i lukluk long

statim long neks yia samting.

Em i tok dispela em i wanpela rot bilong kirapim soka long Momase rijon. Bikos pilai soka mas i go bikpela long olgeta liklik taun insait long Momase rijon.

Long wanem dispela bai i pusim ol manmeri long pilai soka, na strongim soka insait long rijon.



**MORESBY SOCCER ASSOCIATION**  
Catch up games  
Saturday 10th August, 1991.


Time	Division	Ground	Fixture	Time	Division	Ground	Fixture
11.30	U19		Defence Mobil Sobou vs Guria	11.30	2nd		G.F.C. Losegu vs Bao-Mitas
1.30	U19		Defence B/Kumuls vs G.F.C.	11.30	2nd		G.F.C. Wanzesi vs Tarangau
3.00	U19		Defence Westpac vs Rapatona	1.15	2nd		G.F.C. Korion vs B.F.C.
4.30	U19		Defence Bao-Mitas vs Kurti Andra				
10.00	U19	B1	Bao-Mitas vs Guria				
11.30	U19	B1	G.F.C. vs Verave				
1.20	U19	B1	University vs Westpac				
2.30	U19	B1	Amalpak M.U. vs Rapatona				
4.00	2nd	B1	Cloudy Bay vs Gala United				
11.30	2nd	B2	Maniota vs Sulem				
1.00	2nd	B2	Korion vs Mana				
2.30	2nd	B2	Wanzesi vs Bao Mitas				
4.00	2nd	B2	Amazon Bay vs Losegu				

Sunday 11th August, 1991.  
Minor and Major semi-finals

Time	Division	Ground	Fixture
9.30	Res	B1	Mobil Sobou vs Westpac (3 vs 4)
11.30	Wom	B1	Mobil Sobou vs University (3 vs 4)
1.30	1st	B1	Air Niugini vs Bao Mitas (3 vs 4)
3.30	Prem	B1	Rapatona v Mobil Sobou (3 vs 4)
9.00	Res	B2	Golo vs University (1 vs 2)
11.30	Wom	B2	Wanzesi vs Guria (1 vs 2)
1.30	1st	B2	Koupa vs B.F.C. (1 vs 2)
3.30	Prem	B2	University v G.F.C. (1 vs 2)

Catch Up Games:

10.00	U19	Defence	T. Defence vs Verave
-------	-----	---------	----------------------



• Em ol kas bilong Westpac yet long Bisini soka graun long las wiken. Paulus Sawo i sanap kisim win na Foxy i lukluk long golkipa bilong ol husat i kisim taim na sindaun.



## Madang skruim yet kik bilong fainal

SOKA semi fainal bilong primia divisen long Madang resis i sruk i go moa long tripela wik bihain.

Presiden bilong MSA Gem Kaun-sil, Alphonse Magim i mekim dispela bikos sampela hevi i kamap taim em i stap long Wewak long Somare sil resis. Taim em i kam bek long Madang, em i painimaut long dispela, na mekim senis ya long holim ol fainal long tripela wik bihain.

Em i tok long stretim gem bilong ol meri na junia pastaim. Bihain orait olgeta divisen i ken kik long semi fainal long wanpela taim

tasol.

Ol primia divisen husat i stap nau long fainal em, Momase, Mimlon, Guria na Watabag.

Momase bai i traिम bun wantaim Mimlon long mesa semi fainal. Na Guria bai i traिम pawa bilong Watabag long preliminari fainal.

Wina bilong Guria wantaim Watabag bai kik wantaim lusa bilong Momase na Mimlon. Lusa bai hangamapim su.

Wina bilong gem namel long lusa bilong Momase na Mimlon na wina bilong Watabag na Guria bai i go kik long gren fainal.

**B&H**  
**BENSON and HEDGES**

**MOSBI LATA**  
PORT MORESBY SOCCER ASSOCIATION LADDER  
Week 22

Premier Division Ladder						
Division	Played	Win	Draw	Lose	For	Against
University	22	14	5	3	59	23
G.F.C.	22	11	10	1	35	15
Rapatona	22	9	10	3	34	21
Mobil Sobou	22	10	6	6	48	33
Guria	22	10	5	7	35	31
Morobe Utd	22	10	5	7	37	38
Golo	22	10	3	9	45	36
Kurti-Andra	22	6	7	9	30	35
Westpac	22	5	9	8	31	34
B. Kumuls	22	6	3	13	22	44
Verave	22	4	1	17	33	35
T. Defence	22	2	6	14	38	51

1st Division Ladder						
Division	Played	Win	Draw	Lose	For	Against
Koupa	21	16	4	1	48	17
B.F.C.	21	12	5	4	37	22
Bao-Mitas	21	12	3	6	42	25
Air Niugini	21	11	6	4	32	23
Kula	21	11	5	6	35	28
STC	21	6	6	9	30	34
Tarangau	21	5	4	12	24	40
Nali	21	4	7	10	16	26
Wanzesi	21	5	3	14	29	40
Buresong	21	4	6	11	26	39
Milne Bay	21	4	4	13	24	41

2nd Division Ladder						
Division	Played	Win	Draw	Lose	For	Against
Losegu	28	19	8	1	39	16
Amazon Bay	29	19	5	5	70	33
Wanzesi	28	18	6	4	83	20
Korion	28	19	3	6	56	23
Maniota	29	16	8	5	51	34
Mt Obree	28	17	2	9	50	38
Bao Mitas	28	15	7	6	42	33
Oruka	26	10	5	11	30	38
Gala Utd	27	10	4	13	39	44
Mana	27	9	3	14	28	46
Elcom	25	4	8	13	25	46
Cloudy Bay	26	4	8	16	30	49
Tarangau	25	5	2	17	17	50
Buresong	26	4	5	17	25	60

Premier Reserve Ladder						
Division	Played	Win	Draw	Lose	For	Against
Golo	22	14	6	2	44	22
University	22	13	7	2	29	19
Mobil Sobou	22	11	8	3	35	15
Westpac	22	12	5	4	31	16
Kurti Andra	22	10	6	6	32	28
B. Kumuls	22	9	6	7	22	20
Amalpak M. U.	22	7	6	9	24	22
G.F.C.	22	6	7	9	28	37
Guria	22	7	3	11	25	29
Verave	22	2	4	16	17	31
T. Defence	22	1	2	19	16	48

Womens Division Ladder						
Division	Played	Win	Draw	Lose	For	Against
Wanzesi	22	18	3	1	58	7
Guria	22	17	3	3	99	12
Mobil Sobou	22	15	3	4	61	11
University	22	15	3	4	62	15
Amalpak M.U.I	22	13	7	2	65	12
G.F.C.	22	9	3	10	24	29
Kurti-Andra	22	7	3	12	24	48
Milne Bay	22	7	2	13	25	36
Kula	22	6	5	10	19	36
B. Kumuls	22	4	2	16	17	58
T. Defence	21	2	2	16	12	66

Suspended: Womens - Koupa

Under 19 Division Ladder						
Division	Played	Win	Draw	Lose	For	Against
Rapatona	22	14	5	3	76	25
Mobil Sobou	22	14	4	4	44	22
B/Kumuls	22	13	3	6	37	21
Kurti-Andra	22	13	1	8	35	20
Verave	22	10	8	4	30	14
Westpac	22	11	2	9	31	31
Guria	22	7	7	8	26	32
Bao Mitas	20	8	5	7	22	29
G.F.C.	21	8	3	10	32	29
T. Defence	21	7	4	10	29	42
University	20	5	7	8	27	30
Golo	20	4	4	11	19	51
Buresong	22	4	4	13	21	41
Amalpak	19	2	4	13	18	38

# Ol referi askim long kompensesen

LAE Soka Referi Asosiesen (LSRA) i askim nau Lae Futbol Asosiesen (LFA) long baim kompensesen mani i go long referi em ol pilaia bilong tupela tim i bin paitim.

Ripot i tok ol pilaia na sapota bilong Jaura na Golo soka klap i bin paitim wanpela referi long las mun (Julai, 1991). Ol referi i makim olsem LFA i mas luksave long dispela askim bipo long 4 klok apinun (4.00pm) bilong Fonde 8 Ogas, 1991.

Seketeri bilong LSRA, Valentine Pandi i tok ol i kisim pinis ripot bilong LFA long sasim Jaura na Golo soka klap long trabel ol i bin mekim.

Olsem na ol i laik tokaut gen long LFA long tingting bilong ol em LFA i mas lukluk na mekim kamap.

Pandi i tok ol referi i kibung long las wik Sarere. Na i kamap long ol dispela tok orait:

- Putim seketeri long LFA long 9 klok moning (9.00am) i go inap long 6 klok apinun (6.00pm)

long olgeta wiken gem;


- Ol pilaia, sapota o opisal bilong tim husat i givim bagarap long referi na lainsmen bilong em, i mas baim K300 kompensesen mani i go long asosiesen bilong ol referi. Sas bai i bihainim wanem kain bagarap em referi na lainsmen i kisim;

- Ol opisal bilong LFA i mas stap na lukautim olgeta wiken gem long LFA Graun;

- Sapos wanpela hevi moa i kamap gen long 1991 sisen propa resis, ol referi bai i no inap lukautim moa wanpela gem long dispela sisen;

- LFA i mas baim kompensesen mani i go long dispela referi husat i kisim bagarap long birua bilong Jaura na Golo long Fonde 8 Ogas, 1991.

Valentine i tok referi asosiesen i no makim namba bilong mani em ol i laikim LFA i mas baim. Tasol LFA yet i ken skelim wanem hamas mani em i laik baim bodi bilong referi ya.



## Golo i apil long LFA

### YAKAM KELO i raitim

JAURA Soka Klap long Lae i baim pinis K300 fain mani. Tasol Golo i apil pinis i go long independen Judiseri Traibunel bilong Lae Futbol Asosiesen (LFA) long skelim dispela hevi gen.

Seketeri bilong LFA, Philip Awak i tok long las wik olsem LFA i makim taim bilong Golo na Jaura soka klap long i mas baim fain mani bilong tupela.

Olsem na Jaura i baim K300 fain mani em LFA i makim long en. Tasol Golo i no laik baim K200 fain mani em LFA i bin makim. Olsem na em i apil i go long wanpela independen traibunel o komiti long skelim dispela hevi gen.

Jaura i gat yet K1,000 fain bilong baim. Dispela em sapos em i laik pilai soka gen long 1992 sisen.

Jaura soka klap i mas baim tu afiliesen wantaim nominesen fi bilong em antap long dispela K1,000.

Momase tonamen

Long ol arapela samting em LFA i redi nau long salim tim bilong em i go kik long Momase Rijonel tonamen long Wewak. Ol i wok long stretim tim na ol samting bilong go nau.

Momase Rijonel tonamen bai i kamap long Oktoba, 1991. Na Wewak Soka Asosiesen bai i lukautim long Wewak taun.

Philip i tok mani bilong salim tim i go long Wewak i stap olsem K4,000. Tasol ol bai i traim long katim dispela namba i kam daun. Dispela em long lusim sampela wok em asosiesen i tingting long mekim.

Philip i tok ol bai i traim long kisim ka i go long Madang. Na long Madang bai ol i kisim sip i go olgeta long Wewak. Em i tok sapos ol i mekim olsem, LFA bai ol i sevim sampela mani.

Em i tok LFA i mas salim tim bilong em i go long dispela bikpela rijonel resis. Bikos Momase mas i gat strongpela tim bilong kik insait long resis bilong winim PNGFA Kap.



• Kas bilong Verave i autim stail bilong em wantaim bal ya. Em i save olsem birua bilong em Sobou, i kam klostu pinis long kisim dispela bal long em.

## Rapatona nekim Makis

RAPATONA i mekimsave stret long Makis long primia divisen soka resis bilong Goroka Soka Asosiesen long Sarere 3 Ogas, 1991.

Rapatona em i wanpela strongpela na top tim bilong Goroka soka resis long ol yia bipo i kam. Olsem na dispela strong bilong em long daunim ol arapela tim i moa yet.

Long gem bilong las wiken, Rapatona i bungim Makis, na i no givim liklik sans long em. Rapatona i nekim stret umben bilong Makis 5-0. Trangu Makis i no skoarim wanpela gol liklik.

Narapela primia divisen gem namel long Murat na Elcom i bin wanpela strongpela na gutpela gem stret.

Murat em i wanpela strongpela tim tu. Na i gat nem long Goroka soka resis. Olsem na Murat i winim dispela gem 3-2.

Guria tu i bin winim gem bilong em egensim Morobe Yunaitet long

Sande. Tupela tim wantaim i soim gutpela gem. Tasol Guria i bin strong tumas. Olgeta gem, wanpela tim i mas win na narapela i mas lus. Olsem na Guria i winim dispela gem 4-2.


NGI i bungim Kalibobo. Na i no westim wanpela taim bilong em long skoa. Em i go insait long fil na daunim strong bilong Kalibobo 4-1.

Long namba wan divisen resis, Yunitek i autim NGI 3-2, Rapatona i lusim waia bilong PTC 5-3, Guria i nekim Makis 4-2, Murat i winim Morobe Yunaitet 1-0, na Kalibobo i kilim indai pawa bilong Elcom 6-2.


Long resis bilong ol meri, Guria i kisim isi poin long han bilong Makis long fofit, Elcom i givim pawa long Kalibobo 8-0, NGI i slekim Yunitek 3-0, Murat i autim tiket bilong Morobe Yunaitet 1-0, na PTC i mekimsave stret long Rapatona 6-2.



• Pilala bilong Golo i no westim taim wantaim bai ya bikos pawaman bilong Westpac, Paulus Sawo i ron i kam klostu pinis long em.



WANTOK



# Vee bai kisim bek sia bilong vais presiden - Mommers

*Kain bilong ol golkipa yet....*



• Golkipa bilong Sobou i kalap long kisim bal na ol beklain pilala bilong em i sambai tasol long aninit. Ol i strong na autim Verave long primia divisen soka resis long Mosbi las wiken. Poto Misako Elemiah.

### YAKAM KELO i raitim

PRESIDEN bilong Papua Niugini Futbal Asosiesen (PNGFA) Peter Mommers i laik kisim bek namba tu bilong em, Michael Vee.

Michael Vee i bin lusim sia bilong vais presiden long 29 Julai, 1991. Dispela em long taim ol eksekutiv i bin bung long Nesenel Anda 16 sempionsip long Wabeg, Enga provins.

Vee i tok em i no bin go long Nesenel Anda 16 sempionsip long Wabeg. Bikos em yet i laik risain. Long wanem em i no laik wok wantaim ol arapela opisal em i no laikim.

Vee i tok PNGFA i kisim ol nupela opisal we em i pilim i no gutpela long mekim stretpela wok long developmen bilong soka.

Vee i tok em i bin raitim wanpela leta i go long Mommers long Enga,

na i toksave long tingting bilong em. Olsem em i no laik go long sempionsip. Bikos em i save olsem PNGFA bai i makim nupela man long kisim ples bilong em.

Mommers i tok em i kisim pas bilong Vee. Tasol em i no save gut long wanem as na Vee i laik risain.

Mommers i tok taim Anda 16 tonamen i kamap, ol i bin makim Hanz Rademacher long mekim wok bilong Vee. Bikos Vee i no kamap.

Ripot bilong Weekend Sport niuspela long las wik i tok, Rademacher i no wanpela memba bilong PNGFA long mekim dispela wok. Tasol em i gat save long wok bilong ol referi. Olsem na PNGFA i makim em tasol long kisim ples bilong Michael Vee long tonamen ya.

Mommers i kam long Mosbi long Tunde 6 Ogas, 1991 long toktok wantaim Vee na arapela PNGFA eksekutiv. Na i tok olsem Michael Vee bai i kisim bek sia bilong em.



### INSAIT

- Kimbe redi long bikpela resis ..... p21
- Wewak kisim yesa pinis ..... p21
- Mosbi ska lata .... p22
- Golo i apil long Lae soka ..... p23
- Rapatona nekim Makis ..... p23

**KIMBEK  
WANTAIM PISE  
- PES 22**

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

**B&H**

**BENSON  
and  
HEDGES**

**B&H**

# Fainal nau long Mosbi

### YAKAM KELO i raitim

SOBOU i winim sans nau long kik insait long ol fainal raun bilong Mosbi. Na resis long dispela wiken.

Long dispela Sande, bai ol tupela top tim i pilaim ol yet na namba 3 na 4 tim i pilaim tupela yet.

Sobou bai bungim Rapatona long dispela Sande long maina - semi fainal. Na i gat bikpela sans tru long winim dispela gem.

Sobou em wanpela tim we planti soka sapota i no save tingting tumas long em. Tasol em i mekim ol manmeri i kirap nogut nau. Em i stap pinis long namba 4 ples long lata, bihain tasol long Rapatona.

Longpela lek, Vincent David em man bilong mekim mejik na em i no inap abrus long skoarim ol gol long mak bilong Rapatona taim em kisim sans. Vincent em longpela man na em bai i yusim het bilong em long pinisim gut olgeta bal i kam antap long het bilong em. Vincent David em wanpela man, Rapatona i mas lukaut gut long em.

Yangpela na trik manki, Francis Moyep tu bai i autim ol save na ekspiriens bilong em long helpim Vincent David long fran lain. Francis i gat pawa long kikim bal. Na sapos Rapatona i givim sans, bai umben bilong em i mekim nais.

Bikpela wok i stap long han bilong Sobou long

beklain bilong em. Bikos sampela taim beklain i save popaia long toktok long ol yet. Ol i mas kisim strongpela tok skul long nau. Na i no ken wet inap Sande.

Rapatona i gat planti ekspiriens pilala i stap. Na ol bai i yusim dispela save bilong ol. Toru Turia wantaim Panui bai i skelim wok bilong beklain wantaim, na daunim ol hevi i laik kamap.

Long midfil, Jeffery Emag bai i skelim gut olgeta bal i kam long em na putim i go stret long han bilong Rapatona. Alois Wabianik bai i stapim olgeta pawa bilong Sobou long kamap bikpela.

Aloise bai i stapim olgeta hevi ya na Jeffery bai i klinim na stret gen long Rapatona i yusim. Paschalis Atalou bai yusim ol stail bilong em long straika. Na em bai i kisim gut sapat bilong Jeffery na Alois long midfil.

Dispela gem bai tait na strongpela tru. Bikos tupela tim wantaim i gat ekspiriens long kain bikpela resis. Tasol i gat bilip, olsem Sobou bai i win sapos em i skoarim gol pastaim. Na stapim olgeta rot bilong Rapatona.

Yunivesiti bai i bungim GFC long mesa - semi fainal. Na wina bai i wetim gren fainal. Dispela gem bai i tait tumas. Na olgeta manmeri bai i pasim maus nau na wet tasol long Sande long opim maus na mekim nais.

GFC i gat bikpela sans long winim dispela gem.

**Ol Lae referi askim long kompensesen mani  
- pes 23**





# RUGBY

Namba 25

Fonde 8 Ogas, 1991

## NIUS

*Bungim ol 1991 Mosbi Vipers pilaia husat bai i pait long holim bek Inta siti taitel*



• Daroa Ben Moide



• Sauna Babago



• Richard Wagambie



• Johannes Kola



• James Naipao



• Joe Gispe

# INTA SITI KAP GREN FAINAL - pes 3




• Tuksy Karu



• Stanley Haru



• Danny Moi



• Kes Paglipari



• John Oeka



• Phillip Boge



• Jack Uradok.



• Pei Mafu

# Winfield League '91

MOROBIE KANTRI LIG FUTBAL ASOSIESEN

DRO BILONG DISPELA WIKEN

SARERE 10 OGAS, 1991.

Taim Divisen Pilai  
 11.00am U17 Eels vs Bulldogs  
 12.20pm U17 Souths vs Hawks  
 1.40pm U19 Eels vs Bulldogs  
 3.00pm RES Eels vs Bulldogs

SANDE 11 OGAS, 1991.

9.30am U19 Souths vs Hawks  
 11.00am RES Wes vs Bulldogs  
 12.30pm A Hawks vs Bulldogs  
 2.00pm A Wes vs Eels

• Sapos i gat ren long Fraide na Sarere, bai i no gat gem. Olgeta gem bilong dispela wiken bai mipela skruim i go long narapela wiken. Ol pilai bai i kamap long wankain oval yet.

KIUNGA RAGBI LIG

A GRET POIN LATA

Tarakum	33
Brothers	21
United	20
Souths	17
Magani	13
Ambangs	10

MOSBI JUNIA LIG

SATURDAY 10TH AUGUST, 1991

ROUND 26

Lloyd Robson Oval

Time	Division	Fixture
9.30 5th pl.	U17	Wests vs Souths
10.30 5th pl.	U19	DCA vs Souths
11.30 5th pl.	Res	Brothers vs Magani
1.00	A Gr	Hawks vs Brothers
2.30	A Gr	Waliya vs Paga
4.00	A Gr	Magani vs Defence

Bye: Wests  
 A Grade - Round 26

Pot Mosbi Ragbi Lig Fil Namba 2

9.00	U/17	Hawks	vs	Air Niugini
10.00	U/17	Wests	vs	Magani
11.00	U/19	Royals	vs	DCA
12.00	U/21	Royals	vs	DCA

Pot Mosbi Ragbi Lig Fil Namba 3

9.00	U/17	Royals	vs	DCA
10.00	U/19	Hawks	vs	Air Niugini
11.00	U/19	Wests	vs	Magani
12.00	U/21	Wests	vs	Magani

SUNDAY 11TH AUGUST, 1991

Lloyd Robson Oval

10.00	A Gr	DCA	vs	Defence
11.30	A Gr	Royals	vs	DCA
1.00	A Gr	Souhs	vs	Kone
2.30		Entertainment		
3.30	Inter City	POM Vipers	vs	Hagen Eagles

Port Moresby Rugby League Oval Number 2

9.30	U/21	Kone	vs	Paga
10.45	U/21	Souths	vs	Waliya
12.00	U/21	Wests	vs	Air Niugini
1.15	Res	Wests	vs	Air Niugini

Port Moresby Rugby League Oval Number 3

9.30	U/21	Brothers	vs	Defence
10.45	U/21	Royals	vs	Hawks
12.00	U/21	Tarangau	vs	DCA
1.15	Res	Royals	vs	Hawks

Wednesday: Lloyd Robson Oval (14/8/91)

5.00 5th pl.	A Gr	Paga	vs	Kone
--------------	------	------	----	------

Note: (This match will be played only if both Paga and Kone win or lose their round 26 games)

Thursday: Lloyd Robson Oval (15/8/91)

5.00	Res	Tarangau	vs	Brothers/Magani (Winner)
------	-----	----------	----	--------------------------

CHAMPIONSHIP POINTS TABLE

TEAM	P	W	D	L	F	A	CH.PTS
Tarangau	23	16	2	5	647	408	34
Wests	24	17	0	7	780	547	34
Defence	23	14	3	6	689	440	31
Brothers	23	14	1	8	570	493	29
Paga	23	13	1	9	608	578	27
Kone	23	13	1	9	524	581	27
DCA	23	12	2	9	531	554	26
Souths	23	11	1	11	462	481	23
Air Niugini	23	8	2	13	571	541	18
Royals	23	8	1	14	490	633	17
Magani	23	7	1	15	459	650	15
Hawks	23	5	0	18	490	664	10
Waliya	23	4	1	17	464	705	9

U/17 POIN TEBOL

TEAM	P	W	D	L	F	A	PTS
Hawks	18	14	1	2	171	80	29
Paga	18	13	2	3	195	82	28
Air Niugini	17	12	1	4	201	110	25
Tarangau	17	12	1	5	172	97	25
Souths	18	10	3	5	175	94	23
Wests	17	10	1	6	145	112	21
Brothers	18	8	3	7	97	117	19
Defence	18	6	4	8	144	157	16
DCA	17	4	4	9	132	201	12
Waliya	18	3	5	10	104	169	11
Magani	17	3	3	11	100	186	9
Kone	18	2	2	14	65	180	6
Royals	17	1	2	14	75	191	4

U/19 POIN TEBOL

TEAM	P	W	D	L	F	A	PTS
Tarangau	18	15	1	2	220	117	31
Hawks	17	13	0	4	151	78	26
Brothers	18	12	0	6	213	130	24
Paga	18	11	2	5	191	161	24
Kone	18	8	3	7	162	144	19
Souths	18	8	2	8	150	164	18
DCA	17	9	0	8	176	195	18
Air Niugini	17	7	2	8	184	138	16
Defence	18	8	0	10	144	157	16
Magani	17	7	0	10	145	164	14
Wests	17	5	2	10	133	150	12
Waliya	18	2	1	15	106	210	5
Royals	17	2	1	14	102	269	5

U/21 POIN TEBOL

TEAM	P	W	D	L	F	A	PTS
Brothers	18	11	2	5	193	150	24
Air Niugini	16	10	1	4	176	147	21
Paga	18	10	3	5	198	172	23
Wests	16	10	0	4	242	111	20
Defence	18	8	2	8	213	139	18
Hawks	17	9	2	6	213	186	20
Tarangau	18	9	1	8	217	233	19
Waliya	18	8	2	8	235	230	18
DCA	17	7	2	8	184	215	16
Magani	17	7	1	9	170	168	15
Souths	18	6	1	11	184	212	13
Kone	18	4	2	12	130	202	10
Royals	17	0	3	14	170	360	3

RISEV POIN TEBOL

TEAM	P	W	D	L	F	A	PTS
Kone	18	13	2	3	369	266	28
Defence	18	11	3	4	346	218	25
Tarangau	18	11	1	6	350	261	23
Brothers	18	11	1	6	349	295	23
Wests	17	11	3	3	364	311	24
Magani	17	10	1	6	315	278	21
Paga	18	10	0	8	344	382	20
DCA	17	9	2	6	268	275	20
Air Niugini	17	6	1	11	292	342	13
Hawks	17	7	1	9	205	289	15
Souths	18	4	2	12	253	339	10
Waliya	18	2	1	15	187	292	5
Royals	17	1	0	16	336	430	2

POMRFL WINFIELD KLAB SEMPIONSHIP

TEAM	A/GR	RES	U/21	U/19	U/17	TOTAL
Tarangau	160	80	45	50	23	358
Brothers	130	72	60	40	14	316
Wests	140	80	54	20	15	309
Paga Panthers	125	64	54	38	20	301
Defence	125	80	45	28	16	294
DCA	110	64	42	36	12	264
Air Niugini	90	60	57	28	6	258
Kone Tigers	110	96	57	28	23	258
Souths	85	32	39	32	19	207
Hawks	30	52	48	44	23	197
Magani	55	68	42	24	8	197
Waliya	35	20	48	10	7	120
Royals	75	8	6	6	2	97



WINIM TIKET LONG KAM LONG  
 1991 SP GEMS

I gat 50 tiket long winim

Hariap long salim nem na adres bilong yu.  
 Na kolim nem bilong dispela pilai yu laikim tumas

HARIAP SALIM I KAM LONG  
 SP GEMS RESIS  
 WANTOK NIUSPEPA  
 BOX 1982, BOROKO

No ken salim poto kopi – sapos yu salim  
 plenti bai yu gat bikipela sens long winim



PILAI MI LAIKIM.....  
 NEM BILONG MI.....  
 ADRES.....  
 TELIPON.....

Salim resis pepa bilong yu kam long

**WANTOK**

NIUSPEPA BILONG PAPA NIUGINI STRET

COMPETITION - PO.BOX 1982, BOROKO, NCD

LAS DE BILONG SALIM OL RESIS EM LONG 30 OGAS, 1991.

WAGAMBIE'S

WHIP



## PNG i sting-Meninga

NU Silan ragbi lig kosa, Bob Bailey i bin mekim sampela toktok long Papua Niugini em i bin kamap long Post Courier bilong 1 Ogas, 1991. Ol dispela toktok i no gutpela tru.

Dispela em namba tu taim wanpela kosa bilong Nu Silan i mekim ol rabis toktok long pipel bilong dispela kantri. Taim mipela i winim Kiwi long sampela yia i go pinis, Kiwi kosa Graham Lowe i go bek na bagarapim mipela tru.

Ol i ripot long ol ovasis niuspepa olsem mipela i pretim ol pilaia bilong em wantaim spia na tamiok, olsem ol paitman bilong bipo.

Long las yia ol Kiwi i kam bek pilai long hia. Bipo long ol i kam pilai long hia, em i tokaut long ovasis niuspepa olsem ol wara long hia i no gutpela long dringim. Olsem na em bai i sekim gut pastaim, bipo em i givim ol pilaia bilong em long dringim.

Em i tok tu olsem ol hotel long yia i no wankain olsem bilong intanesenel standed. Na i no gutpela long stap insait long ol.

Ol Kiwi i ting ol olsem wanem. Ol i kam long Heven o long sampela gutpela hap stret?

I gutpela tru olsem Australian Kangaroos i bagarapim stret sindaun bilong ol long Sidni Futbol Stadium, na bihain long Lang Park long Brisben.

Husat dispela man i bungim Bob Bailey long Brisben i no laik brukim bek bilong em. Bai em i no inap mekim ol kain giaman toktok olsem long bihain taim.

Ol kain toktok bilong Bailey na Lowe i soim olsem tupela i no laikim ol blek skin pipel bilong dispela kantri, Papua Niugini.

Toktok long dispela, planti manmeri i save long Canberra Raiders na kepten bilong Kangaroo, Mal Meninga. Wanpela buk we i stori long em, "Big Mal" i kam aut pinis.

Em i tok ol Papua Niugini pilaia i deti na sting tru. Dispela toktok i kamap long pes 42. Em i tok, "Taim mipela i jesi wantaim ol Kumul pilaia, mi painimaut long sting na smel bilong ol man Papua Niugini. Mipela i pasim nus stret na bihain kisim jesi bilong ol mipela i senis long en i go tromoi long pipia dram."

Kain toktok olsem i bagarapim tru mipela ol pipel bilong Papua Niugini. Wanem samting Big Mal i toktok long en i no tru.

Mi bin stap long dispela tim long lon 1981 taim mipela i pilaim Saut Brisben. Ol opisal i makim olsem "Man-of-the-Match" bilong Papua Niugini tim, na Big Mal bilong Saut Brisben.

Mitupela i sanap wantaim na ol i kisim wanpela poto. Dispela poto i stap insait long buk bilong em.

Mal i tok mipela i penim pes bilong mi wantaim ol pen bilong pait olsem long taim bilong tumbuna. Na bihain long gem, Ol Kwinslen pilaia em graun i bagarapim stret jesi bilong ol.

Dispela em ol giaman toktok stret, sapos yu lukluk long poto long buk bilong em, we em i sanap wantaim mi. Waitpela jesi bilong em, em graun i no karamapim olgeta.

Mi no senisim jesi bilong mi wantaim em o wanpela pilaia.

Papa bilong Mal Meninga i bilong Solomon Ailan. Olsem na ol 'lu Saut Wels sapota i save kolim em olsem "big blek basted". Na Big Mal i laik mekim wanem na raitim ol giaman stori nambaut.

Mipela i no ken larim ol pipel i bagarapim mipela olsem. PNGRFL i mas luksave long ol kain toktok olsem. Na mekim wanpela strongpela protes o komplem i go long intanesenel bodi bilong ragbi lig.



# Vipers redi long nekim Eagles



• Joe Gispe

GREN fainal bilong 1991 SP Inta Siti Kap resis bai i kamap long dispela wiken long Lloyd Robson oval. Na Mosbi Vipers bai i bungim gen Wamp Nga Hagen Eagles long gren fainal.

Tupela senta ya i bin bung long namba wan gren fainal long las yia. Na Vipers i win.

Dispela wiken, Vipers bai i go aut long Lloyd Robson oval long winim gen dispela

taitel long namba tu yia.

Las yia Vipers i winim Eagles 26-6. Na tingting bilong bekim dinai i stap nau long het bilong ol Eagles pilaia. Dispela bai i wanpela strongpela gem stret. Bikos Hagen Eagles i gat ol wankain pilaia bilong las yia, husat i redi long paia long wiken. Joseph Paraka, Max Tiri, Christ Itam, Goie Waine, Marcus Panga na Michael Angra bai i strongim win bilong Eagles long dispela wiken.

Vipers i kamap moa strong long resis bilong dispela yia. Lain ap bilong Vipers long dispela yia i gat moa nupela pilaia, wantaim ol olpela pilaia bilong las yia olsem Danny Moi, Joe Gispe, Kera Ngaffkin, Kes Paglipari, Joshua Kouoru, Philip Boge na Richard Wagambie.

Ol nupela pilaia long joinim Vipers em Kini Tani, Pei Mafu, Jack Uradok, Tuksy Karu, James Naipao na Johannes Kola. Ol tu i bin pilai strong na Vipers i go insait gen long gren fainal nau.

Long resis bilong dispela yia, Mosbi Vipers i lusim tupela gem tasol. Na Hagen Eagles i lusim tripela na dro long wanpela. Mosbi i lusim

gem bilong namba wan egensim Eagles, na narapela long han bilong Kundiawa Warriors long tupela wik i go pinis.

Vipers kosa Sam Kaia i mas kisim gutpela tok amamas long bringim Vipers i go insait gen long holim dispela taitel long namba tu yia. Las yia Vipers i winim dispela taitel aninit long gutpela lukaut bilong kosa John Wagambie.

Tupela tim wantaim i bin go pas long lata inap gren fainal nau.

Gutpela strongpela pilai bai i kamap long fowat lain. Hagen wantaim ol bikpela hevi fowat pilai bai i traim long brukim ol stail fowat pilai bilong Vipers.

Kera Ngaffkin bai i givim bikpela hetpen stret long Hagen, sapos em i yusim gut longpela bilong em. Em bai poromanim ol arapela fowat pilai olsem James Naipao, Daroa Ben Moide na, Kes Paglipari, na Joe Gispe. Danny Moi bai i gat bikpela wok tru long lukautim pilai long "dami hap".

Kepten Stanley Haru bai i lukautim pilai long beklain long faiv et posisen. Em bai poromanim ol namba wan beklain pilaia olsem Joshua Kouoru, Philip Boge o



• Stanley Haru

Richard Wagambie sapos em i pilai long dispela wiken.

Winga Kini Tani bai i fit long kisim fil long dispela wiken. Sapos Tani i bagarap yet, Pei Mafu bai i kisim ples bilong em. Jack Uradok bai i lukautim narapela wing posisen.

Ol Vipers pilaia i bin malolo gut tru long wiken. Olsem na ol bai i pretim stret Hagen Eagles long winim bek dispela taitel.

## Kas bilong boi Porebada yet ...



• Olpela Kumul kepten, Arebo Taumaku (Iephan) i givim strongpela takol long fulbek bilong Hawks. Tupela i bung long A gret resis bilong Mosbi Lig las wiken, na ol boi Porebada i win 27-24.

# Winfield League Results

### WINFIELD LEAGUE RESULTS

#### PORT MORESBY - ROUND 25

DEFENCE 28, 5 tries, 4 goals defeated WALIYA 18, 3 tries, 3 goals. Man of the match: R. VUE

MAGANI 40, 7 tries, 6 goals defeated ANG 24, 5 tries, 2 goals. Man of the match: E. RISIO

WESTS 30, 7 tries, 1 goal defeated PAGA 18, 4 tries, 1 goal. Man of the match: W. TAULE

KONE 17, 2 tries, 4 goals, 1 field goal defeated SOUTHS 14, 2 tries, 4 goals. Man of the match: BILLY KOTUNO

BROTHERS 36, 7 tries, 4 goals defeated ROYALS 14, 3 tries, 1 goal. Man of the match: BEN BIRE

DCA 27, 5 tries, 3 goals, 1 field goal defeated HAWKS 24, 5 tries, 2 goals. Man of the match: DAIRI KOVAE

#### WINFIELD LEAGUE LADDER Round 25

Club	GP	W	D	L	PF	PA	Ttl pts
Tarangau	23	16	2	5	647	408	34
West	24	17	0	7	780	547	34
Defence	23	14	3	6	689	440	31
Brothers	23	14	1	8	570	493	29
Paga	23	13	1	9	608	578	27
Kone	23	13	1	9	524	581	27
DCA	23	12	2	9	531	554	26
Souths	23	11	1	11	462	481	23
ANG	23	8	2	13	571	541	18
Royals	23	8	1	14	490	633	17
Magani	23	7	1	15	459	650	15
Hawks	23	5	0	18	490	664	10
Waliya	23	4	1	17	464	705	9

#### WINFIELD LEAGUE DRAW PORT MORESBY - ROUND 26

DATE	TIME	CLUB	CLUB
10/08/91	1.00 pm	Hawks	vs Brothers
10/08/91	2.30 pm	Waliya	vs Paga
10/08/91	4.00 pm	Magani	vs Defence
11/08/91	10.00 am	DCA	vs ANG
11/08/91	11.30 am	Royals	vs Kone
11/08/91	1.00 pm	Souths	vs Tarangau

BYE: Wests

Match of the round:

11/08/91 1.00 pm Souths vs Tarangau

### WINFIELD LEAGUE RESULTS

#### MENDI - ROUND 16

TARANGAU 27, 5 tries, 3 goals, 1 field goal defeated BROTHERS 20, 3 tries, 3 goals, 1 penalty goal. Man of the match: PINZ KONE (Tarangau)

ROYALS 20, 5 tries defeated MAGANI. Man of the match: PORA NEMA

BULLDOGS 4, 1 try defeated HAWKS.

#### WINFIELD LEAGUE LADDER Round 16

Club	GP	W	D	L	PF	PA	Ttl pts
Tarangau	15	10	-	5	299	230	20
Royals	15	9	-	6	321	244	18
Bulldogs	15	9	-	6	209	208	18

Some ladder informations were not clear.

The draws for round 17 (next week) were not provided.

### WINFIELD LEAGUE RESULTS

#### GOROKA - ROUND 16

TARANGAU 20 defeated DARNO.

COUNTRY 20, 4 tries, 2 goals defeated BROTHERS 12, 2 tries, 1 goal, 1 penalty goal.

UNITED 28, 5 tries, 2 goals, 2 penalty goal defeated SIANE 16, 3 tries, 2 goals, 1 penalty goal.

ROYALS 27, 5 tries, 3 goals, 1 field goal defeated TIGERS 12, 2 tries, 1 goal. Man of the match: B. WALTER (Royals)

#### WINFIELD LEAGUE LADDER Round 16

CLUB	GP	W	D	L	PF	PA	Ttl points
Hawks	15	11	2	2	295	231	24
Tarangau	15	10	2	3	359	186	22
Country	15	9	1	5	305	233	19
Royals	15	8	1	6	299	271	17
Tigers	15	7	1	7	263	247	15
United	15	7	1	7	290	310	15
Brothers	16	6	1	9	277	296	13
SIANE	15	3	1	11	234	383	7
Darno	15	-	2	13	124	262	2

### WINFIELD LEAGUE DRAW GOROKA - ROUND 17

DATE	TIME	CLUB	CLUB
11/08/91	11.45 am	Country	vs Hawks
11/08/91	12.45 pm	Royals	vs Tarangau
11/08/91	2.10 pm	SIANE	vs Tigers
11/08/91	3.25 pm	Darno	vs United

BYE: Brothers

Match of the round:

11/08/91 11.45 am Country vs Hawks

### WINFIELD LEAGUE RESULTS

#### KAINANTU - ROUND 16

PANTHERS 4, 1 try defeated TARANGAU 2, 1 penalty goal. Man of the match: THOMAS ANKU (Panthers)

BROTHERS 20, 4 tries, 2 goals defeated ROYALS 14, 3 tries, 2 goals. Man of the match: OMIUVE QUINN (Brothers)

UNITED 18, 3 tries, 3 goals defeated HAWKS 4, 1 try. Man of the match: SAKIAS ARONAPA (United)

TIGERS 20 forfeited MAGANI.

#### WINFIELD LEAGUE LADDER Round 16

CLUB	GP	W	D	L	PF	PA	Total points
Panthers	16	11	3	2	237	172	25
Tarangau	16	10	-	6	278	258	20
United	16	9	1	6	246	246	19
Brothers	16	8	2	6	239	172	18
Royals	16	6	2	8	221	198	14
Tigers	16	6	1	9	190	181	13
Hawks	16	4	1	10	174	266	11
Magani	16	3	2	11	165	288	8

### WINFIELD LEAGUE DRAW KAINANTU - ROUND 17

DATE	TIME	CLUB	CLUB
11/08/91	12.00 nn	Tigers	vs Brothers
11/08/91	1.26 pm	Hawks	vs Tarangau
11/08/91	2.52 pm	Royals	vs Magani
11/08/91	4.18 pm	Panthers	vs United

Match of the round:

11/08/91 12.00 Tigers vs Brothers

## WINFIELD CUP POINTS TABLE

Teams	P	W	D	L	F	A	Points
Penrith	19	15	3	1	388	216	31
Norths	19	13	5	1	295	237	26
Manly	19	12	6	1	328	247	25
West	19	12	6	1	325	243	25
St George	19	11	6	2	350	248	24
Canberra	19	11	8	-	362	298	22
Illawarra	19	10	8	1	379	249	21
Canterbury	19	10	8	1	332	344	21
Brisbane	10	10	9	-	375	288	20
East	19	9	8	1	317	389	19
Cronulla	19	6	9	3	324	380	15
Balmain	19	7	11	1	295	335	15
Newcastle	19	5	11	3	259	364	13
Souths	19	6	13	-	325	425	12
Parramatta	19	5	14	-	285	47	10
Gold Coast	19	2	16	1	190	398	5

### WINFIELD LEAGUE RESULTS

#### WAHGI - ROUND 7

WEST 18, 4 tries, 2 penalty goal drew TARANGAU 18, 4 tries, 2 penalty goals. Man of the match: MICHAEL KOPI

UNITED 14, 2 tries, 1 goal, 2 penalty goal defeated TIGERS 10, 2 tries, 1 penalty goal. Man of the match: GOP TAIA

MAGANI 10, 2 tries, 1 penalty goal defeated MONDO 6, 1 try, 1 penalty goal. Man of the match: MARK NOMBORL

BROTHERS 24, 5 tries, 2 goals defeated HAWKS 6, 1 try, 1 goal. Man of the match: TONY NOIFA

#### WINFIELD LEAGUE LADDER ROUND 7

CLUB	GP	W	D	L	PF	PA	Total points
United	21	17	2	2	366	212	38
Tigers	21	17	-	4	273	210	34
Brothers	20	15	1	4	376	209	30
Tarangau	21	10	2	10	335	316	22
Magani	21	9	-	12	316	297	18
West	20	5	2	13	224	356	12
Mondo	20	5	-	15	269	870	10
Hawks	20	4	-	16	307	626	8

### WINFIELD LEAGUE DRAW WAGHI - ROUND 8

DATE	TIME	CLUB	CLUB
10/08/91	2.40 pm	Brothers	vs Tarangau
11/08/91	4.10 pm	Tigers	vs United

### WINFIELD LEAGUE RESULTS

#### RABAUL - 1st ISLANDS ZONE CHAMPIONSHIP

RABAUL 24, 5 tries, 2 goals defeated KAVIENG 18, 3 tries, 2 goals, 2 penalty goals.

### WINFIELD LEAGUE DRAW RABAUL - MAJOR SEMI FINAL

DATE	TIME	CLUB	CLUB
11/08/91	1.50 pm	North Raiders	vs Muruks
11/08/91	3.40 pm	Brothers	vs Air Niugini
11/8/91	3.40 pm	Brothers	vs Air Niugini

### WINFIELD LEAGUE RESULTS

#### MADANG - ROUND 17

BROTHERS 20, 4 tries, 2 goals defeated TIGERS 16, 4 tries. Man of the match: ELISON KETAWO

Hawks failing to field team forfeited this match to Air Niugini.

TARAKUM 16, 3 tries, 2 goals defeated PANTHERS 8, 2 tries. Man of the match: MARTIN MAMANA (Tarakum)

#### WINFIELD LEAGUE LADDER Round 17

CLUB	GP	W	D	L	PF	PA	Ttl pts
Panthers	17	7	2	8	302	364	17
Tigers	17	7	4	6	320	306	18
Brothers	17	10	2	5	334	308	22
Tarakum	17	10	-	7	381	348	20
Air Niugini	17	7	3	7	345	334	17
Hawks	17	3	2	11	291	347	8

### WINFIELD LEAGUE DRAW MADANG - ROUND 18

DATE	TIME	CLUB	CLUB
10/08/91	4.00 pm	Air Niugini	vs Brothers
11/08/91	2.30 pm	Tarakum	vs Tigers
11/08/91	4.00 pm	Panthers	vs Hawks

Match of the round:

11/08/91 4.00 pm Panthers vs Hawks

### WINFIELD LEAGUE DRAW LAE - 11-8-91

TIME	GRADE	TEAM	TEAM
12.00 pm	U/17	Defence	vs Magani
1.05 pm	U/19	Royals	vs Tigers
2.05 pm	B	Royals	vs Tigers
3.30 pm	A	Tarangau	vs Panthers

★ 11.00 am - GATES OPEN

★ ADULTS - K2.00

★ KIDS - K1.00 (under 15 years)

★ (No student ID)

## TIGERS NA PANTHERS HOLIM SANS BILONG DCA

### PETER MIVA i raitim

SANS bilong DCA long go insait long fainal bilong Mosbi Winfield Lig resis bai i hangamp tasol long han bilong Paga Panthers na Kone Tigers.

Oi lain Porebada bai i pilaim las gem bilong ol egensim Air Niugini long dispela wiken.

Paga Panthers na Kone Tigers wantaim i karim 27 poin. Panthers i sindaun long namba namba 5 ples, na Tigers i holim pasim namba 6 ples. DCA i ran bihain long namba 7 ples wantaim 26 poin.

Sapos Panthers na Tigers i lusim gem bilong tupela long wiken, DCA bai goap i go long namba 5 ples wantaim 28 poin.

Tasol wok bilong winim Air Niugini long dispela wiken bai i no isi. Air Niugini i pilaim gutpela gem long dispela sisen. Tasol em i nogat sans long go insait long fainal. Olsem na dispela wiken, em bai i redi lgon hangapim su bihain long gutpela las wik egensim DCA.

DCA bai i save long Sande moning sapos ol bai i go insait long fainal o nogat. Bikos Panthers bai i pilaim Waliya long Sarere. Bikpela laik bilong DCA nau em long Waliya long tanim tebol long Panthers.

Sapos Waliya i autim Panthers, DCA bai i mas winim Air Niugini long bikpela skoa. Na wet long lukim sapos ol i go insait long fainal, taim Tigers i bungim Royals. Sapos Royals tu i tanim tebol long wiken.

Tigers, DCA bai i go insait long fainal. Sapos nogat, Arebo Taumaku na lain bilong em bai i hangamapim su, na redi gen long 1992 sisen.

Tigers na Panthers i gat 90 pesen sans long pilai i go insait long fainal. Sapos tupela wantaim i win long dispela wiken, tupela bai i bung long neks wik long Trinde nait. Dispela em long lukim husat bai i winim namba 5 ples long go insait long fainal.

Kompetisen lida, Tarangau bai i go aut wantaim moa pawa long autim Souths. Souths i gat nem long autim sampela nem tim olsem Wes na Brothers long las minit. Olsem na ol Tarangau boi bilong kosa John Wagambie i mas tingting gut long dispela, na sambai tasol.

Tarangau i mas winim Souths long autim maina primiasip taitel. Bikos sapos em i lus, Wes husat i stap long bye bai i autim dispela taitel long gutpela pesen.

Difens bai i holim pasim namba tri ples bilong em yet taim em i bungim Magani, long bikpela gem bilong Sarere. Magani i winim Air Niugini nogut tru long las wiken. Olsem na olbai i pretim stret ol soldia.

Na Brothers husat i sindaun long namba 4 ples bai i gat isi gem egensim Hawks.

Oi resis bai i pinis long dispela wiken. Na fainal bai i stat long neks wiken.



• Pilaia kosa bilong Wes, Roy Heni i givim sisti wantaim bal egensim Paga Panthers long Mosbi A gret resis las wiken. Wes i winim dispela bikpela A gret gem 30-18.

• Pilaia bilong Hawks i laik autim bal taim DCA pilaia i longlong long baksait. Tasol DCA i winim dispela gem 27-24.



• Roy Heni i givim "fulbrek" taim em i bungim wanpela birua bilong Panthers.

# Making the big game bigger

# RABAU AUTIM KAVIENG LONG BEKLAIN

BIKPELA gem bilong makim Ailan son tim i bin kamap namel long Rabaul na Kavieng long Sande 4 Ogas, 1991. Kavieng Ragbi Lig Oval i bin lukautim dispela gem, we planti manmeri tru i kamap long lukim.

Rabaul i bagarapim stret sindaun bilong Kavieng 24-18. Tasol Kavieng i bin sanapim gutpela strongpela banis stret. Olsem na Rabaul i win long liklik poin tasol.

Kavieng i gat planti gutpela na strongpela fowat pilaia olsem fran rowa Pisae Feavo, Ben Lakurl, lok Billy Kennedy na kepten Bau Weles.

Rabaul tu i gat ol wankain gutpela yangpela pilaia long beklain.

Tasol Rabaul i win liklik moa, bikos em i gat gutpela beklain na fowat lain wantaim.

Skoa i stap 8-8 long hap taim. Bikos tupela tim wantaim i bin putim kamap gutpela na strongpela gem long namba wan hap bilong pilai. Bihain long hap taim, tupela tim wantaim i strongim banis i go na i dro gen 18-18.

Rabaul i ranawe wantaim wanpela trai long 8-pela minit bipo long ful. Dispela i givim het pen stret. Bikos hevi i kamap long beklain, na Rabaul i kisim dispela sans long skoa.

Rabaul i gat ol gutpela pilaia long beklain husat i bin putim kamap gutpela na strongpela gem egen-  
i go moa long pes 7

## Tarakum sambai long Brothers

TARAKUM bai i bungim nau namba tu A gret kompetisen lida bilong Kiunga Lig resis, Brothers long dispela Sande. Tupela bai i bung long las raun bilong 1991 resis.

I tru olsem dispela em i las raun bilong resis. Tasol tupela bai i bung olsem long gren fainal stret.

Tarakum i bin lusim wanpela gem pinis long United long las wiken. Na bai i no inap lusim dispela namba tu gem. Olsem na em bai i stretim olgeta asua, na redi long winim dispela gem. Na pilai i go insait long gren fainal.

Fowat lain bilong Tarangau em huka Dickson Alopa na seken rowa, Roxon Undi bai i lukautim.

Hap bek Cornell Daipo na faiv et Albert Garry bai i lukautim beklain. Tupela bai i kisim sapot bilong ausait senta, Ino Begofa na fulbek Stanley

Petrus.


Brothers i gat bikpela laik long winim dispela gem. Na strongim dispela namba tu posisen long pilai i go insait long gren fainal.

Aninit long lukaut bilong kosa, Sutherland Yore, Brothers i pilaim gutpela stail bilong pilai long stretpela taim bilong yia.

Prop George Buka, seken rowa Robertson Venda na lok Makeso Nago bai i lukautim fran lain. Ol bai i gat bikpela salens stret long stapim ol strongpela fowat pilaia bilong Tarakum.

Winga Michael Pagru i gat moa ekspiriens. Nau yet em i bungim gen gutpela stail bilong pilai long stretpela taim.

Em bai i poromanim Eliuda Tamlik na fulbek Arima Wani. Olsem na beklain bilong Brothers em Tarakum i mas banisim gut tru.



• Hap bak bilong Warriors i laik autim stail, tasol em i no strong na ol i lus long Hagen Eagles 22-4.

## Tigers go daun long Norths

### WAU BULOLO:

KIKINAE Norths i daunim strong bilong Tomanga Tigers 16-14 long bikpela A gret gem bilong Wau Bulolo Lig long las wiken (Sande 4 Ogas, 1991).

Tigers i go pas long skoa taim kepten William Kennedy i brukim banis bilong Norths na skoarim namba wan trai bilong gem. Dispela trai i kamap long tupela tasol minit i go insait long namba wan hap bilong pilai. Martin Manu i abrusim kik bilong tupela poin, na Norths i go pas ong skoa 4-0.

Tasol dispela trai i no stapim Norths long putim kamap strongpela banis long mak bilong em. Sampela minit i go pinis na Tigers i kamapim wanpela asua insait long mak bilong em yet. Senta Dickson Pokana bilong Norths i kisim taim na kikim tupela penelti poin. Na Norths i ran bihain 2-4.

Norths i pilaim gutpela gem long las wik Sande. Bikos em i gat ol gutpela fowat pilaia olsem Willie Apo, Lucas Leo na Jim Kari. Ol dispela pilaia i stapim ol beklain pilaia bilong Tigers long brukim banis, na ran i go insait long mak bilong Norths.

Bihain long namba wan penelti gol bilong gem, Pokana yet i kisim bikpela helpim long ol arapela fowat pilaia na skoarim narapela trai aninit long tupela gol pos bilong Tigers.

Fulbek Billy Ambo i mekim wanpela strongpela ran, na skoarim narapela trai long kona. Pokana i abrusim kik bilong tupela poin. Tasol Norths i skruim skoa i go pinis long 10-4 inap hap taim.

Bihain long hap taim, Elias Vitata bilong Tigers i brukim banis bilong Norths na skoarim namba tu trai

bilong Tigers. Bikpela Manu i kikim gut kik bilong tupela poin. Na Tigers i bungim Norths 10-10.

Ol pilaia bilong Norths i sanapim strongpela banis na Penias Waal i mekim wanpela strongpela ran i go skoarim wanpela gutpela trai aninit long gol pos bilong Tigers. Kik bilong tupela poin i karim kaikai, na Norths i go pas gen long skoa 16-10.

Dispela taim Tigers i putim kamap gutpela gem na Peter Manu i skoarim las trai bilong ol. Em yet i kisim taim long kikim tupela poin, na i abrus. Sans bilong bungim Norths i abrus. Norths i go pas yet long skoa 16-14.

Ol pilaia bilong tupela tim wantaim i putim kamap strongpela pilai nau.

Gem i go strongpela long dispela taim tasol Tigers i nogat inap taim long skoarim moa poin. Olsem na Norths i winim dispela gem.

Long ol arapela gutpela gem A gret gem bilong wiken, Forcol Brothers i daunim strong bilong Panthers 24-10.

Brothers i gat ol gutpela pilaia olsem Noten Son representetiv, Sione Kafusi na Joseph Yawing. Tupela i bungim gut stail wantaim Kof Javetave na Peter Mondo long daunim Panthers.

Panthers i bin lukluk long fowat pilaia, Lotu Urai tasol long winim gem. Lotu wanpela i no inap long planti ol gutpela pilaia bilong Brothers.

Long narapepla A gret gem, Zenag Roosters i kisim tupela isi poin long han bilong Raiders. Bikos ol opisal bilong Wau Bulolo Lig i rausim pinis Raiders long resis.



• Faiv et bilong Kundiawa Warriors Kepi Saea (Ilephan) i laik stapim tupela Hagen Eagles na Warriors pilaia long pait.



• Eksen bilong Inta siti prillimineri fainal namel long Hagen Eagles na Kundiawa Warriors. Eagles i winim dispela gem 22-4.

# Semi fainal nau long Lae

SAM YAKAM i raitim

BIKPELA maina semi fainal resis bilong Lae Winfield Lig bai i kamap long dispela Sande namel long Difens na Royals.

Dispela gutpela A gret gem bai i kamap long Lae Ragbi Lig Oval. Na planti manmeri bai i kamap long lukim dispela pilai.

Ol soldia i mas strongim olgeta posisen pastaim na bungim Royals. Bikos nau yet, Royals i holim pasinm olgeta gutpela pilaia bilong em bihain long pinis bilong Inta Siti resis.

Royals i gat ol gutpela beklain pilaia olsem fulbek Wesley Mata, John Markham, huka M ichael Matmilo, Andrew Kuno na Oniara Osanda. Or i redi tasol long winim dispela gem long han bilong Difens.

Long dispela sisen, Royals i gat nem long winim ol soldia tupela taim pinis. Dispela wiken em bai i kamapim wankain pasin sapos Difens i banisim gut trai lain bilong em.

Ol soldia i mas pilaim strongpela gem. Bikos Markham, Kuno na Matmilo bai i no inap pilai kaskas long ol. Bikos nau yet ol i gat bikpela tingting bilong daunim Difens long mesa semi fainal, na pilai i go insait long gren fainal.

Lukluk i go bek long dispela sisen, Royals i bin lusim wanpela gem tasol long han bilong Wapo Tiger 30-10. Dispela skoa i kamap bikos planti beklain pilaia i no stap long dispela taim. Olgeta i bin pilai long Lae Siti bombers tim bilong Inta Siti resis.

Nau yet ol i gat bikpela tingting long bekim dispela dinau long wanpela strongpela tim olsem Difens o Spiders. Difens i lukluk long putim kamap wankain gem olsem em i bin pilaim long 1988, na i winim mesa primiasip taitel.

Eksekutiv bilong Lae Winfield Lig, Eddie Bal i tokim RLN olsem lusa bilong mesa semi fainal bai i bungim wina bilong maina semi fainal long neks wik.

Na wina bilong ol dispela gem bai i bungim ol yet long gren fainal tupela wik bihain. Nau yet tupela mesa semi fainal tim, Defence an Royals i lukluk long bungim tupela yet gen long gren fainal.



• John Ben Moide bilong Paga Panthers na wan pilaia i laik takelim pilaia bilong Wes long bikpela A gret gem bilong Mosbi long las wiken. Tupela i no strong tumas na Wes i winim dispela gem 30-18. Poto Misako Elemiah.

## Kantri bai i bungim Royals long Wewak

SAM YAKAM i raitim

WEWAK Ragbi Lig bai i pilai maina semi fainal bilong em long dispela wiken. Na planti manmeri bai i kamap pulapim Poral oval long lukim ol dispela gem.

Gutpela strongpela A gret gem bai i kamap namel long Kantri na Royals long Pora Oval.

Las wik Royals i bagarapim sindaun bilong Works 32-13. Nau yet em i gat bikpela tingting long givim wankain pilai long daunim strong bilong wanem tim em i bungim.

Kantri bai i lukluk long hap bek Thomas Danis na ausait senta Paul Labu long winim dispela gem. Tupela kas ya i bin pilaim gutpela gem egensim Tarangau long las wiken.

Sapos Royals i laik daunim strong bilong Kantri, em i mas lukluk long stapim winga Senny Wakinie. Bikos Senny bai i kamapim planti het pen sapos Royals i no stapim em.

Faiv et David Chion na huka John Ketto bai i traime long stretim ol arapela beklain pilaia long brukim banis, na setim ol beklain pilaia. Long fowat lain em Peter Niaga, Danis na kepton Chris Mack bai i go pas.

Royals i gat bikpela tingting tu long daunim Kantri. Na em bai i lukluk long winga Julius Taliu, fran rowa

Nelson Nilkare, hap bek Anton Waiye, na Peter Tupaia long stapim Kantri i skoarim moa trai.

Royals bai i daunim strong bilong Kantri sapos John Paige na kepton Sam Akike i bungim pilai gut wantaim ol arapela pilaia. Na tu ol i mas kisim sampela helpim long ol arapela beklain pilaia olsem, hap bek Waiye na Paul Unapa.

Risal bilong tupela gutpela A gret gem long las wiken em Kantri i bagarapim sindaun bilong Tarangau 30-10, na Royals i daunim Works 32-13.

Seketeri bilong Wewak Lig, Aga Vele i tokim RLN olsem Kantri wantaim Royals i gat gutpela pilaia long olgeta posisen. Tasol tim husat i no mekim planti asua long fil bai i winim dispela gem.



## Nok aut fainal nau long Morobe Kantri

SAM YAKAM i raitim

EELS na Wes bai i traime bun dispela wiken long A gret nok aut gem bilong Morobe Kantri Lig resis long Wes Taraka Oval.

Olgeta gem bai i kamap long Wes Taraka Oval. Bikos ol eksekutiv bilong lig i no painim wanpela gutpela oval yet.

Presiden bilong Morobe Kantri Lig, Kuma Manoba i tok olsem ol eksekutiv i pasim tingting pinis long holim ol dispela fainal gem long Wes Taraka Oval.

Na bikpela gem bai i kamap namel long Eels na Wes. Dispela bai i wanpela gutpela gem tru bilong lukim.

Nau yet Wes i lukluk long daunim strong bilong Eels. Bikos ol i gat nem long daunim ol malio nogut long tripela taim pinis.

Namba i tok moa olsem ol boi bilong em bai i traime long holim pasim ol Eels husat bai i wel olsem ol malio nogut bilong wara.

Nau yet West bai i lukluk long ol beklain pilaia bilong em olsem namba tu kepton na hap bek yet, Jimmy Amos, lok Lawae Kiape, tupela senta, Richard Geibob na Gedion Allan wantaim helpim bilong winga Sirol Harold husat bai i ran long sait lain.

Long fowat lain em kepton Henzy Ezekiel bai i go pas wantaim ain man Jack Waruto, Francis Apem na huka Mefi Kiping. Amos i tok ol i mas bungim tingting na pilai olsem wanpela tim, sapos ol i laik winim dispela gem.

Bikos Eels bai i yusim ol wankain pilaia long

kamapim hetpen stret long dispela wiken.

Nau yet Eels i gat bikpela tingting long bungim Souths long gren fainal. Eels bai i lukluk long faiv et Richard Jeff, kepton Eddie Mark, Gilbert Simon, fulbek Jeff Steven, na tuepla tupela winga, Joel Miri na Philip Ben.

## Rabaul autim Kavieng long beklain

i kam long pes 6

sim Kavieng long stat bilong gem yet.

Hap bek Philip Ngatia yet i bin lukautim gut pilai. Wantaim sampela helpim bilong lok Apeles Waliya, seken rowa Aton Bala na, Sose Tulo, Rabaul i wok long paia olgeta taim ol i kisim bal.

Lok Apeles Waliya yet i bin pilaim gutpela gem. Na i helpim Stanis Julius long skoarim namba wan trai bilong gem.

Dispela trai i kirapim bel na tingting bilong Liprin Palanga, Steven Kapan na Willie Langer long skoarim moa trai. Tasol dispela tripela trai i no stapim Kavieng long pilaim strongpela gem tu.

Kavieng i strongim pilai long fowat lain long skoka. Tasol hevi i kamap long beklain. Na ol kas bilong Rabaul i winim dispela gem long las minit. Philip Ngatia i kikim gut kik bilong tupela poin, Na Rabaul i win 24-18.

Nau yet Kavieng i lukluk long stretim ol beklain pilaia pastaim, na bai i kamap long Kimbe Ragbi Lig Oval. Em bai i bungim Kimbe tim long hap.

Kepton bilong Kavieng tim, Bau Weles i tokim RLN olsem Kavieng i bin pilaim gutpela strongpela gem stret egensim nem senta, Rabaul. Na dispela i soim olsem bikpela wok i stap long han bilong kosa na treina nau long stretim ol beklain pilaia.

# 10-pela tok orait em Goroka mas bihainim

## LEO WAFIWA i raitim

PNGRFL i givim pinis strongpela 10-pela samting em Goroka Winfield Lig i mas bihainim, sapos em i laik lukautim bikpela Tes Gem namel long Australian Kangaroos na PNG Kumul.

PNGRFL i bin makim long 1991 Kalenda bilong em olsem Goroka Lig bai i lukautim dispela gem. Tasol ol sapota i bin mekim bikpela pait lonbg Danny Leahy Oval, bihain long Tes Gem namel long Frans Roosters na Kumul long Julai, 1991.

Oi i mekim olsem bikos ol i no amamas long Kumul kosa, Skerry Palangat i rausim Tuiyo Evei long fainal tim. Tuiyo i save pilai long Royals tim bilong Goroka resis.

Ripot i tok em i kamap bihain long kem. Olsem na ol Kumul opisal i rausim em long tim.

Bihain long dispela bikpela trabel, PNGRFL i tok-tok strong long rausim dispela Tes Gem i go long narapela Hailans senta. Tasol Goroka Winfield Lig, wantaim Isten Hailans primia i kam daun long Mosbi.

Na toktok strong olsem ol i gat bikpela laik long lukautim Tes Gem namel long Kangaroos na Kumul. Olsem na ol bai i mekim olgeta samting ol i ken, long stapim dispela bikhet pasin.

Bihain dispela kibung, ol i kamap long 10-pela tok orait olgeta em Goroka Lig i mas bihainim. Hia em ol dispela tok orait.

1. Bekim K37,260 dinau mani em lig i kisim long PNGBC long 27 Jun, 1991.

2. Banis i raunim Danny Leahy oval em ol i mas raunim olgeta bipo long Australia Kangaroos na Kumul Tes Gem long Oktoba.

3. Rum bilong ol pilaia long tenis wantaim toilet i mas kamap hariap, olsem hap bilong longpela taim developmen plen bilong lig.

4. Ples bilong salim tiket na dua bilong go insait long fil i mas kamap gut, bai i daunim pasin bilong pas pas nambaut.

5. Bikpela tenis mas i kamap long ples ol bikman (VIP) na opisal bai i sindaun long lukim pilai.

6. Antap bilong Danny Leahy oval i mas kamap moa gutpela we ol ovasis tim bai i laikim long pilai antap long en.

7. Stapim kain kain man long go insait long fil. Olsem olgeta plis ka i no ken go insait long fil nating.

8. Lig i mas luksave olsem moa plisman i sambai long fil long lukautim trabel.

9. Bikpela pablik kempen i mas kamap long mekim ol pipel i klia olsem get o dua bai i no inap op fri long hap taim olsem long nau yet.

10. Mas i gat bikpela bilip olsem nogat wanpela komplek i ken kamap long seleksen bilong ol pilaia long Kumul tim.

Kibung i pasim tok orait tu olsem Isten Hailans provinsal gavman, Goroka Semba bilong Komes, PNGBC, Rothmans, na olupela Nesenel Palamen memba bilong Isten Hailans i mas kisim kopi bilong dispela tok orait.

Kibung i pasim tok orait tu olsem sapos Goroka Winfield Lig i no inap kamap long ol dispela tok orait, PNGRFL bai i painim nupela senta bilong lukautim dispela Tes Gem.

Nau yet opis bilong primia i givim pinis K100,000 bilong helpim developim Danny Leahy oval. Dispela i bin kamap bihain long dispela kibung.



• Senta bilong Wes, Joseph Sarufa i givim sisti wantaim bal egensim Paga Panthers long bikpela A gret gem bilong Mosbi Winfield Lig resis long las wiken. Oi "Saki" i strong na winim dispela gem 30-18 long namba tu hap bilong pilai. Poto Misako Elemiah.

# Winfield League '91

# SPAK MAIK

NAU HENRI SIGARAPIM TIKEK...  
EM KIRAP NOGUT TRU OLSEM  
JUNIA WINIM K10,000... EM  
BIKMAIS...

HARIAP TRU EM APIM JUNIA NA  
TUPELA RON I GO AUISAIT...

TUPELA GO LONG LIKLIK LAKI HAUS  
WE JUNIA BAIM TIKET LONG EN...



TUPELA I NO WET... TUPELA RON  
TASOL I GO KAMAP LONG BIK-  
OPIS BILONG LAKI TIKET...

OL I GO INSAIT NA BLINGIM BIKMAN  
BILONG OL LAKI TIKET...

TASOL BIKMAN I TOKIM OL LONG  
WET LIKLIK...



## PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!





# REBO na AUIDA

EM GIVIM OLGETA PEPA LONG EM NA LAIK GO AUT TASOL BOS I SINGAUT...



EM GO STATIM KA NA TEK-OFF IGO LONG HAUS...



NAU EM GO SENISIM OL KLOS BILONG WOK NA PUTIM OL KLOS BILONG PILAI...



EM LUSIM KA LONG HAUS NA EM RON IGO LONG PLUS BAREKS BODI BILDING HAUS...



EM KAMAP NA TRAIM MASOL BILONG HAN...



NA EM TRAIM MASOL BILONG BODI BILONG EM...



## OL SAVEMAN BILONG BISNIS YUSIM OL!

### Lister

LTI 5 K.V.A.  
 ● TOTALLY PORTABLE ENERGY SOURCE  
 ● IDEAL UNIT FOR VILLAGE LOCATIONS

TS2 8.5 K.V.A.  
 ● 3 PHASE OR SINGLE PHASE POWER  
 ● COMPACT AND EFFICIENT

HR3 26.25 K.V.A.  
 ● IDEAL COMMERCIAL BACKUP SYSTEM

CS6 58 K.V.A.  
 ● INDUSTRIAL CAPACITY  
 ● WILL HANDLE MAXIMUM DEMAND FOR POWER ANYTIME

# Brian Bell Stores




● BOROKO — 25 5411  
 ● LAE — 42 3077  
 ● GOROKA — 42 1098

● MT. HAGEN — 52 1999  
 ● RABAUL — 92 1966

# Phantom








# Flash Gordon





# MICKY MOUSE

Walt Disney



# SiL

Samting tru long  
wasim ol plet, kap  
na sospen!



SiL marasin em i nambawan  
marasin tru na i strong moa moa  
yet.

Kapsaitim liklik tasol i go insait  
long hat o kol wara na mumutim  
ol plet, kap spun, fok, naip o  
sospen i go insait na traim....

Man, bai yu amamas tru long  
lukim olgeta samting i klin na sain  
gut tru!

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.